

TRIENNIVM
SUPERIORVM REGULARIVM
Funiculo triplici
MENSURATUM

seu

SERMONES ASCETICI

pro Vigilia Nativitatis Dni Nostri JESU
Xti, Renovatione Votorū Religiosorum.
Cæna Dni: pro Vigilijs item Festorū Bea-
tissimæ M. V. quæ ab Ecclesia cultu spe-
cialiori celebrantur, utrobique.

TRINI

per

R.P. BONAVENTURAM MERESS
S. Ordinis Monachorum S. PAULI primi
Eremitæ Monasterij Noviciatus ad S. Bar-
baram V. & M. Częstochoviæ Priorem

ENUCLEATI

Annō. quō Nucleus Cælestis, amaritudi-
ni corticis naturæ humanæ, terminos

posuit 1775.

Typis Clari Montis Częstochoviensis
M DCC LXX VI.

Fili hominis speculatorem te
dedi domui Isrāēl, & audies de ore
meo Verbum, & annuncias eis ex
me. Ezech. 3. 17.

Hf. Bier. B. II. 14.

PRO.

PROTESTATIO

AUTHORIS.

Unica mea fore profiteor desideria, ut nè in minimo etiam contraveniam, quæ Sancta, Romana, Catholica, & Apostolica Ecclesia hucusquè præscripsit, & in futurum præscribet; eatenus præsens Opusculum illius altissimo Judicio (quod profundè veneror) substerno: in quo quidquid approbaverit, ego quoquè approbo; quidquid rejicerit, etiam ego rejicio.

Fr. Bonaventura.

P.P. Eremitarum Camaldulensium
Eremi Vigrensis.

F. Namisellatis.

FACUL-


FACULTAS

REVERENDISSIMI PATRIS GENE- RALIS PRÆLATI INFULATI.

Opus asceticum à RP. Bonaventura Meress Ordinis nostri professo conscriptum, & à binis Censoribus Theologiae Doctoribus per nos ad hunc finem Nominatis probatum, ut pro Spirituali Regularium profectu Typis vulgari possit, facultatem (quoad in nobis est) harum tenore concedimus in Nomine Domini. Vienne 2. 8bris 1775.

PAULUS PRIOR GENERALIS

mpp.



CENSURA THEOLOGORUM ORDINIS.

Mandatis Reverendissimi Patris Pauli Eszterhazy Ordinis Nostri Generalis, Commissarij Apostolici, Prælati Infulati, S. T. D. iis Satisfaciendo: Librum cui Titulus *Triennium Superiorum Regularium* viginti septem asceticos complectentem Sermones opera & labore RP. Bonaventuræ Meress Monasterij Novitiatus ad S. Barbaram Virg. & Martyrem Prioris digestum, legi & examinavi, Ubi cum nihil Fidei, ac Ecclesiæ sensui adversum cognoverim, quin-

imo

nimo Religiosum Authoris zelum, ac pium cun-
ctos nonnisi ad profectum & Spiritum Regula-
res ducentem observaverim conatum Proinde
(Salvo jure Ordinarij) præfatus Liber ut ty-
pis mandetur, judicio meo comprobo. Datt.
Częstochoviæ in Monasterio ad S. Barbaram
Die 31. Augusti, Annô 1775.

Pr. Georgius Miroslawski Ords S
Pauli pr: Eremiæ Provinciæ Po
lonæ Vicarius S. T. Dr.
mpp.

AD Mandatum Reverendissimi Patris Pauli E-
szterhazy, Generalis Ordinis Nostri, Præ-
lati Insulati Librum cui Titulus: Triennium Su-
periorum Regularium &c. elaboratum Operâ RP.
Bonaventuræ Meress Monasterij Novitiatûs ad
S. Barbaram V. & M. Prioris perlegi: Nihilq;
in Eo Fidei contrarium, imò omnia consona
sensui S. Ecclesiæ contineri depræhendi. Ast
insuper hos Sermones Asceticos Superiorum
Regularium magnæ commoditati, Spiritualiq;
Utilitatî multum deservire censeo: Quare ut
præfatorum Opus Typis mandetur dignum judi-
co: Salvo consensu Eorum Quorum de Jure &c.
Datum in Monasterio Novitiatûs Częstochoviæ
ad S. Barbaram V. & M. A.D. 1775. Die 22.
Augusti.

Fr. Raphaël Psarski Ejusdem Ordinis
S.T.D. Supprior & Magister No-
vitiorum.
mpp.

APPROBATIO CENSORIS ORDINARIJ.

Ternos in Vigilias Festorum Salvatoris & Beatæ Sermones, doctissimo calamo A.R.P. Bonaventuræ Merels Prioris Conventus Monachorum S. Pauli primi Eremitæ ad S. Barbaram Clari Montis elucubratos, vidi, legi, examinavi; omnia & fervorem spiritus religiosi Authoris sui declarant & solidam eruditionem cum pietate conjunctam produnt. Nihil vero in ijs reperi, quod Sacro Sanctæ Fidei Orthodoxæ Romanæ, aut bonis moribus adversum sit. Opus ut lucem publicam videat, dignum censeo. Datt. in Collegio Majori Universitatis Cracoviensis Annō Dni 1775. Die 8va Mensis Novembris.

M. JOSEPHUS ALOYSIUS PUTANOWICZ S. Thæ Dr. & Professor, Eccl. Cath. Plocensis Canonicus, Colleg. SS. OO. Praepositus Paroch. Opatovecen. Curatus, Librorum in Diæcesi Crac-Censor *mpp.*

Ad Candidum Lectorem.

MENI me iam Tibi innuisse Can-
dide Lector in Praefatione ad
Te, Opusculi, cui Titulum præfixi:
Holocausta Medullatum &c. otii-
um diaboli pulvinar fore; hinc, quod
michi ab alijs, superfuerat temporis,
lubens illud præsentir Opellæ, Tuas
commodati studens, & forte satisfa-
cturus, impendi. Complebitur Ser-
mones pro Vigilia Nativitatis D. N.
J. C. Renovatione Votorum, Cæ-
na Domini: pro Vigilijs item Festo-
rum Beatissimæ Matris, quæ ab Ec-
clesia solemniter celebrantur, utro-
bique trinos, & succinctos.

Loquantur alij (verba sunt D.
Legislatoris nostri Augustini l. 4. de
doctr.

doctr. Christian.) meros flores, & folia, ego humili stylo, & tenui modulor avena: ita tamen, ut si tuo spiritu, qui duntaxat decet Religiosum, animeatur, vincet teste Martiali l. 7. Epig. 3. avena tubas.

Et dum Zoili dentes, Momi oculos, Mastigophori manus perhorresco, occurrunt verba Sedulij in Bibliotheca P.P. l. 418. Proferant sua, si qui carpere nituntur aliena. Promptius est judicare, quam facere, & de castrensi munimine pericula securo vultu conspicere. Vel strictim illud Marcialis l. 1. epig. 92. ad Lelium: Carpere vel noli nostra, vel ede tua.

Interim Te optimè valere cupio, qui, quæ potui, scripsi, Tuus cæterquin totus

Fr. Bonaventura.

Sermo

s, &
rodu-
ritu,
uime-
Epig.

ocu-
esco,
othe-
i qui
otius
ca-
vul-
Mar-
Car-

pio,
ero-

I

Sermo I. pro Vigilia Na-
tivitatis Domini no-
stri JESU Christi.

*Evangelizo vobis gaudium magnum,
quod erit omni populo. Luc. cap.
2. v. 10.*


I. Si quando , tunc certè
luce hodierna mini-
mè fas est locum tri-
stitia fore; equidem gaudia nobis
A cæli-

cælitus nuntiantur; lætitia imperatur.
Evangelizo vobis gaudium magnum,
quod erit omni populo. Apropinquat
jam natalis vitæ; non longè abest
dies redemptionis novæ, reparati-
onis antiquæ, felicitatis æternæ: cra-
stina die per totum mundum melli-
flui facti sient cæli; delebitur iniqui-
tas terræ, & regnabit super nos Sal-
vator mundi. Quod pro more, ut
assoleat, D. Legislator noster Augu-
stinus expendens in subsequā merito
prorumpit verba: Dulcis dies, verè
dulcis dies, & cunctis pænitentibus ve-
niā portans. Promitto vobis filioli,
& certus sum; quia in hac die si quis
ex corde pænituerit, & ad vomitum
peccati reversus non fuerit, quodcun-
què petierit, dabitur ei tantum in
fide non dubitet. Hodie totius mundi
peccatum tollitur, & peccator despe-
ret.

ret! Ita Augustinus serm: 3, in Nat.
D. nobis verò quibus potissimum
de fontibus lètandum, exultandum.
vè, præsenti adducam discursu. A.
M. D. G.

2. Primum fontem lètitiæ, &
exultationis crastina nobis aperit
dies; quia in illa nascetur nobis Re-
demptor, qui exvinculabit nos de
durissima antiqui illius serpentis, ser-
vitute capitalis humani generis
hostis dæmonis nempe & pec-
cati. Etyverò: nonne lachryma-
bilis fuit olim Gentis illius Hebrææ
servitus in Ægypto, qnà à Rege ty-
ranico præmebatur & opprimeba-
tur operibus lutis, & laterum facien-
dorum, non solum, sed & palearum
conquirendarum; mercedis verò
locò saepius objurgabatur, in fineque
laboris crebro flagellis cædebatur?

4

Plus dicā: O quām difficile erat to-
leratu, dū masculi illius à Pharaone
singuli, & singuli jugulabantur; neca-
bantur; occidebantur edictō latō! At-
que adeò quemadmodum gens illa
Hebræorum in tantis suis afflictio-
nibus sinè intermissione cælos pul-
sabat, ut tandem ab illis liberaretur,
nequè in cassum; enim verò liberato-
rem, seu, ut Proto-Martyr Stephanus
Act. 7. 35. inquit, Redemptorem
Moysen cum manu Angelī, qui appa-
ruit ei in rubo, obtinuit, per quem
de illa miseriæ spelunca mirabili
DEI potentia eduēta est; ita evenit
generi humano, imò feliciùs, for-
tunaciùsquè multò. Posteaquam e-
nim vidit DEUS ærumnas illius,
gemitusquè, & clamores illorum
veterum patrum Rorate cæli de super,
Et nubes pluant iustū, audivit, cogitans
cogi-

cogitavit, ut quēm condiderat sal-
varet per Filium suum, eriperetquē
non de laterum fornace, & officina,
aut de fornace gehennæ; non de
corporum, aut de animarum capti-
vitate. Quod ipsum est, quod Pro-
pheta Domini Isaias cap. 52. v. 4.
olim vaticinabatur dicens: *In Ægy-
ptum descendit populus meus in prin-
cipio, ut colonus esset ibi; ¶ Assur
absquē ulla causa calumniatus est
eum.* Moxquē versu videlicet sub-
sequo addit: *Et nunquid mihi est
hic, dicit Dominus, quoniam ablatus
est populus meus gratis!* Dominatores
eius iniquē agunt dicit Dominus, *¶*
*iugiter tota die nomen meum blasphe-
matur.* Jam verò v. 6. taliter con-
cludit: *Propter quod sciet populus
meus nomen meum in die illa: quia e-
go ipse, qui loquebar, ecce adsum.*

Jam

Jam nunc pensandum venit, quantum lætandi causam hodie habemus, cum jam non longè absit, quem proni adorabimus Liberatorem nostrum, qui pectus suum opponet, ut eruat nos de potestate dæmonis, ipsumvè in abyssum demergat profundi sempiterni.

3. Secundum fontem lætitiae, & exultationis crastina nobis præbet dies; quia in hac nascetur nobis fideiussor, qui omnia nostra debita, & quoscunquè demum pænarum reatus in se suscipiet gratosè, dirè in corpore suo luiturus. Revera nusquam tale, aut huic simile in ante beneficium terra vidit. Nam quis dicet, eum, qui ex carcere, aut captivitate dimittitur, eō ipsō ab omni debito liberum fore! ast lytrum solvere cogitur, impensas, & damna refar-

resarcire. Cogitemus quantò gau-
diô perfunderetur vir cæteroquin
honestus propter debita in vincula
conjectus, si se illi offeret talis, qui
omne illius debitum in se susciperet
ex suo soluturus, sed procul, & de
ultimis finibus pretium ejusmodi
benefactoris. Ast Filius DEI à nobis
expectandus non tantùm nos eri-
piet è carcere tenebrarum, verùm
etiam, in se suscipiet pænæ nostræ
reatum. E! quis erit, qui tam gra-
tum nuncium animô non suscipiat
lætô? Enimverò: *Unusquisque no-*
strum, ut benè advertit antiquissi-
mus ille Scriptorum Origenes hom.
13. in Gen. in his, quæ delinquit, de-
bitor efficitur, & peccati sui literas
scribit: atqueadeò tamquam per chi-
rographum se ultrò citroquè ad o-
mnes pænas obligat DEO. Ille au-
tem,

tem, qui veniens veniet, & non tar-
dabit, cuius manè gloriā specta-
re nobis licebit, Christus JESUS,
veniet donans nobis omnia delicta-
delens quod adversum nos erat chi-
rographum decreti, quod erat contra-
rium nobis, & ipsum feret de medio,
affigens illud cruci, & expolians prin-
cipatus, & potestates, traducet confi-
denter palam triumphans nos in se-
metipso. Coloss: 2. 13. & sequ. Aurō
cedrōquè quidem notanda Hadria-
ni Imperatoris liberalitas, cuius
meminit Pontan. cap 3. de liberal.
quando 27. millones populo Roma-
no, quos privatis debitoribus, non-
nullisquè Provincijs fiscō debebat,
condonavit, & insuper illius syngra-
phas, nè aliquando repeterentur,
comburi curavit spectatore assisten-
te in Traiani foro. Verūm debitum
hoc-

hocce pecuniarium erat, quod illius tantum fortunas tangebat, non vero sanguinem exposcebat, poteratque sensim, & sensim pacificari: ast non illò modò debitum apud DEUM contractum peccatorum, quod nullus solvere valet, & vitam concen-
nit. Cras itaque veniet talis, qui valebit hoc debitum remittere toti mundo, ignequè charitatis suæ syn-
graphas omnes comburere, atque in publico Calvariæ monte affigere cruci.

4. Tertium fontem lætitiae, & exultationis crastina nobis aperit dies, quia in illa nascetur nobis Medicus cœlestis, qui cunctas infirmi-
tates nostras sanabit, curabitque cum efficacia, quoties in illas passi fuerimus recidivam: sanabit absque prætensione mercedis, absque cru-
ciatu,

ciatu, absquè ustione, scissione, vel
amara potione, absquè ulla deni-
què dubitatione, absquè mora, abs-
què hæsitatione. Quis jam nunc æ-
ger ad talis medici adventum læti-
tiæ, & exultationis melos non du-
cet? animum non excitabit? Illum
ipsum medicum luce craftina præ-
stolamur venturum, qui apud suum
Evangelistam Matthæum cap. 9. v.
12. dicit: *Non est opus valentibus
Medicus:* & apud Lucam cap. 4. v.
23. *Medice cura te ipsum.* Hic, hic
Medicus cælitus nobis dandus sin-
gulos animæ nostræ morbos sanabit
non semel duntaxat, sed toties,
quoties in illos fuerimus relapsi; &
quidem suis sumptibus nullatenus
verò nostris, sanguine videlicet suo
pretiosissimo, dummodò ei nos cu-
ran.

randos fideliter concredamus. Re-
vera posteaquam Antonius Musa
Medicus peritissimus, Orbis univer-
si caput Romam (ubi in ante 400.
per annos ullus medicus reperieba-
tur) venit, & ipsum Augustum Im-
peratorem , aliosquè feliciter cura-
vit non mediocriter honoratus fuit:
donarij enim locò datus ei fuit an-
nulus aureus insigne nobilitatis; ere-
ctus , dedicatusquè fuit in gratiam
illius colossus alabastrinus in foro;
exemptus denique illicò fuit ab o-
mni onere civili, multaquè pecuniā
locupletatus. Potiori nos venerati-
one nostrum Medicum suscipere
debemus venturum, qui utpote nul-
lum ab exordio mundi hucusquè
habuimus talem, qui langvores no-
stros portaret, & dolores nostros
ferret. Maximum olim Divinæ pie-
tatis

tatis argumentum, quum Isaías
DEO jubente venerit ad Ezechiam
Regem à morbo lethali sanandum;
majus adhuc, quod Raphaël Archangelus
ad Tobiam missus sit, à cæcitate
curandum; ast tametsi cuncti
Angelorum chori ad ipsum directi
fuissent, neutiquam tantum fuisset,
quantum est ipsum Regem Angelorum
ad nos venire.

5. Quartum fontem lætitiae, &
exultationis nobis crastina eruit di-
es, quia in hac accepturi sumus ali-
torem, & Patrem familias illum,
qui in via virtutum nos confortabit,
& saturabit pane, non tam terreno,
quam cælesti, qui erit partim verbū
DEI, partim insignia, utinam ab om-
nibus imitanda virtutis omnimo-
dæ exemplorum specimina, quæ in
illo, & sequacibus ejus ut nitida

cry-

as
m
n;
i-
ti-
ti,
t,
p.
x
i-
i-
,
t,
p,
ü
o.
n
a

crystallus elucebunt: partim Sacra-
menta, signanter Augustissimum E-
ucharistiæ Sacramentum. Et quis
jam absquè hoc pane sustinebit ita,
ut non deficiat in via perfectionis.
Providit quondam Joseph Ægypto
per septenium fame laboranti panē,
adjacentibusquè Provincijs, & hanc
ob causam *Salvator mundi* meruit
audire, & promulgari, veluti legere
est Gen. 41. 45. Expressus erat in
Joseph, Christi, quem venturum
læti præstolamur, typus, qui non
jam unius Ægypti, & vicinarum re-
gionum erit Salvator verissimus, ast
totius mundi: cui quoquè aptissimè
conveniet nomenclatura, quam in-
nuit S. Codex de Joseph pronunci-
atam à præcone clamante *Abrech*,
quod idem est ex Ægyptiaco, ac
flecte genu: Hebraica autem versio

juxa

juxta Dalmatam purpuratum D. Hieronymum vult intelligere tenerum Patrem. Et quis (amabo) est iste tener Pater, si non nasciturus Christus infans, eapropter luci in Ægypto dandus, hoc est, in domo panis; equidem mundum saturabit, & ex omni implebit panibus parte, constituetquè Ecclesiam domum paniss qui & in præsepio reclinabitur, ut non justorum solum, ast peccatorum quoquè tamquam brutorum panem se fore intigitaret. Eapropter si post longiorem famem abunda panum subministracione seu per messem, seu per alia subsidia, sublatam, & abolitam populus in lætitiam solet effundi, eo æquius hodie nobis jubilandum ob iminentem tanti Salvatoris adventum, qui non moritura corpora, ast immortales animas cæ-

Iestii

lesti pabulabit pane. Verbo, ut complectar plura, die crafina nascetur nobis Princeps pacis, qui pacem adferet mundo: Rex pacificus, prout in Vesperis hodie canet Ecclesia, cuius vultum desiderat universa terra. Nihil ferme magis optat sibi mundus, quam unicam pacem. Enimvero canit Poeta: Nulla salus bello, pacem te poscimus omnes. Istam ei secumferet venturus Messias, de quo Genij illi annuntiabunt caelestes: Gloria in excelsis DEO, & in terra pax hominibus.

6. Crafina, inquam, die, nascetur nobis Servator ille, qui post hujus miseri saeculi ærumnas servabit nos ab interitu, & perducet salvos, & incolumes ad vitam beatam, & æternam. Ultra quod nil video ampli-

amplius restare. Quis enim omnium nostrum principalior, & speciалиor finis, præterquam, ut olim ab omni miseria soluti æternū felices inveniamur? En jam prospicit per cancellos, qui nobis hoc beneficium præstare & poterit, & desiderabit. Fuit quidem olim Nòe consolator, & Servator quidam generis humani, dum in arca sua, vel in octo personis id servavit, ast ad vitam duntaxat miseram solummodo, & temperalem; venturus vero noster Servator ita nos servabit, & salvabit, conservabitque in Ecclesiæ suæ Arca, ut nequaquam mortem videamus æternam; imo potius ad vitam in ea transferet, & transvehet omnibus bonis abundantem, singulis malis carentem. Quamvis enim vero defacto habitemus in corpore mortali,

tali, scimus nihilominus quoniam se
terrestris domus nostra huius habi-
tationis dissolvatur, quod ædificatio-
nem ex DEO habemus, domum non
manu factam, æternam in cælis, in-
quit Doctor Gentium Paulus a. Cor.

s. i.

7. Modò jam nihil restat,
quàm, ut ruminemus tantisper quan-
tas, quamq; multiplices habeamus
lætitiae, & exultationis rationes luce
hodierna. Revera vel una sufficiens
esse deberet ex allatis ad choros in-
stituendos, & æviternas DEO gra-
tias referendas: ast quoniam nos tot,
& tantis gratijs celebrandis mini-
mè sufficientes sumus, invitemus ad
supremi Numinis laudes nobiscum
decantandas imprimis illos cælestes
Spiritus, quorum fratres cras esse
incipiemus, deinde creaturas uni-

B

ver-

versas , dicamusquè : *Benedicite o-
mnia opera Domini Domino, laudate,
Et superexaltate eum in sæcula sæcu-
lorum. Amen.*

Sermo II. pro eadem Vigilia.

*Omnes, qui audierunt mirati sunt.
Luc. 2. 18.*

I. **C**ogitanti mihi præsentem or-
diri sermonem occurrit visio
illa facta de nocte Prophetæ Da-
nièli , quâ datum illi fuit aspicere
venientem cum nubibus cæli tam-
quam filium hominis, & quidem ut
notat Chaldaicus textus, Kebar e-
nos, id est, ut exponit Cor. à Lap.
tamquam filium hominis miseri, æ-
rumnosi, morti obnoxij, & relictí o-
mni oblivioni. Ast ubi hic pervenit

ad

ad antiquum dierum, oblatusquè fu-
isset eidem, data est illi illicò pote-
stas, & honor, & regnum, quod
non corruptetur. Qua visione tan-
tus stupor, horrorquè invasit dictū
Propheten, ut diceret: *Horruit spi-
ritus meus, ego Daniēl territus sum
in his, & visiones capitīs mei contur-
baverunt me.* Dan. 7. 15. Itaque ac-
cessit ad unum de assistentibus, &
veritatem quæsivit ex eo de qmni-
bus his diligenter. Atque adeò quæ
Daniēl tam longè præyidit tanto
cum timore, & stupore, eum crasti-
na luce intuebimur palam, DEI fi-
lium de cælo venientem, ast nubi-
bus carnis humanæ obvelatum, quin
imò & miserum, ærumnosum, mo-
rituram, atquè in stabulo Bethleem
traditum oblivioni. *Quis hic hor-
rore, & stupore non corripiatur au-*

diens DEUM abjectum, pauperem,
 contemptum, oblivioni datum, ja-
 centem in præsepio, pannis involu-
 tum! Quis non miretur, prout de-
 factò omnes miramur, nequè suffi-
 cienter demirari valemus! Eapro-
 pter quemadmodum memoratus
 Domini Propheta accessit ad unum
 de astantibus, & veritatem illius
 apparitionis inquisivit; taliter nos
 faciemus, conveniemus astantes ad
 præsepe Christi, & indagabimus
 rationes quarenam tam pauper, &
 specie abjecta ad nos venire inten-
 dat! A.M. D.G.

2. Quæ ratio quòd adeò pau-
 per, & specie prorsus abjecta ad
 nos venire intendat Verbum illud
 Theandricum Christus JESUS, in-
 quiramus ex Maria, & Josepho, &
 ab his aliud certè haud accipiemus
 respon-

responsum, quām sic eum venire
intendere, ut pauperibus solatium
ferat. Enimverò pauperes in mun-
do, olim præsertim, despiciui, &
probro erant homines inter, uti &
ipsa paupertas, adeò quod mundus
illa seduceretur opinione, pauperes
nequaquam à DEO curari. Qui ta-
men error gravissimus est; cùm
pauperes ad mundi conservationem
omnino necessarij sunt in numero
maximo quidem, nequè remissio-
rem curam habet supremum Nu-
men pauperis, quām divitīs Psalmi-
sta Psal. 10. 5. attestante, & dicente:
Oculi eius in pauperem respiciunt,
inveniunturquè ordinariè minus præ-
divitibus vitijs implicati. Quia
proin tali pauperes subjacent crysi,
ideo DEI Filius eligit pauperes pa-
rentes, & pauper fieri vult, ut de-
tur

tur nobis nōsse pauperes haud spernendos, imò potius honore prosequendos, ac fovendos, nequè paupertatem fore probrum, aut pñnam à DEO inflictam, ast ipsum exercitium virtutis. Hinc jam pauperes è priore luto, & sordibus suis emergere, & in honore esse incipient, adeò quòd pleriquè, imò plurimi nobilissimā etiam prosapiā prognati ad imitationem Christi spretis facultatibus suis amplectentur paupertatem. Eatenus pauperibus pastoribus adventus sui gaudium intimari jubebit Christus, eosquè præ Regibus ad præsepe suum vocari. Sic nimirum implebitur, quod Sanctissima Mater ejus cecinit: *Deposit potentes de sede, & exaltavit humiles.* Luc. I. 52. Quò autem pactō id efficiet?

ciet' paupere habitu, & statu per ipsum assumpto duntaxat. Hinc per ipsum adeò assurgent pauperes, ut jam in honore sint tamquam aulici Christi, in quibus ipse latebit.

3. Inquiramus ex stabulo cur Christus tam pauper ad nos venire intendat, & hoc ex templo responsum nobis dabit, sic eum venire intendere, ut mundum à via perditonis revocaret. Videt ergo DEI Filius è cælo, homines non quærere nisi comoditates suas, carni, & sanguini arridentes, ut splendidè habent, niteat supellex, mensa habeat lepores; diu, s'vaviterquè dormiant; numum numo addant, curent favores, & honores, contraria his perhorrescant, fugiantvè. Quid itaque Christus: contrariam omnino viam arripere; ad stabulum divertere, & ea,

ea, quæ mundus horret, & subterfugit amplecti: humilitatem, patientiam, paupertatem, viæ asperitatem; ut hoc exemplo suo nos ad sui sequelam, & tutiorem salutis viam alliceret, in votis habet. Etenim quæ admodum S. Athanasius ab Alexandria exul prosperò ventô per flumen Nili navigans quum conspiceret insidiatores post se missos jam jam adesse, sequè in periculo una cum navi versari, navim invertit, & retrogrado, contrarioquè cursu, ac flumine adverso insidiatoribus ob viam venit, taliquè modo se, vitamquè suam salvavit: non aliter quoquè Christus facere intendit, equidem videndo in mundo secundo prosperitatum flumine summopere periclitari, & in salutis, homines incidere, prædones; viam mundo con-

tra-

trariam eligere parat, adversum navi-
gandi flumen assumere intendit,
ut nos ildem arripere edoceat, iter.

4 Indagemus ex præsepi, qua-
renam Christus tam pauper, & mi-
ser ad nos venire intendat, & dicet
nobis, ut humilitatem, viam dunta-
xat cæli, nobis in aperto monstraret.
Fateor. ego quidem hocce naturam
dedisse generi humano parentem,
quod semper ascendere conetur;
quia videlicet animum cælestem, ad
alta, & ad æternam felicitatem na-
tum habet: ast hanc nequaquam
quærit viâ rectâ, sed deviâ prorsus,
dum videlicet appetit honores, ti-
tulos solicite quærit, alias cubito
trudit, ut se introtrudat, quo alijs
pluris habeatur. Et taliter ventum
sequitur, & confusionem, curisque
potius submittit cervicem, quam
feli-

felicitati. Verbum proin DEI In-
 carnatum viam nobis ad illam feli-
 citatem æviternam volendo demon-
 strare , en ubi primò figet pedem
 non in Imperatoris, Regis, aut Prin-
 cipis cuiuspiam palatio, sed in præ-
 sepi bovis , & asini disco. Et quis
 in posterum audebit sapere altum ,
 dum cernet Filium DEI taliter hu-
 miliatum! quis non eliget recumbe-
 re in novissimo locò, cum DEI Fi-
 lius in vilissimo reponetur! Revera
 ab hinc nobis pro quotidiana Tes-
 sera verba Abbatis illius Claraval-
 lensis Bernardi, quæ ille habet serm.
 1. super missus est, meritò assumenda,
 & frequenter usurpanda: *Erubesc
cenis, DEUS se humiliat, & tu te
exaltas!*

5. Quid putamus nobis re-
 sponsorum fænum si illud interroga-
 veri-

verimus curnam tam pauper ad nos
 venire intendat DEUS ! certe &
 hoc afferet , ut nos doceat contem-
 ptō mundō imundo , falaci , & per-
 verso sectari virtutem . Porro si fæ-
 ni significatum habere velimus en-
 Domini Propheta Isaias cap 40 . 7.
 6. & 7. inquit : *Omnis caro fenum ,*
¶ omnis gloria eius quasi flos agri .
Exsiccatum est fenum , ¶ cecidit flos .
 Quodipsum clamabit Christus in
 præsepi , dum in substrato sibi fæno
 repositus premet , & calcabit omnia ,
 & singula mundi bona ; honores , o-
 pes , voluptates , potentiam , velut
 inania , & fluxa bona , quæ hodie
 florent , cras secantur , aut per se a-
 refunt , & in clibanum mittuntur ;
 insimul quoquè virtutes solas , ac
 merita tamquam vera , & solida bo-
 na conquirenda ; humilitatem deni-
 que ,

què, patientiam, obedientiam, abstinentiam, mortificationem docebit sestandam. Enimvero si non præfata, ast illa solida, & vera forent bona, revera cælicus ille mercator his relictis illa sibi compararet abschè dubio omni. Sernet ergo ita humiliatus, & proscribet mundum cum concupiscentijs suis ad eum prope modum, quô Rudolphus Imperator quondam sub vili, & abjecta sua veste virtutem gestans, stravit, & confudit Ottogari superbiâ Bohemorum Regis. Iste namquè dum fati Rudolphi vestem illam humilem splendidè ornatus cum suis sæpius derisui habuisset, factum, ut à Rudolpho bellô vietus regnô exueretur. Quô, ut iterum potiretur, coacto ad se venire Imperator sæpe

sæpe objicit: *Hec mea vestis toties derisa, deridentem deridere debet.*

6. Quæramus tandem ex pan-
nis cur tam pauper ad nos venire
gestiat DEUS, & hi reponent pro-
fectò, ut amorem suum erga genus
humanum in aperto monstraret. Et-
verò coaluerat olim amicitia Jona-
tham, & Davidem inter fortunâ im-
pares omnino. Evidem Jonathas
filius Regis Saul, videndo Domi-
num esse cum Davide: *Dilexit eum*
sicut animam suam. I. Reg 18. 3.
Quò vero firmior, & sincerior amor
foret filium Regis, & pastorculum
inter, quid Jonathas agit? non pécu-
nias, aut quidpiam simile his dono
cedit Davidi, sed vestibus proprijs
usquè ad baltheum, militum insigne,
se exspoliat, illasquè largitur suo
Davidi. Non mediocrem videmus
omnes

omnes inter DEI Filium, & genus
humanum disparitatem, tanto nihi-
lominus erga id fertur amore, ut se
gratiâ illius exspoliare, nec nisi vi-
les panniculos sibi retinere; suas por-
ro vestes, sapientiam duntaxat, me-
rita, gratiam, gloriam uique ad bal-
theum, id est, ad sui derisionem, &
contemptu transcribere paret. Qua-
re non imminetò S. Thom. Vill.
conc. 3. de adv. Dom. subinfert di-
cens: *Hic hominis amor violentus*
cælum invasit, paradisi atrium poten-
ter irrupit, omnipotentem DEUM
carneis vinculis alligavit, universa
eius abstulit arma, & spolia eius di-
stribuit, divitias eius immensas ho-
minibus dedit, & ipsum Maiestatis
Dominum - - - ligatum hominibus
mancipavit.

7. Jam: quis hic amore Chri-
sti,

stī, in reciprocum amorem illius
non exardescat! quis non liquefiat
amore! *Quò pro me vilior, eò mihi
charior est*, inquit de illo Melleus
Doctor D. Bernardus serm. I. de
Epiphania. Quod ipsum & nos re-
plicemus: Quò vilior nostri amore
à nobis expectatur venturus, eò a-
pertiori pectore illum suscipiemus,
eritquè nobis charior, & manebit
semper. Amen.

Sermo III. pro eadem Vigilia.

Verbum caro factum est. Joann. I. 14.

- 1. VERBUM DEI, de quo Apoc.
19. 13. Sapientia Patris de qua
- 1. Cor. I. 30. splendor Divinæ glo-
riæ, figura substantiæ ejus, de qua
- Sap. 7. 26. Unigenitus DEI Patris

Fi-

Filius ab æterno, & usquæ in æternum, primogenitus omnis creaturæ de quo Coloss. i. 15. Verbum inquit DEI non factum, sed per quod facta sunt omnia, & sine quo factum est nihil, hodie Caro factum est. Invisibile factum est visibile, imò palpabile, æternum, factum temporale; immensum factum est pusillum, parvulus enim natus est nobis. Verbum illud, cūjus immensitatem mille orbes, aut cæli capere non poterant, Dominus super terram abbreviatum fecit. Omnipotens ille sermo, qui cuncta in cælo, & terra creavit, nostra circumdatus est infirmitate. Immortalis factus est mortalis; maximum Numen, minimum nomen. Mirabile mysterium! & curita factum est! præsenti demonstrabo discursu. A. M. D. G.

2. Quòd

2. Quòd Verbum Divinum
adèò sit abbreviatum, principalis
causa est, ut loqueretur nobis, quē-
admodum Scriptura ait Hebr. I. I.
& 2. *Multifariam, multisquē modis*
olim DEUS loquens patribus in Pro-
phetis, novissimè diebus istis locutus
est nobis in filio, qui, ut hominibus
loqueretur, homo factus est, ut ho-
mines ex eadem carne constitutos
suō colloquiō bearet. Omnes enim
creaturæ DEO erant obtemperan-
tes, & subjectæ, solus homo rebel-
lis, non potuit nisi ipsius Verbi
Divini à sua protervia, à sua duritie
revocari.

3. Sed dicetur mihi quid, &
quomodò loquitur nobis Neonatus
Infantulus Verbum infans! Verùm
est, infans Verbum non tamen mu-
tum, equidem hoc etiam tacendo

C novit

novit loqui. Dicit enim S. Codex
Act. 1. 1. Cæpit JESUS facere, &
docere. Ecce nunc cum non potest
dictis, loquitur nobis, & docet nos
factis, ut à principio statim sui ad-
ventus in mundum suam nobis in-
cipiat tradere doctrinam. Præsepe
jacentis cathedra fuit docentis. Et
quia mundum licet valde bonum à
se creatum invenit ut stabulum im-
mundum, homines insolentes, dis-
solutos, & post carnem abeuntes
repererat, elegit sibi stabulum pro
templo, & pro cathedra præsepe.

4 Modò si non pedibus cor-
poreis, saltem affectibus cordis
transeamus usquè Bethleem, vide-
amus hoc Verbum, quod factum
est, quod factis, & non verbis nos
admoneat quid agere, quidvè face-
re de-

re debeāmus. Aperiamus aures, sed
magis præparemus corda, ut audi-
amus quid in nobis Dominus lo-
quatur. Simus ita resoluti corde, &
affectibus sicut quondam parvulus
Novitus in lege DEI Samuēl de
quo Scriptura ait 1. Reg. 3. 3 qui
strenuè respondit voci divinæ di-
cens: *Loquere Domine, quia audie-
servus tuus.* Nunc audiamus pati-
enter quid Neonatus parvulus no-
ster DEUS, & Dominus ex hac sua
præseptali cathedra loquatur nobis.
Ecce cùm suo infantili ore ad nos
loqui non valeat, per suum Cancel-
larium Joann. 1. 12. inquit: Filij ho-
minum, quibus ego dedi potestatē
filios DEI fieri, quousquè tandem
corde gravi, scilicet affectibus mun-
danis, carnalibus, terrenis gravato,
more animalium deorsum respicitis,

deorsum tenditis. Ecce descendit de cælo in terram, ut homines ad cælum facerem ascendi de terra. Loquitur per Paulum Apostolum Coloss 3. 2. Ecce jaceo in terra, ut vos sursum corda habeatis, quæ sursum sunt quæratis, cælestia sapiatis, non quæ super terram. Corda vestra sint ievia levitate Spiritus S. sint spiritualia, sint cælestia, sint divina tamquam filiorum DEI.

5. Audiamus hoc infantile Verbum nobis quasi factis suis loquens: videte Filium DEI exinanitum in carne humana, stabulum inhabitantem, in medio duorum animalium positum, reclinatum in præsepio, pannis involutum, vagientem, lachrymis inundantem, frigore constrictum, fætore stabuli obseptum, paupertate pressum, omni commoditate privatum. 6. Quis

6. Quis ergo velit quærere
vanitatem, diligere jucunditatem,
affectare præminentiam, desiderare
commoditatem, prætendere solatia?
Et tamen secundum carnem hæc
sæpe affectamus, & quæ carni mo-
lesta hæc abhorremus, hæc detrecta-
mus. Nonne si quid duriusculum
occurrit, conquerimur; si quid aspe-
rum, murmuramus; si quid minùs
commodum lamentamur? Et tamen
DEI Filius hæc elegit, hæc dilexit.
Contemptibilia DEUS, & ignobi-
lia elegit Paulo i. Cor. i. 27 atte-
stante. O gravitas cordis; o vanitas
mentis; o error intellectûs illa post-
ponere; illa vereri; illa contemnere,
quæ Filius DEI nostri amore in se
suscepit, sibi elegit! Arguit nos
Coronatus Vates Psal. 94. 8. de
hac nostra duritia dum ait: Hodie,
dum

dum vocem Verbi Divini audiamus, non obduremus corda nostra. Ac si diceret: non exacerbemus DEUM nobis loquentem, nec contristemus spiritum ejus. Non simus generatio prava, atque perversa filij infideles.

7. Christus in præsepio delicata totus mortificatus carne, docet nos mortificare membra nostra per votum castitatis. Christus natus venit in mundum facere voluntatem Patris sui, docet nos viam salutis per exactam obedientiam, ut ad eum per obedientiam redeamus, à quo per inobedientiam recessimus. Christus humiliavit se descendens de cælo usquè ad terram, docet nos per gradus humilitatis religiosæ scandere usquè ad cælos. Christus nudus jacet, locum non habet ubi

caput

caput suum reclinet, hōc ipsō nos docet, ut nuditatem ejus imitemur per exactam voti paupertatis obser vantiam.

8. Suscipiamus ergo corde perfecto hanc Verbi Divini non loquentis, sed monstrantis doctrinam. Suscipiamus eam viva fide, armata spe, animosa charitate, ut ille, qui locorum intervallis non distingvitur, sed ubique est; ille incomprehensus, qui omnia comprehendit in anima nostra comprehendatur, & locum inveniat, quem illi amplum diversorium negavit. Humilitatis, paupertatis, castitatis, mansuetudinis, patientiae, abstinentiae, charitatis, obedientiae, devotionis, ac justitiae vestigia in nobis reperiatur, & sic per gratiam suam in nobis stabuletur. Amen.

Sermo

Sermo I. pro renovati-
one Votorum in Festo
S. Patris Pauli primi
Eremitæ.

*Apertis thesauris suis obtulerunt ei
munera, aurum, thus, & myrram.
Matth. 2. II.*

I. **S**erenissimi orientis mundi Prin-
cipes, sancti tres potentissimi
Reges, qui stella duce, ac æterni
instinctu luminis relictis Regnorum
suorum delicijs, postpositis quibus-
vis viarum incommodis post diu-
turnum arduum iter unà cum mune-
ribus in Urbem adventârunt Bethle-
emiticam, ut Neonatum Salvato-
rem mundi, ut clementissimum ho-
minum adorarent Redemptorem,
ado-

adoratum suis etiam regalizarent,
& venerarentur muneribus. *Apertis*
thesauris &c. Et quidem non singuli
singula, sed quilibet eorum omnia
obtulit tria: aurum, thus, & myr-
rham. Nam quilibet eorum Neo-
natum Christum Dominum, & ve-
rum DEUM, & verum Regem, &
verè secundùm carnem mortalem
profitebatur hominem teste D. Bo-
naventura, qui inquit: *Quilibet illo-*
rū obtulit tria dona in maxima quan-
titate. Ast si magna liberalitas fuit
Sanctorum trium Regum erga Ne-
onatum Salvatorem, absquè dubio,
absquè comparatione longè major
fuit Neonati Salvatoris erga hos
Sanctos Reges, dum pro tempora-
libus æterna, pro corporalibus spiri-
tualia eis tribuit dona. Pro auro e-
nim

nim dedit eis fidem, sínè qua salvi
esse non poterant; pro thure spem
divinam; pro myrrha charitatem,
cujus pretium sicut nemo novit, sic
nemo taxare potest. Taceo honores,
quibus nunc honorantur in terris;
taceo gloriam, quâ æternum fruun-
tur in cælis.

2. Aniversariam votorum no-
strorum oblationem facturi sumus
RR. in Xsto Patres, Fratresquè a-
mantissimi! non sínè mysterio, non
sínè speciali causa, non alio tempo-
re, sed intra solemnes Epiphaniarū
ferias; nisi, ut nos etiam ad exem-
plum Sanctorum horum trium Re-
gum, plusquam regia dona Regi
Regum, Principi sæculorum, Chri-
sto JESU, Neonato Salvatori offe-
ramus munera, scilicet: paupertä-
tem, castitatem, & obedientiam.

Sed

Sed hoc est non sinè gravi merore
mirandum, quod licet si quotannis
offeramus munera nostræ fragilita-
tis, aurum, per paupertatem; myr-
rham per castitatem; thus per obe-
dientiam, non tamen agnoscimus,
non videmus eam erga nos Neonati
Salvatoris Christi Domini liberali-
tatem, quam experti sunt Sancti tres
Reges. Frigida enim in nobis fi-
des, spes valde infirma, frigida, ac
tepida charitas. Et quare hoc nisi
fors ideo, quia in his votis, quæ
DEO offerimus, instabiles, incon-
stantes sumus. Tot jam vicibus vo-
vimus, tot annis renovavimus, nec
tamen semel adamussim observavi-
mus. Hanc ergo inconstantiam, ut
deinceps caveamus, dicam brevi-
ter quam utilis est in observatione
votorum nostrorum constantia, quā
culpa-

culpabilis inconstantia. A. M. D. G.

3. Nulla virtus, nullum virtutis opus magnum est, vel esse potest apud DEUM, nisi debita in eo adsit perseverantia. Perseverantia est, si bonum, quod semel ceperis, nunquam de cætero dimittas. Inconstantis enim animi est indicium à sanctè cæptis turpiter resilire. Eapropter svadet Sapiens Domini Eccles. II. 6. dicens: *Manè semina semen tuum, & vespere nè cesset manus tua.* Quem locum Scripturæ sacræ explanando Alvarez ait: *manè seminas, si bene incipias; & vespere non cessas, si quod iam cepisti prosequaris per constantiam, & nunquam leviter derelinquis.*

4. Hanc in bono constantiam svadet nobis Mellifluus Doctor D. Bernardus, dum observantiam votorum

torum nostrorum florido lectulo
 confert dicens: *Sicut lectulus floridus est, cum ablatis marcidis floribus,*
aliij recentes, & beneolentes succedunt, ita conscientia nostra, munda,
& quasi florida est, quando perfectis bonis actibus, & votis nostris, amore
DEI inflammati debitam præstamus constantiam, quasi primò vitam inchoantes Religiosam. Ad hanc ipsam adhortatur nos Dominus dicens:
Esto fidelis usquè ad mortem, & dabo tibi coronam vitæ. Apoc. 2. 10.

5. Quid enim profuit Salomonis amabilem fuisse DEO, dum postea abiens post carnem fætidam depravatus est? Quid profuit Iudæ sacro Apostolorum adscribi collegio, quando postea sceleratissimus factus est proditor Christi?
 Non

Non salvavit eum Apostolatus, in quo constanter non perseveravit. Ecce, qui jam beatus dici poterat, de ipso beatitudinis limine ob suam inconstantiam in tam sacrá vocatio-
ne decidit ad tartara.

6. Nom confidamus in no-
stris votis, quia non illa nos salva-
bunt, sed constans illorum obser-
vantia. Parùm, aut nihil prosunt
tenebrimi affestus, sancta desideria,
inflammata proposita, si in effectum
non deducantur, sed sunt velut fo-
lia fructu carentia, quæ brevi inter-
vallo flante contrario decident ven-
to. Otiosorum hoc est proprium
plurima velle, multa desiderare,
frequentia proponere, & nihil per-
sordiam deducere in effectum.
Sed audiant tales quid loquatur
Sapiens Prov. 21. 25. *Desideria occi-
dunt*

dunt pigrum, noluerunt enim quidquam manus cius operari. Non igitur emissio votorum nostrorum, non illorum frequens renovatio, sed constans illorum observantia nostram operatur salutem.

7. Hinc salutariter fecerunt Sancti tres Reges, quod in cæpto opere bono constanter perseveraverunt. Quamprimum enim videbunt stellam signum Neonati Salvatoris, illicò arripiebant iter ad quærendum, & adorandum eum. Habuerunt, nullus dubito, suos consiliarios, qui illis tam longum disvaldebant iter. Habuerunt dilectas confortes ; charam sobolem, quæ illos lachrymis suis detinebant. Nihil horum remorari illos fecit, nequè potuit à cæpto sancto opere, properant festinanter, suis, ut satisfaciant

faciant votis. Et quid nos ! Ecce accedit nobis, quod pastoribus: viderunt illi cælestes ignes supra stabulum ubi Christus fuerat natus; fuerunt invitati ad Domini præsepe ab Angelis, venerunt, adoraverunt, suaque rustica munera ei obtulerunt. Verum recedentes nihil amplius de Neonato cogitaverunt Salvatore. Pariter & nobiscum factum est: vidimus & nos stellam sicut Sancti tres Reges , divinam duntaxat inspirationem vocationis nostræ; venimus ad Religionem ; obtulimus munera nostra, audeo dicere, quòd pretiosiora, quàm Sancti tres Reges, obedientiam nimirum , paupertatem, & castitatem. Adfuit in nobis à principio fervor servandi hæc vota, sed proh dolor ! quàm procul nunc ab isto recessimus fervore, ut
verè

verè cum pastoribus nî amplius de
illorum cogitemus observantia non
attendentes quid dicit Scriptura 2.
Tim. 5. Qui in agone certat, non
coronatur, nisi legitimè certaverit.
Non audientes quid ipse Salvator
noster Matth. 10. 22. ait: Qui autem
perseveraverit usquè in finem, hic sal-
vus erit. Revera nemo potest, inquit.
Justinianus de obed. cap. ult. perve-
nire ad consummationem virtutis,
nisi voluerit in ipsius exercitatione
perseverare. Non enim queruntur
in Religiosis initia, sed finis teste
Dalmata purpurato D. Hieronymo.
Timendum nobis est, nè culpam
Ananiæ primi votorum violatoris in
nobis experiamur, si tam infideles
manserimus in observantia votorum
nostrorum: Displacet enim DEO
stulta, & infidelis promissio inquit

D

Sa.

Sapiens Domini Eccles. 5. 3.

8. Renovaturi hodie sumus
vota nostra RR. ac VV. PP. quid
nos hæc sacra juvabit cæremonia, si
deinceps in illis servandis non fue-
rimus constantes: augebimus supli-
cia, ubi præmia accepturi eramus.
Sancti tres Reges quia constantes
fuerunt in bono, pro parvis mune-
ribus, maxima receperunt; pro tem-
poralibus æterna. Nos quoquè si
constantes fuerimus in oblatis votis
DEO, experiemur liberalem erga
nos DEUM. Dabit nobis pro pau-
pertate thesauros gratiæ; dabit cæ-
lestè regnum, ut in sacro promisit
Evangelio Matth. 5. 3 *Beati paupe-
res spiritu, quoniam ipsorum est re-
gnum celorum.* Dabit pro myrra
castitatis aureolam immortalem.
Reddet pro obedientia summos in
cælo

cælo honores, & in sede collocabit
judicantium juxta illud Matth. 19.
28. *Amen dico vobis, quod vos,
qui secuti estis me, in regeneratione,
cum sederit filius hominis in sede ma-
iestatis sue, sedebitis & vos super
sedes duodecim iudicantes duodecim
tribus Iſrāēl. Quis non stupebit,
quis non mirabitur, quām magna
præmia, pro tam exiguis nostris do-
nis nobis sunt promissa! Ut ergo
hæc præmia tutiū assequamur, vo-
ta nostra non amplius violanda
renovemus. Amen.*



Sermo II. pro eadém renovatione Votorū.

*Calicem salutaris accipiam. Vota
mea Domino reddam. Psal. 115. 13.
& 14.*

i. **R**egius ille Propheta David, magnus honoris DEI Zelator, qui divino afflatus spiritu Psalmos in usum Ecclesiæ sanctæ composuit, atquè in summam ejus gloriam, & laudem Hymnos concinnavit, suam propriam parvitatem, ac vilitatem expendens, & innumeris beneficijs à DEO, sive ullo præveniente merito; affectum se esse cognoscens in has plenas cordis pietate erupit voces: *Quid retribuam Domino pro omnibus, quæ retribuit mihi.* Contemplabatur enim se è caulis

caulis eductum ovium, & evectum
in regiam dignitatem, à furore mi-
nitantis sibi Philistæi exutum, & ore
omnium puellarum Jerusalem sum-
mè laudibus celebratum. Videbat
quomodo furentis Regis Sauli in-
dignationem contra se divinò adju-
tus evaserit auxiliō; quomodo tot
mortis pericula facilē effugerit; in-
signes victorias ex hoste non uno
reportaverit, & quod majus est,
tantorum scelerum, scilicet: adul-
terij, homicidijs, scandali populi sibi
subjecti veniam impetraverit, ac
obtinuerit. Quid aliud si non obse-
quia tantæ cuperet gratitudinis,
quibus tam liberali suo benefactori
se debitorem esse monstraret. Sed
statim succurrit illi, quid pro tantis
beneficijs, ac gratijs retribueret; si
non æquale, hoc enim est impossi-
bile,

bile, ut vilis homuncio Creatori suo
aliquid æquale rependere possit,
saltem quidpiam humanæ fragilitati
accomodatum. *Calicem, inquit, ac-*
cipiam, & nomen Domini invocabo.
Vota mea Domino reddam, coram o-
mni populo eius.

2. Tria, quæ hic Sanctissimus
Rex decernit, nos quoquè penes
nostrorum votorum renovationem
expendemus A. M. D. G.

3. Quæ sunt illa, amabo tria,
quæ Sanctissimus Rex in gratiarū a-
ctionem supremo Numini rependere
intendit! Non alia, quam calicis ac-
ceptio; divini nominis invocatio; &
reddiatio votorum. Et sapienter
quidem: Nam DEUS ab homine
etiam Religioso præter ista tria nihil
amplius requirit. Calix juxta Mellitu-
num Doctorem Ambrosium signi-
ficat

sicat passionem. Divini nominis invocatio, incensum orationis est. Votorum redditio, est omnium virtutum exercitatio. Quid autem aliud à misero homine exigi potest nisi, ut mala declinet, & bona selectetur. In fuga mali omnis designatur perfectio, in prosecutione boni, DEI servitium, amor, & gloria includitur. Hoc quod Sanctus Propheta David in corde meditatus est, hoc quod decrevit facere in summi Domini, ac Creatoris sui obsequium, justissimum est, ut omnes religiosæ animæ, omnes DEO sacratæ personæ attentè meditentur, & graviter, solidè, piè, ac Zelosè exequantur.

¶ Consideremus enim verò quæ, & quanta bona, quanta beneficia à DEO Domino, ac Creatore nostro acce-

acceperimus, & palam, manifestè
reperiemus nec pauciora esse nume-
rò nec valore minora ijs, quæ Rex
iste commemorat sibi collata. Da-
vid è vita pastoritia ad regium eve-
ctus est splendorem, Religiosus per
divinam vocationem, vitam mun-
danam, & obscènam cum vita reli-
giosa, ac sancta commutavit. David
Philistæi iram, & furorem effugit,
Religiosus sæculi blandientis dolos,
& insidias evasit. David persequen-
te se Saule à periculo mortis corpo-
ralis est liberatus, Religiosus virtu-
te, & gratia divina ab interitu ani-
mæ suæ fortiter est ereptus. Ille ho-
stes Isräelicæ plebis vicit, Religio-
sus protervos inimicos mundum,
diabolum, & carnem prostravit.
David tandem suorum criminum fa-

cilè

cilè accepit veniam, Religiosus in ipso Religionis ingressu tamquam in quodam spirituali baptismate suorū facinorum remissionem impetravit.

5. Ast non hic finis est beneficiorum DEI, quæ nobis divina misericordia contulit, & confert in Religione. Nihil est in universa creaturarum multitudine, sive cælestia consideremus, sive terrestria spectemus, sive etiam inferiora ergastula purgandorum meditemur, sive ad ultimum perpetuos damnatorum cruciatus contemplemur, quid nos ad serviendum DEO per vitam spiritualem non invitet, non animet, non excitet? Quòd enim spiritualem vitam æternæ damnatorum pænæ sua interminabili diuturnitate nobis sua rint, ut ab illis liberemur; quòd voraces purgatoriij ignes imperfe-

perfectis, frigidis, ac tepidis præparati, nos admonent, nè eorum acerbitate obruamur; quod nobis terrestria obsecudent, ut DEO fideliter, promptè, ac ex animo serviamus; quod nobis omnia cælestia pro munere spiritualis vitæ immensas, infinitas spondeant, ac prominent delicias, hæc omnia immensa, infinita fecit bonitas DEI erga nos miseris juxta effatum scripturæ, quæ
1. Jac. 17. inquit: Omne bonum de sursum est procedens à Patre luminū.

6. Tantis igitur onusti beneficij, tantis bonis decorati, quomodo in regias coronati Vatis non erumpemus ingenti cordis affectu voces! *Quid retribuam Domino, pro omnibus, quæ retribuit mihi!* Quomodo statim non occurret nobis; vitam spiritualem, id est: votorum

torum nostrorum renovationem in
gratiarum actionem ei offerendam;
*Vota mea Domino reddam in conspe-
ctu omnis populi eius.* Hæc etenim
in tantorum beneficiorum compen-
sationem debemus Domino retrí-
buere juxta illud scripturæ: *Immola
DEO sacrificium laudis, & redde
Altissimo vota tua.* Psal. 49. 14.

Quod enimverò ad primum nostræ
Religionis ingressum fervidè, ac de-
votè, promptò animo, ac affectu
pietatis promisimus, æquum est, ut
ad finem usquè inviolatè servemus,
& in dies magis, ac magis renove-
mus. Præclare enim ait D. Chryso-
stomus hom. 2. in Gen. *Danda no-
bis est opera, ut totis viribus devotio-
mentis in divina obsequia exerceatur,*
reddenda sunt vota, & renovanda, ut
virtutes eorum in actum proferantur.

Ad

Ad hoc enim in cætum Religiosorū
 à Domino fuimus admissi, ut tanti
 beneficij vocationis nostræ per acti-
 ones virtutum fructum ei afferamus,
 ut ipse Salvator ait Joann. 15. 16.
*Ego elegi vos, & posui vos, ut eatis,
 & fructum afferatis, & fructus vester
 maneat.* Fructificate ergo & vos cha-
 rissimi, inquit Bernardus ser. de S.
 Benedicto, quoniam in hoc positi e-
 stis, ut eatis, & fructum afferatis;
 fructum verò afferetis, si voluntates
 vestras per professam proteretis obe-
 dientiam, ac cæterorum votorum, u-
 naquè bonorum operum manipulos
 Domino pro tantis beneficijs cummu-
 latè afferetis.

7. Vota itaque nostra, quæ
 jam pridem à multis annis DÉO
 obtulimus, nunc in profundissimam
 adorationem Majestatis ejus; in re-
 cogni-

cognitionem supremi Dominij, ac
in debitam gratiarum actionem pro-
tam innumerabilibus donis, gratijs,
ac beneficijs ejus renovemus. Quæ
si bene, ac exactè observabimus,
non ingratij, & beneficiorum obli-
reputabimur, sed gaudebimus in
immensum amplissimam perfectio-
nis nostræ mercedem à DEO spe-
rantes, quam profectò dabit, juxta
verba D. Joannis Evangelistæ i. Jo-
ann: 3. 21. dicentis: *Charissimi fidu-
ciam habemus ad DEUM, ut quid
quid petierimus accipiemus, quia ea,
quæ sunt placita coram eo fecimus.*
*Quid ergo accipiemus! ecce maxi-
mam Beatorum felicitatem, in qua
æternum victuri sumus. Nullus ibi
metus, nullum aliquando perdendi
illam periculum, omnis ibi regnat
seculi.*

securitas, pax perennis, summa triumphantia tranquillitas. Si ergo nos tanta felicitas, tam æterna ab omni malo manet securitas, ergo ad illam totis conatibus; magnô zelô pietatis; ardentiissimo affectu per votorum nostrorum renovationem contendamus. Amen.

Sermo III. pro eadem renovatione Votorū.

Renovamini spiritu mentis vestre.

Ephes. 4. 23.

I. **E**ligere sibi vitæ genus Christi Evangelio conforme, hoc quidem omnibus facile esse potest; quod verò quis omnia ea servet, quæ in illo sunt conscripta, vel saltem quæ sunt minutiora sine culpa negligenter non omittat, nullus vel raris.

rarissimus invenitur. Indolet tanto
casui vitæ Religiosæ S. Legislator
noster D. Augustinus, ideò ad Fra-
tres suos Eremitas serm. 215. de tem-
pore sic ait: *Rogo vos Fratres cha-
rissimi, ut attentiùs cogitetis, quare
Religiosi facti estis, Q̄ cur crucem in
fronte portatis. Scire enim debetis,
quia non sufficit vobis, quòd nomen
Religiosorum acceperitis, si opera re-
ligiosa non feceritis.* Quid tibi pro-
dest, si te Religiosum nomines, si
religiosas actiones non feceris,
linguam obvinctam continenti si-
lentio non habueris; oculis eam di-
sciplinæ moderationem non adhi-
bueris; quam ipse religiosæ perfe-
ctionis requirit tenor. Ubi est nunc
in nobis omnis modestiæ religiosæ
circumspectio, si non potius planè
rabies, & furia! Ubi est debita humi-
litas,

litas, & subjectio, si non potius superbus fastus, & arrogantia! Ubi est in animo, & mente continua divinæ præsentia recordatio, si non potius perpetua oblivio! Ubi est indecessus in cultu divino labor, si non potius supina negligentia! Ubi est vera, religiosa, & Christiana sinceritas, si non potius hipocrisis, & insultatio! Ubi est debita tot legibus, & exemplis patientia, si non potius furor, & vindicta; murmur, & conspiratio! O vitam talem religiosam ipsis Ethniciis deteriorem! Magna res est, Religiosum esse, sed pessima, & damnabilis est religiosam non ducere vitam. Quid enim prodest, si de aureo annulo sigillum facias, & putridas paleas intus recordas? Quid prodest religiosam portare vestem, & pejores sœcularium

tium gerere mores! Quid prodest plus cogitare de carne sua, quàm de anima; plus diligere gúlam, & luxuriam, quàm castitatem, & abstinentiam; plus de præsenti cogitare commodo, quàm de præmio futu-
ro! Quid prodest suam conscientiam quotidie examinare, & tamen mores, actus, gestus aliorum censu-
rare, vituperare! Quid prodest ab-
stractam à mundo ducere vitam, &
aliorum dispositiones inspicere; mi-
rari, obloqui; involvere se ad omnia,
quæ ad nos non pertinent! Non est hæc vita Religiosorum, sed hystri-
onum; non est hæc vita Religioso-
rum in pace, quiete, amore, chari-
tate, & sanctitate viventium, sed
turbulentorum, inquietorum, ubi-
què nasum suum intrudentium. Ful-
minat contra tales Religiosos D.

E Ber-

Bernardus: *Redi Religiose ad domum
cordis tui, collige te intra temetipsum,
si hanc domunculam derelinques, fa-
cile simo vanarum occupationum sor-
desces.* Et tamen vix non in tales
devenit ruinam vita nostra Religi-
osa per contemptum, & inobservan-
tiam non tantum majorum, sed &
minorum præceptorum Religiosæ
observantiae, ita, ut rectè pro nobis
clamet Apostolus: *Renovamini spi-
ritu mentis vestræ.* In hac ergo re-
novatione votorum nostrorum bre-
viter loquar de observantia, & se-
dula cura etiam minimorum, quæ
in Regula, & Statutis nostris con-
tinentur. Facta enim in his fideli
observantia, votorum quoquè no-
strorum absque dubio fideles adin-
veniemur executores juxta illud
Evan-

Evangelistæ Luc. 16. 10. effatum:
Qui fidelis est in minimo, & in ma-
iori fideles erit. A. M. D. G.

2. Certum est, quod & DEUS,
 & natura ipsa non modicam
 sed magnam minimorum curam ge-
 rant, ita, ut non immerito canat
 Pœta: *Eminet in minimis, maximus*
ipse DEUS. Quid magis modicum,
quid vilius capillo hominis est, vel
esse potest, & tamen DEUS omnes
capillos nostros, ac si quid pretiosi
numeratos habet, & conservat, ut
habetur in Evangelio Luc. 21. 18.
capillus de capite vesto non peribit.
Quid abjectius pullis corvorum,
qui ovis exclusis deseruntur a pa-
rentibus, & tamen DEUS illos pa-
scit, cibumq; præparat illis, ut in-
quit Psalmista, Psal. 145. 9. Qui dat
iumentis escam ipsorum, & pullis

corvorum invocantibus eum. Quid
vilius esse potest ipsis aviculis,
quæ hodie adsunt, cras ayolant; ho-
die vivunt, cras moriuntur; hodie
garriunt, cras jaculantur, vel truci-
dantur, & tamen DEUS ipsum ni-
dum procurat illis: *Volucres celi*
habitabunt in ea Psal. 103. 12. Sic
enim DEUS Creator, & Conditor
universi, per curam suam minimo-
rum, nos etiam ad minimorum cu-
ram, & modicorum observantiam
suō exemplō provocare intendit.

3. Porro: scrutemur totam Le-
gem Christi, & nihil frequentius,
quam obligationem ad minima, &
modicorum inculcatam observan-
tiam inveniemus. Mayult enim
DEUS cælum, & terram interire,
quam ut unus apex, unum iota de
lege ejus pereat. Plūs apud DEUM
valet

valet modicorum observantia, quā
legis totius sola advertentia. Non
parvus est census, cui magnus est ani-
mus ait S. Leo Papa. Nunquam
meritō caret, etiam in tenui faculta-
te bonae voluntatis opulentia, exigua
portio maximi pretij, multis vilibus,
Et periculis præstat opibus Grego-
rio teste.

4. Præter autem Leges Chri-
sti omnibus Fidelibus communes,
nos, qui Religiosæ Professionis titu-
lō ad perfectionem tendere debe-
mus vi etiam Statutorum, Constitu-
tionum, ac Regulæ Sacræ, ad
modica quæquæ non spernenda, sed
curanda, & observanda peculiariter
constringimur. Sed fortassis di-
cetur mihi: edissere, quænam sunt
hæc modica, minima puncta, & a-
pices! Dico cum omnibus Ascetis,
& per-

& perfectis viris non esse alia, quam,
 ut non solum magna, sed etiam mo-
 dica, & minima vitia; deffectus, &
 imperfectiones cum omni diligen-
 tia caveamus, & cum pari solicitu-
 dine quasvis perfectiones, etiam
 modicas, quas ipse sanus intellectus,
 dictat esse rectas serio amplectamur.
 In his etenim parvis, & modicis,
 quæ nos minus prudenter postponimus
 certocertiūs æterna nostra
 salus consistere potest Chrysosto-
 mo affirmante, qui hom. 38. ad pop.
 inquit: *DEUS omnia facit, & sata-*
git, ut ex minimis te coronet.

5. In nascentiis Ecclesiæ pri-
 mordijs quisquis pietatem colere,
 Deoquè famulari decrevisset, for-
 tunam, substantiam, opes, divitias
 suas fisco, famam calumnijs, corpus
 catenis, vitam ipsam carnificum
 crude-

crudelitati addicere cogebatur.
Quod si autem quis tantam barba-
riem non ferens fidem sanctam mo-
rum pietatem conservare voluisset,
talis profectò vel cum D. nostro
Patre Páulo primo Eremita in soli-
tudinem fugere debuit, vel cum
D. Athanasio horrida mortuorum
sepulchra inhabitare. Longè diver-
sa ratione, quia clementiori modo
agit nobiscum DEUS, quando ad
consequendam nostram salutem,
non tormentorum atrocitatem su-
bire nos cogit, sed solum exactam
modicorum observantiam à nobis
requirit. Si minima quequæ feceris
simplici, & ferventi affectu, non dubi-
tes te magnam DEI gratiam affec-
turam dixit quondam B. M. V.
Sanctæ Catharinæ senensi. Et ta-
men, proh dolor! in his modicis
sæpe

sæpe infideles sumus; in his modi-
cis, quæ nobis sacra Regula, &
Constitutiones observanda præcipi-
unt, vel ipsi Superiores mandant,
inutiles nos servos agnoscit DEUS,
dum quia vel planè illa contemni-
mus, vel non fervidè, sed languidè,
ac segniter exequimur. Magnus E-
logiasta B. M. V. S. Ambrosius
dum in laudes eius excurrit, non
laudat eam, quòd sit Mater DEI,
non laudat eam, quòd sit Regina
cæli, Domina mundi, sed ea, quæ
sunt minora extollit, dum ait: Cor-
de humilis, verbis gravis, loquendi
parcior, legendi studiosior, verecun-
da sermone, intenta operi: nihil tor-
vum in oculis, nihil procax in ver-
bis, non gestus fractior, non incessus
solutior, non vox petulantior, ipsa
species corporis figura erat probitatis.

En

En pulcherrimam imaginem vitæ
Religiosæ, en magnum exemplum
minimorum observantia.

6. Parum refert quam quis
rem agat sive magnam, sive par-
vam, sed qua mentis hilaritate,
qua pietate, & devotione id faciat,
respicit DEUS. *Minimis etiam re-
bus, quas DEO consecramus, hila-
ris noster animus pretium, & valo-
rem apud DEUM imponit,* inquit
S. Ambrosius. Sæpe DEUS non at-
tendit quid facias, sed quo affectu
aliquid propter ipsum facias. Sæpe
res, quæ videntur in se parvæ, plu-
ris ab eo fiunt, quam res magnæ ad
speciem. *Parvis actionibus magis
DEUM flectimus, & placamus, præ
nonnullis, qui magna faciunt,* ait S.
Ephrem. Tunc qui rectè persuadetur
in ma-

in magnis versari, seu magnum quid facere, si se valde probum in minimis ostenderit, affirmat Tertul. Multum operatus es, (ad stipulatur S. Leo Papa) magnum quid effecisti, si parva, & minima hilari vultu, & prompto animo observasti. Quod pulchre confirmat S. Theodor Studita dum ait: DEUS, ut est misericordiae largus, virtuti debitum, etiam ob ipsum propositum remuneratur.

7. Confert igitur plurimum ad renovationem yotorum nostrorum, ut totam nostram in ejus actionibus renovemus vitam, ac quae DEO displicant, etiam si modica, & minima sint, diligenter caveamus, & vietemus; & ea, quae DEUS nobis in Regula sacra, & Statutis præcipit, et si minima sint, non obiter, ac segniter, sed fervide, ac diligenter peragamus.

gamus. Non sunt negligenda talia,
 quia, ut Spiritus Sanctus monet Ec-
 cles 7. 19. *Qui timet DEUM ni-*
bil negligit; virtus enim magna in
minoribus semper experimentum ca-
pit Sancto Valerio teste. Quocirca
juxta Ambrosij consilium: In mini-
mis probandum est conflictibus quam
viriliter in maiori certamine stare
possimus. Fideles ergo simus etiam
 in parvis, ac minimis DEO, bene,
 ac ferventer ea execundo, ut à Re-
 munerator Cælesti, pro exacto
 in minimis nostro famulatu, tandem
 aliquando, post instauratam vitam
 nostram, quando ad sonitum terribi-
 lis illius cælestis tubæ totus reno-
 vabitur orbis, nos æternâ gloriâ præ-
 miari mereamur. Amen.

Sermo

Sermo I. pro Cæna Do- mini.

*Ante diem festum Paschæ -- cæna fa-
cta. Joann. 13. 1. & 2.*

I. **M**agna, & non rara in prisco
illo, seu verius, veteri Te-
stamento eo die fuit solemnitas, quo
post partas populi DEI de hostibus
victorias, post pacatam totius Isræ-
liticæ gentis Patriam, Rex, & Pro-
pheta David de arce montis Sion
sua residentia Arcam Veteris Te-
stamenti in Urbem Jerosolymam in-
troduxit. Tunc enim tanta fuit so-
lemnitas, quantum nec vidit, nec
audivit universus orbis. Legantur
Sacrae Historiae fasti; ibi licebit vi-
dere hujus solemnitatis triumphum.
Ego hic tantum scire desidero, quæ
tantæ

tantæ causa lætitiae, quæ causa hujus solemnitatis propter unam arcam ligneam illatam Cœtitati. Aliam ego non invenio, nisi, quod David, ut Propheta expresserit in hac Arca Corpus Christi Domini speciebus panis inclusu. Digna hæc mystica Arca tali plausu; tali solemnitate, cuius gloriam etiam ipsi canunt Genij cœlestes. Grandis hæc Cœna, qua digniore ipsæ cœlestes non frumentur mentes. Magna Cœna, quia à Magno, imò Summo Rege Regum instituta, & præparata. Magna cœna, quia magno Christianorum instituta orbi. Magna cœna, quia magno pretio sanguinis Christi comparata.

2. In convivio Cleopatræ Reginæ, Plinio referente, fuit unica gemma, quæ valore suo totum Imperium

perium adæquabat. *Antoni! Regnū
bibisti.* In convivio Christi Domi-
ni, in hac sacratissima cæna, non jam
gemmae pretiosæ, sed ipsa Caro
Christi Domini, ipse Sangvis tota
occupat mensam. Verè cæna ma-
gna, quâ nec orbis universus digni-
orem, nec aulæ Principum viderunt
opulentiores. Ast si tam magna cæ-
na, ubi sunt dignissimi hospites ejus?
Ubi sunt præclarissimi convivæ? Ut-
quæ magnam cænam magni hospites
solent condecorare? Monstrabo il-
los, dum loquar, quomodò, ad hanc
sacratissimam cænam accedere de-
beamus, quæ dignè accendentibus
magnos parit fructus; indignè su-
mentibus interitum summum. A. M.
D. G.

3. Christus Dominus in sacra
Eucharistia transubstantiato pane in
corpus

corpus suum, substituit se loco pa-
nis, immutat vultum suum; tegit
speciem suam gloriosam, & induit
speciem panis humilem, parvam, &
ingloriam. Et verò: solent quando-
què amantes, interdum se alieno ha-
bitu vestire, ut sub eo latentes, ami-
cam, aut sponsam liberiùs conveni-
re possint, & reciprocum ejus amo-
rem experiri. Ad similem formam
fecit Christus Dominus, ut possit
nobis intimè uniri. Amore nostri
speciem induit panis nobis commu-
nissimi. Quid igitur nos facturi su-
mus, ut digni ejus appareamus ho-
spites, & convivæ nisi, ut accessuri
ad ejus mensam, aliam etiam indua-
mus personam, abjicientes personā
peccatoris; hominis carnalis; homi-
nis dissoluti. Sumat quisque super-
bus, fastuosus, personam humili;
gulo-

gulosus personam sobrij; lascivus,
personam casti, & luxuriosus; ita e-
rit ad mensam Domini magnus ho-
spes; dignus conviva.

4. Pericles Atheniensis Philo-
sophus dum aliquando iturus ad
convivium cujusdam præstantissimæ
formæ juvenis, nobiliores ultra su-
am consuetudinem accepisset ve-
stes, quæsitus ab amico, cur se ita
ornaverit, respondit, ut pulcher ad
pulchrum vadam. Pulcherimus est
Dominus noster sub hoc Euchari-
stiæ Sacramento; speciosus formâ
præ omnibus filijs hominum, cu-
jus pulchritudinem sol, & luna mi-
rantur, ad quem hodie accessuri su-
mus, idcirco non tantum dècet, sed
omnino necesse est, ut pulchri ad
pulchrum vadamus.

5. Esther 2. Repudiata Regi-
nâ

nā Vasti Asverus Rex, quando vocavit Esther, non prius illam admisit ad mensam suam, donec splendide ornatam regalibus quoquè induerit vestibus. Ad mensam Salvatoris nostri Christi JESU, ad ejus cælestē convivium nemo dignè accedere potest, nequè debet, nisi prius splendide ornatus, ipsius vestibus, sanctis scilicet virtutibus se induerit. Ita nos docet Doctor Gentium Ephes: 4. 24. *Induite novum hominem, qui secundum DEUM creatus est in iustitia, & sanctitate veritatis.* Vana sæculi pompa non admittit ad suam mensam, & convivia, nisi eos, de quibus ait Scriptura: *Omnis lapis pretiosus operimentum ejus.* Ezech. 28. 13. Nisi eos, qui pretiosis aurō, gemmisq; ornatis incedunt vestibus, splendi-

F do

do stipantur comitatu. Cæna Do-
mini illos tantum quasi dignos in-
vitat hospites ; illos ad suam admit-
tit mensam, qui splendore virtutum
sicut Job nitent , qui de seipso 29.
14. dicit: *Justitiâ indutus sum, Omnes
vestivi me sicut vestimentô, Et diade-
mate iudicio meo.* Alij legunt: *Ve-
stivi me vestimentô, Et diademate stolus
innocentiâ, Et animæ puritate.* Has
vestes, ait D. Ambrosius, nobis com-
paremus , hæc indumenta habe-
mus, ut digni mensæ Domini assi-
deamus. Confirmat hoc ipsum Hu-
go Card. cap. 6. dum inquit: *Heo
sunt sola indumenta virtutum, qui-
bus anima potest celesti placere Im-
peratori.*

6. Alta hanc divinam Cænam
contemplatus admiratione D. An-
tistes Constantinopolitanus Chry-
sost. 28. ad h. præ-

Do-sostomus, exclamavit quondam:
 s in. Quis loquetur potentias Domini!
 mit. Ecce celestis Pastor oves suas proprio
 utum pascit cruento, quid nos pro hoc mira-
 culoso ferculo vicissim nostro parabi-
 , Omus Domino! Corpora nostra offera-
 iade. mus in hostiam, & holocaustum, quod
 Ve- instanter nobis præcipit Paulus Apo-
 iate; stolus Rom. 12. dicens: Obsecro vos
 Has Fratres per misericordiam DEI, ut
 com exhibatis corpora vestra hostiam
 bea- viventem, DEO placentem. Non
 assi- dicit, ut occidatis corpora vestra
 Hu- sicut victimæ cædi solent, sed, ut
 Hæc vitâ eis conservatâ mortificetis car-
 quir- nis concupiscentias per continen-
 Im- tiam, abstinentiam, & patientiam.
 nam Idem Doctor Gentium 1. Cor. 11.
 An- 28. scribens, arctius illos monet, ut
 hry- ad hanc cænam Domini accessuri
 præparent se dignè, dum ait: Probet

autem se ipsum homo, & sic de pane illo edat, & de calice bibat. Supradicta verba inquit Doctissimus Merchantius: Quænam est hæc probatio nisi vitae, & conscientie diligens examinatione.

7. Probet ergo quisquæ se ipsum; scrutetur, & examinet cor suum; videat accensâ lucernâ, an in angulo conscientiæ non lateat aliquid venenosum; an affectus aliquis vitiosus, aut turpis, & fôrdida non delitescat cogitatio. Hæc enim virus secum trahunt, & quasi paryuli serpentes mordent conscientiam, & insensibiliter in mortem ducunt æternam, nisi per arduæ pænitentiæ perimantur antidotum, & dolorosam evomantur confessionem. Probet iterum cor suum, antequam de hoc

hoc pane edat. Hoc est: scrutetur
quilibet qua intentione feratur, quo
affectu impellatur, qua cordis mun-
ditie, & præparatione ad hanc sacra-
tissimam accedere intendit men-
sam: qua contritione, & compun-
ctione cordis afferat firmum pro-
positum emendationis. Probet ulti-
mò, & examinet lingvam suam,
quæ est quidem modicum membrū,
sed non modica invehit mala; faci-
lè inflamatur à gehenna: diligen-
ter igitur examinanda est, & studi-
osè purganda; quia primum mem-
brum est, quod Christum recipit;
quod tremendo ejus nimis sanguine
rubescit. Qua non igitur debet ni-
tere puritate! Nam si repleta fuerit
maledictionis amaritudine; nam si
plena fuerit venenô mortiferô; vanis
verbis, aut scurilibus, turpibus, &
bla-

blasphemis; plena irrisione, & contentione; plena maledictis, & execratione: quomodo tali fæce vitiorum deturpata poterit hunc cælestem degustare cibum! Expurgetur ergo prius ejus venenum lanceola validæ contritionis; extingvatur ignis ejus infernalis aquâ pænitentia serveræ; extergetur omnis in ea maledictionis, blasphemiae, susurationis, contentionis, infamiae, irrisonis, pia, & integra Confessione: tunc modò primùm cibum hunc cælestem sumat, tunc de calice benedictionis bibat; tunc mensæ Domini dignus assideat conviva.

8. 2. Reg. 9. 6. Invitat Rex David Miphiboseth ad suum convivium, & dicit ad eum, Nè timeas, quia faciens faciam in te misericordiam, propter Jonatham patrem tuum,

tuum & restituam tibi omnes agros
Saul patris tui, & tu comedes panem
in mensa mea semper. ibid. ¶. 7. Quod
auditò respondet Miphiboseth: Quis
ego sum servus tuus, quoniam respe-
xisti super canem mortuum similem
mei. ibid. ¶. 8. Fuit sanè Miphibo-
seth regius Princeps filius Jonathæ,
legitimus Regni successor: & ecce
quomodo se humiliavit coram Da-
vid, canem se mortuum appellan-
do. Quomodo nos non majori jure
debemus nos humiliare ad mensam
divinam accessuri, qui plus quam
mortui canes sumus, nullius virtutis
habentes vigorem. Hinc ad nos
S. Legislator noster Augustinus
serm. 127. sat benignè, sed Zelosè
ajt: Obsecro vos dilectissimi Fratres,
& admoneo, ut unusquisque recurrat
ad testem idoneum, id est conscienti-
am su-

am suam; & si ibi aliqua peccatorum
invenerit vulnera, confugiat ad re-
medium lachrymarum: péniteat se
fecisse, quod fecit, quia de suis ini-
quitatibus non accedet ad cénam Do-
mini iustus, nisi vera eum disposue-
rit pénitentia. Pergit ulterius S. Le-
gislator noster dicens: Accessuri ad
cénam Domini nostri, inspicite lati-
bula cordis vestri, nè forte sint ibi
aliqua peccata, que nondum sunt stri-
ctio divini amoris exusta dolore. Pu-
ritatem vestrarum custodite anima-
rum, gulam refrénate; ebrietatem
fugite; odia deponite; susurrationes, uti
vera dia**h**oli seminā deponite, abiici-
tequè, pacem cum omnibus Fratribus
habete, & sic in corpore, & anima
iustificati, & ab omni depurati in-
quinamento digni convivæ huic asside-
bitis Cænæ.

9. Hæc

9. Hæc Augustinus, ego verò præsentem sermonem concludo verbis Adriani summi Pontificis, quæ ille ad unum Lothariæ Regem tenuis in manibus sacram Eucharistiam locutus est, *Si te tua accusat conscientia; si lethali sauciatum proclamat vulnere, nequaquam sumere præsumas, nè forte ad iudicium, & condemnationem tibi eveniat, quod fidelibus ad remedium divina præparavit providentia.* Amen.

Sermo II. pro Cæna Domini.

Cænabibus autem eis, accepit IESUS panem, & benedixit, ac fregit, deditque discipulis suis, & ait: accipite, & comedite: hoc est corpus meum. Matth. 26. 26.

I Nter solennes aliquando quæstiones

stiones juremeritò quæri potest, cur
Incarnata Sapientia Christus Domi-
nus noster mundo valedicturus so-
lenne Eucharisticum convivium
post cænam instituerit, ut clarè de-
monstrat Lucas Evangelista 22. 20.
Post quam cœnavit. Cur, inquam,
postquam cœnavit, instituerit hoc
convivium! Acutissimæ, ac ingenio-
sissimæ à Scriptoribus nonnullis af-
signantur rationes: *Quod est omni-
um optimum, hoc debet esse ulti-
mum.* Sacratissima Eucharistia o-
mnium optima, supra omnia ex-
cellentissima, ideò in Cœna Domini
ultimô locô asservata fuit. Serva-
vit morem Christus Dominus nu-
ptiarum in Cana Galilææ, ubi vinū
generosum extremô locô datum fuit:
ita ille post ultimam cænam hoc au-
gustif-

gustissimum instituit Sacramentum.

D. Gregorius in Glossa inquit: *Post cænam instituit Eucharistiam, quia post cænam nullum convivium restat, nec post hanc cænam melius quiaquam, & magnificenter DEI omnipotentia et si sit infinitæ sapientie, infinitarum divitiarum, plus dare nescivit, plus dare non habuit, nec plus dare potuit.*

S. Ambrosius ait: *Quid restat post cænam, nisi somnus? post Sacram Eucharistiam nihil aliud desiderare possumus, ac debemus, quam quietem æternæ beatitudinis. Est Eucharistia ferculum, quale nunquam vidi antiquitas. Delicatissimè, ac magnificenter nobiscum procedit Deus, qui in Eucharistia non tantum pascit mentem, sed & sensus exter nos. Ast & hoc non postremam patit quæstionem, cum enim Christus*

Domini-

Dominus post ultimam cænam hoc
sacrum Eucharistiae instituit convi-
vium, quare hæc Eucharistia vo-
catur Cæna magna! Respondet pur-
puratus Hugo homil. hodiernâ:
*Multa cause sunt, cur cæna Eucha-
ristia, vocatur Cæna magna! Ma-
gna cæna est, quia iste est maximus,
qui ad ostendendas divitias potentie,
sapientie, ac clementie sue hanc cæ-
nam instituit. Magna cæna, à ma-
gnis, exquisitissimis epulis, quia hic
est divinitas Christi cum omnibus per-
fectionibus, anima Christi cum omni-
bus virtutibus, caro Christi cum o-
mnibus privilegijs, sanguinis Christi
cum toto illoquè infinito pretio. Sed
præ omnibus alijs causis hæc vide-
tur esse maxima cur cæna Euchari-
stica vocatur magna! quia maxima
dona, maximas gratias in illa nobis*

contu-

contulit Salvator noster, prouti ul-
teriori videbimus discursu. A. M.
D. G.

2. Scribunt Naturalistæ ho-
minem quò præstantioribus, & sub-
tilioribus utitur cibis, meliorem,
& firmiorem aquirere sanitatem.
Cùm anima hominis sit pars subti-
lissima; cùm sit purissimus spiritus,
ad sanitatem ejus meliorem, & sub-
tiliorem cibum non poterat inveni-
re Salvator noster, quàm pretiosissi-
mum corpus suum sub speciebus
panis Eucharistici, per cuius sum-
ptionem ipsam ei tribuit immorta-
litatem attestante sacro Evangelio
Joann. 6. 59. *Qui manducat hunc
panem vivet in æternum.* Obstupe-
scunt ad tantum mysterium ex ore
sui Magistri audientes hæc verba
Apostoli, dum ajunt: *Durus est hic
sermo,*

sermo, & quis potest cum audire! ibid.
 ¶ 61. Utique dicitur in eodem Evan-
 gelio cap. eod. ¶ 64. *Spiritus est,*
qui vivificat; caro autem non pro-
dest quidquam. Si nihil prodest,
 quomodo ergo qui illam comedunt
 vitam æternam habebunt? Respon-
 dent Sancti Doctores Augustinus,
 Cyrillus, & Bernardus: Carnem
 quidem Christi, si præcisè suma-
 tur, nihil prodesse; non enim ex se
 virtutum habet animas hominum
 vivificandi, sed quia semper est uni-
 ta Divinitati, & Divinitas sicut vi-
 ventium productiva est, ita & vivi-
 ficativa: ita quoquè & corpus Chri-
 sti Domini eandem vim habet per
 communicationē idiomatum. Quis
 quis igitur Corpus Domini dignè
 manducat vivet in æternum.

3. Sed si ardua hæc verba fu-
 erunt

erunt Apostolis, nobis planè nullò
 modò facilia captus! Nonnè duode-
 cim Apostoli cum timore, & reve-
 rentia pane hoc Eucharistico vesce-
 bantur! nonne tot mira sanctitate
 conspicui post multas animi tribu-
 lationes, post plurimos corporis cru-
 ciatus, post ardua jejunia ad cæle-
 ste hoc accedebant epulum! & ta-
 men inevitabili succubuere fato?
Statutum est hominibus semel mori.
 Hebr. 9. 27. Quomodò ergo verba
 hæc noster miser intellectus conci-
 pere potest, quod quicunq; panem
 hunc, corpus scilicet Domini nostri
JESU Christi manducaverit, vive-
 re debeat in æternum; cùm nemo
 sit, qui mortem effugerit, aut effu-
 gere possit! Ad hoc respondet ipsa
 Incarnata Sapientia, dum Joann.
 ii. 25. ait: *Etiam si quis mortuus fu-
 erit,*

erit, vivet æternum. Minime trepidandum est: sancitum quidem est in cælesti consistorio, ut quilibet nostrum lethali Libithinæ falce corruat succisus, verum tamen inquit æterna veritas, si quis hoc cælesti pane dignè, piè, ac devotissimo affectu, unquam seraphico amore reflectus fuerit, et si mortuus fuerit, vivet in æternum, quia ego resuscitabo eum in novissimo die. Ecce quam maximum animæ nostræ donum ex hac Eucharistica Mensa, nempe immortalitas.

4. In veteri illo Testamento severè DEUS præcipiebat summo Synagogæ Sacerdoti, ut in medio Templi decenter apparatâ mensâ panem recenter assūm exponeret, ut quicunque alicujus noxæ conscius Templum illud ingressus esset, Deoquæ

oquè reconciliari vellet, per illius
comestationem ferventi accensus in
DEUM charitate domum suam in-
nocens rediret. Christus Dominus
Summus Ecclesiæ suæ Catholiceæ
Pontifex videns nos peccatorum
pondere aggravatos, & in servitio
suo languidos, exponit hodie in al-
tari sacratissimum Corpus suum, ut
omnes huc congregati, & per ve-
ram humilitatem, per intentissimum
ejus amorem ei reconciliati, ab hoc
ejus cælesti pabulo ferventius in
DEI charitate incalemcamus, & ju-
stificati ab eo recedamus. Hic ci-
bus confert homini magnum fru-
ctum; quia eundem replet gratia
sanctificante. Ecce quantam grati-
am recipimus in hac Eucharistica
cæna, si dignè, si sanctè ad illam ac-
cedimus, nempe justificatione nostrâ.

5. Esther cap. i. refert sacra Historia quod Asverus Rex, qui regnavit ab India usquè Æthiopiam super 127. Provincias, tertio Imperij sui anno, cunctis Principibus, & Præfectis suis splendidum instituit convivium. Videre ibi erat splendidum apparatus; mensas exquisitissimis instructas dapibus; generosa vina; aureos sciphos; cultissimos hospites, qui digni tanti Regis tantâ mensâ fuerunt. Christus Dominus, cum sit non 127. Provinciarum, sed universi orbis Dominus, lautissimum hodie non propter Principes tantum, sed propter universum mundum præparavit convivium, in quo non terrestribus ferculis; non ferinis dapibus non volatilium cuperijs, sed suo pretiosissimo corpore; socratissimo sanguine unum quemq;

quemq; nostrum tractat. Cibus hic ineffabilis gustus est, qui cælesti repleteur ambrosia. Cibus hic delicatissimus tantæ est virtutis, ut qui cunque illô dignè, & piè vescitur, quidquid molestiarum ei acciderit, non eum conturbabit testante ipso Salvatore, qui Joann. 16. 20. ait: *Tristitia vestra vertetur in gaudium.* Cibus hic confert dignè sumentibus maximos honores, quia hominem in DEI filium transformat, confert sublimes prærogativas, quia hominem facit Christi fratrem, confert denique summa privilegia, quia hominem efficit cælestis patriæ hæredem. Bene hic Seraphica Virgo Teresia inquit: Unica Synaxi cum magna fidé, profunda humilitate, ardenti amore posse animam nostram ingenti cælestium donorum

G 2 locu-

locupletari thesauro. Et verè sera-
phicè locuta est hæc D. Virgo, nam,
ut asseverat S. Ambrosius de hoc
Augustissimo Sacramento: *Si vul-
nus curare desideras, medicus est;* *si
febribus æstuas, fons est.* *Si gravaris
iniquitate, iustitia est;* *si auxiliò in-
diges, virtus est;* *si mortem times, vi-
ta est;* *si cælum desideras, via est;* *si
tenebras fugis, lux est;* *si cibum que-
ris, alimentum est.* En quanta nobis
dona ex hac sacratissima Eucharisti-
ca mensa cumulare possumus, si di-
gni; si intaminato corde; si fervido
amore; si Zelosissimo affectu; si vi-
va fide ad illam accedemus. Audi-
amus quid dicat non sínè magno
stupore Hyponensis Antistes D. Au-
gustinus: *Dives est Christiana Reli-
gio, quæ in omnium possessore, nem-
pe DEO, omnia possidet.*

6. Apud antiquos homines cœlebrabatur solenne conviviū, quod vocabant, finis amicitiæ, quasi jam non poterat ultra major amicitia ostendi, quam in illo convivio. In illo convivio hospes, id est, qui trahabat, solebat sibi è vena sanguinem mittere, exceptum calice viñō miscere, & sic propinare amicis. An non majori titulo convivium Christi, cæna hæc Eucharistica, quam Hodie nobis præparavit Salvator noster vocari potest, & debet convivium amoris, finis amicitiæ; cum quid ultra dare potuit, non habuit, quando se totum in animarum nostrarum tradidit saginam. Invitat igitur Hodie nos omnes verè plus quam ad regale convivium, ut nos in seipsum transmutatos efficiat immortales; ut restauraret conscientias nostras

nostras omni puritate, ut vires ani-
mæ conferat ad serviendum sibi sin-
cerè.

7. Accedamus proin ad hoc
cælestè pabulum cum maxima, qua
possimus humilitate, pietate, san-
ctitate; ac reverentia. Si enim bea-
tæ illæ mentes omni, quo possunt mo-
do venerantur Christi præsentia, nos
quoquè quicunquè ad Sanctissimum
Eucharistiæ Sacramentum; ad hanc
cænam magnam accedimus, præ-
sentem summa conscientiæ puritate
adoremus. Duplex advenienti Chri-
sto Domino aperimus organum os-
scilicet, & linguam: si igitur in salu-
tem animarum nostrarum suscipere
volumus Corpus Christi, nihil sit
in ore noxiū; nihil in lingua fæti-
dum; nihil in corde sordidum, sic
sine offensa manducabimus hunc

panem,

panem, qui est fons salutis; causa
prædestinationis, & certissima spes
nostræ redēptionis. Et quamvis
haberemus Angelicam puritatem,
& S. Joannis Baptistæ sanctitatem,
adhuc non essemus digni hoc Sacra-
mentum tractare, & suscipere. Non
enim hoc meritis debetur hominum,
quod homo sumat in cibum, panem
Angelorum. Quare etsi cælestes,
& tam igniti, ut Cherubim, & Se-
raphim esse non possumus, cone-
mūr tamen tam fervidè devotioni
insistere, corda nostra præparare, ut
saltem modicam divini incendij
flammam ex humili, & devota hu-
jus vivifici Sacramenti sumptione
conquiramus. Hoc enim altissimum,
divinissimum, ac sanctissimum Sa-
cramentum salus est animæ, & cor-

poris nostri; medicina omnis spiritualis languoris, in quo vitia nostra curantur; passiones frenantur; tentationes vincuntur; gratia major animæ infunditur; virtus incepta augetur; firmatur fides; spes robatur, & charitas DEI magis ignescit. O! felix mens, ac beata anima, quæ Dominum DEUM suum merebitur hodie devote intra sua viscera suscipere. Hanc gratiam da nobis, qui vivis, & regas in sæcula sæculorum. Amen.

Sermo III. pro Cœna Domini.

Et vos mundi estis, sed non omnes.

Joann. 13. 10.

i. **C**uijus hæc verba sunt RR. PP.
Fratresque amantissimi! dicit
te mi-

te mihi. Utique ille hæc dixit, qui
scrutator est cordium; cui nota
sunt omnia; qui obstrusam nostram
conscientiam clariùs, quàm sol or-
bem penetrat universum. Ille hæc
dixit, qui cuncta novit, quæ cuncti
ignorant. Ille hæc dixit, qui orbis
scelera longè, quia de excelso cæ-
lorum throno acutè prospiciens, a-
gnovit, & sub candido vellere tur-
pem conscientiæ labem, ideo pa-
lam dicit: *Et vos mundi estis, sed*
non omnes. Quid dulcius, quæso,
quid optabilius esse potest, quàm
de ore æternæ veritatis suæ innocen-
tiæ habere testimonium: *Et vos*
mundi estis: sed quid lachrymabi-
lius, quàm de ore hujuscē Verita-
tis suam audire condemnationem:
sed non omnes. Et quare hoc: An
non omnes sumus vestiti habitu illo,

qui

qui est vestimentum salutis, quô
quondam indutus Isaias Propheta
gloriabatur dicens: *Gaudens gande-
bo in Domino, & exultabit anima mea
in DEO meo: quia induit me vesti-
mentis salutis.* Isai. 61. 10 An non
omnes sumus illo vestiti habitu, qui
est vestimentum lætitiae, quô ornata
Judith Religiosa Mulier suum, &
patriæ suæ capitalem devicit hostē,
~~cum~~ summa orbis Isrælitici lætitia?
An non omnes sumus illo vestiti ha-
bitu, qui est vestimentum gloriae si-
c ut vestis illa Aaron, de qua Exod.
28. 2. dicitur: *Facies vestem sanctā
Aaron fratri tuo in gloriam!* Utique
vestis Religiosa, est vestis puritatis;
est vestis solennitatis, quæ virtuti-
bus tamquam florum nitet splendo-
re! Vestis Religiosa, est vestis di-
gnitatis, quam Principes, Nobiles,
ipſiq;

ipsiq; honorant Reges! Quare ergo mundi sumus, sed non omnes! Nisi fors ideo sicut ait S. Leo Papa: Necesse est de humano pulvere etiam religiosa sordescere corda. Hoc est: sanctis etiam, ac perfectis viris minutis saepe inesse maculas culparum. Sed appage hinc quisquis mundano soredium pulvere suam novit deturpatam conscientiam. Sanctum Domini Pascha celebraturi sumus; ut igitur mundi omnes appareamus necesse est. Mensam Domini accessu- ri sumus, ad quam, ut dignè acce- damus, priùs de condigna præpara- tione breviter loquamur. A. M. D. G.

2. Math. 14. 14. Dominus, & Salvator noster tractaturus turbam magnam in spatiovis campis ferè quinquè millia hominum, priùs illā

visi-

visitavit, & quos debiles, ac infirmos invenit, sanavit, ut sacer innuit
Textus: *Misertus est eis, & curavit languidos eorum.* Quare hoc forte non habuerunt appetitum, & gustum alicujus cibi nequaquam; sed ideo, quia illa tractatio figura fuit Eucharisticæ Mensæ. Ideo ergo hoc fecit, ut doceret prius esse sanandos peccatores per pænitentiam, quam ad Mensam Domini accedant, quia hoc Sacramentum vivorum, & benevolentium est, non pusillorum, aut languidorum. Et sicut cibus sanorum nocet ægris; sic Eucharistia obest malis. Unde enim, quæso, fit, quod plerique post sacram Communionem adhuc tam infirmi, tepidi, fragilesque sint? Cur hoc sanctissimò cibô non impinguantur, & roborantur? Cur non velut leones ignem spiran-

spirantes, & diabolo terribiles re-
 cedant! Nisi quia validorum cibū
 sumpserunt languidi; Confessionem
 obiter fecerunt; sinè accurato exa-
 mine; sinè serio dolore; sinè firmo
 proposito emendationis. Cibus sa-
 cratissimus, quem nobis in his Pa-
 schalibus gaudijs offert Salvator
 noster, Cibus est Angelicus: *Panem*
Angelorum manducavit homo. Psal.
 77. 25. ergo instar Angelorum puri,
 & fortes esse debent, qui cum fru-
 ctu cælestem hunc panem sumere
 optant, desiderantque. Pulchrè hic
 ait S. Cyprianus serm. de lapsu ho-
 minis sic scribens: *Quando ergo vi-
 ri esse debent, qui ad hanc Cœnam
 Domini sedere volunt, videat unus-
 quisque, ut acurate, O fortiter se-
 levet in Confessione, O abstergat sa-
 tisfa-*

*tisfactione quantò enim magna deli-
quimus, tantò granditer defleamus.*

3. Exod. 16. 4. Existenti po-
pulo suo educto de servitute Baby-
lonica in deserto, & magnâ alimen-
torum penuriâ presso, Dominus plu-
ens manna sic loquitur ad Ducem
illorum Moysen: *Egrediatur popu-
lus, & colligat, quæ sufficiunt per sin-
gulos dies.* Verè res magno stupore
digna: populus ille in actuâli via
fuit in deserto, non sub tecto, sed
sub solius cæli umbra residens, un-
de ergo ad colligendum manna e-
gredi debuerat: *Egrediatur populus.*
S. Rupertus scribens in hunc Tex-
tum ait: *Quòd Dominus egredi man-
daverat populo non de domibüs, quas
non habuit, non de tabernaculis, qui-
bus carebat, sed, ut dignè hoc de cæ-
lis colligat manna egrediatur priùs
de pri-*

de pristina sua pessima conversatione,
 id est, de nequissimo illo murmure;
 de antiquis illis sordibus peccatorum,
 quibus contra DEUM, dum contra
 Duces ab illo constitutos pessimâ suâ
 consurgebat lingua. In hac Paschali
 mensa, cælestè nobis est præparatū
 manna, ut itaque dignè illud, & re-
 verenter colligamus necesse est, ut
 de antiquis inveteratis in nobis e-
 grediamur vitijs, de murmure pessi-
 mo, de lingua infami etiam inno-
 centes veluti cultrō acutissimō ba-
 nā excoriantes famā.

4. Exod. 12. 8. ad comedendū agnum paschalem DEUS Ju-
 dæis assignavit tempus vernale,
 quō totus post hyemem quasi post
 senium reflorescit orbis, quō tellus
 universa vario florum condecora-
 tur colore. Edent carnes -- assas
 igni,

igni, & azymos panes cum lactucis
agrestibus. Hoc considerans supra
citatus Rupertus ita ad omnes Agnū
Paschalem Christum Dominum sci-
licet in Eucharistia sumere cupien-
tes inquit: Nonne sensatum decet
hominem, quatenus renovatus spiritu-
mentis sue, fide viridis, spe latus,
charitate floridus, amore Zelosus, pie-
tate seraphicus, puritate Angelus Pa-
schalis Agni intersit epulis. Aurō,
cedrōquè notanda verba, qui enim
ita quasi renatus accedit ad Sancta
Sanctorum, jam effugit illud terribi-
le, quō Apostolus i. Cor. ii. 29. scri-
bens minatur: *Judicium sibi man-
ducat, & bibit.*

5. Exod. 19. 10. Descensurus
Dominus in nube ad dandam legem
insolenti, & toties rebellione nota-
to populo, hanc præprimis cum
Moy-

Moysē seruo suo habet conferentiā:
 Sanctifico illos hodie, & cras; lavent-
 quē vestimenta sua, & sint parati in
 diem tertiam: die enim tertia descen-
 det Dominus coram omni plebe. Si
 DEUS præcepit filijs Iſrāēl, ut san-
 ctificarentur, ut lavarent vestimenta
 sua unicè ad percipiendam legem
 divinam, consideret unusquique
 nostrum quantò major puritas, ex-
 cellentior sanctitas requiritur in no-
 bis, ut non jam legem, sed ipsum
 Legislatorem dignè suscipiamus.
 Hoc nobis exemplificans S. Legis-
 lator noster Augustinus sic alloqui-
 tur unumquemque: Rogo vos Fra-
 tres! nunquid est aliquis vestrūm,
 qui in arcam sordibus plenam velit
 reponere vestem suam? si ergo in ar-
 cam sordibus plenam vestis pretiosa
 non reponitur, qua fronte in anima,

quæ sordibus peccatorum inquinata
est corpus Domini sacratissimum su-
scipitur. Communionis tempus non
est festum, atquè celebritas, sed con-
scientia pura, vitaquè à peccatis re-
purgata. ait S. Chrysost.

6. Exod. 12. ii. Inter alias ce-
remonias, quas DEUS præscripsit
populo suo in sumptione agni pa-
schalis fuit hæc, ut baculos tenentes
in manibus illum sumerent: *Tenen-*
tes baculos in manibus, & comedetis
festinanter. Utquid rogo ista cere-
monia? Num potius cultros, & non
baculos deberent tenere? Respon-
det Doctor Angelicus S. Thomas
dicens: *Baculus significat iustitiam:*
quando ergo præcepit DEUS Iudeis,
ut baculos teneant in comedendo agno
paschali, nos profectò docuit, ut nos
priùs de nostris excessibus iudicemus
ante-

antequam ad sacram accedamus communionem.

7. Proverb. 23. 2. Præcepit o-
lim Salomon cunctis ad mensam
Principis accendentibus, ut cultrum
statuant in gutture suo: *Quando*
federis ad mensam cum Principe, sta-
tue cultrum in gutture tuo. Variam,
fateor, hæc Icriptura habet expla-
nationem, sed unam accipio, quam
affert Doctissimus Hugo, id est: *ut*
iuguletur in te vetus homo. Ad men-
sam hodie magni Principis, quia i-
psius DEI accessuri sumus, necesse
est ergo, ut cultrum nostro appona-
mus gutturi veterem in nobis ho-
minem, plenum vitijs; plenum pec-
catis, ac vitâ ipsa pessima jugule-
mus. Caveamus nè contingent nobis
verba illa Christi Domini, quæ Ju-
dæ nequissimo contigerunt indignè

ad hanc sacratissimam mensam accedenti: *Unus ex vobis diabolus est.*
Joann 6. 71. Angelica reverentia opus est, ait S. Augustinus, cum ad altare accedis; *Christus enim sumitur.*

8. Joann 13. Veniens Christus Dominus ad cænaculum, quod parari jussérat antequam traderet se ipsum in cibum Apostolis, primò voluit lavare pedes ipsorum. Quare hoc? Ecce ait V. Beda, *Hoc fecit JESUS, ut summam innocentiam ad sacram Eucharistiam suscipiendam requisitam esse demonstraret.* Nullus ergo, clamat D. Chrysostomus, accedat ad hanc divinam mensam avarus, nullus Judas, nullus hypocrita, nullus in corde odium retinens, nullus ambitiosus, quia hic partem cum dæmonibus habet. Accedamus omnes

omnes ad illam mente, & corpore ca-
sti, corde humiles, conversatione san-
cti, & ab omni prorsus cuspa liberi,
laventur corda aquâ lachrymarum
compunctionis. O! affidat omnes sic
ad se accedentes de æterna salute
ipse Salvator noster Christus Do-
minus cuius verba pro coronide po-
no relata apud Domini Evangelistā
Joann. 6. 59. *Qui manducat hunc pa-
nem, vivet in æternum.* Amen.

Sermo I pro Vigilia Im- maculatæ Conceptio- nis B. M. V.

Liber generationis JESU Christi.
Matth. 1. 1

I. **N** aperto est Dilectissimi Li-
brum nobis proponere Domi-
ni Evan-

ni Evangelistam in Evangelio cratinae Festivitatis. Qualem Librum certè illum, qui omni mendo, qui etiam minimō caret erratō, qui denquè nulli subjacet suspicioni. Et quis invenietur talis, qui Librum hunc non optabit terere cum gustu! volvere, & revolvore sine fastidio! quis dare gestiet Libro huic repudiij libellum! Liber hic suavis lectu, memoriā dulcis, auditu amorus, & jucundus. Liber hic, ille est, in quo confectus est nostrae libertatis libellus; Liber hic, ille est, in quo aduersus mortem confecta sunt armā: *Inimicitias ponam inter te, & mulierem.* Gen. 3. 15. Liber hic, est illud templum, in quo DEUS ipse secundūm Ordinem Melchisedech factus est Sacerdos. Liber hic, est ille deliciarum hortus, ex quo multipli-

tiplices gaudiorum colliguntur flo-
 res. Verè paradisus DEI est Liber
 iste; quia lignum vitæ inde profer-
 tur. Liber hic, est illa concha, quæ
 viva manens de intemerato sanguine
 suo, rubrum ad instar purpuræ
 lucens Paludamentum pro rerum o-
 mnium Rege tinxit, & simul per il-
 lud nuditatem operuit Adami. Li-
 ber, inquam, hic, est illud confla-
 torium, in quo conflatum est aurum,
 & decoctum ad purum; natura hu-
 mana ab omni labe purgata, verbo
 unita; formatus annulus, lapis pre-
 ciosus; & in eo imposita est forma
 summi Regis, & imago impressa, &
 plenè expressa. Aurū optimū Caro
 Christi; lapis pretiosus anima Christi.
 figura, & imago, Patris, divinitas
 Christi. Qui cùm sit splendor glorie,
 & figura substantiæ eius; Hebr. i. 3.

nihil-

nihilominus humanitati nostræ est unitus; ut ex duabus naturis, esset quasi in unū annulū junctus Mediator DEI, & hominum, Homo Christus JESUS, & fieret dexteræ Excelsi ornatus. Pando quod sentio; mystériū aperio, Liber hic est Virgo Maria orta de Tribu Juda, clara ex stirpe David, de qua natus est JESUS, qui vocatur, Christus. Ergo hæc facta est illius Mater, qui cælum condidit, & terram, & qui non fecit peccatum, nec in cuius spiritu inventus est dolus! Quis jam pessum ibit hanc originali culpæ subjacuisse? Certè contra ejusmodi optimè militabunt rationes, quas ulteriori adducam discursu. A. M. D. G.

2. Nullus dubito scelus impissimum fore, peccatum actuale etiam veniale in purissima Virgine posnere,

nere, equidem, ut Sol Doctorum S. Thomas 3. p. q. 27. art 4 adver-
tit non solum, sed & palam docet,
minime esset apta, idoneaque in ma-
trem DEI, si aliquando peccato
consensisset; originalem vero cul-
pam longe maiorem veniali pec-
cato, quod nullatenus gratiae DEI
est sublativum, omnes scholae con-
testantur: atque adeo Beatissima
Virgo haudquaquam originali sub-
jacuit noxae. Eapropter D. Legisla-
tor noster August. libr. de natura,
& gratia optimè subinfert dicens:
*De Beata Virgine propter honorem
Christi nullam prorsus, cum de pecca-
to agitur, habere volo questionem.*

3. Nequè vero quempiam pos-
se suppupo negare Divinam illam
Nemesin potuisse ex suo inexhausto
gratiarum thesauro conferre privi-
legi-

legium illud Sanctissimæ Parenti,
 quod æquivaluisse justitiæ originali,
 sicquè eam à quavis præservare no-
 xa, quod si potentia limites haud
 excessit, cur, quod excellentius est,
 Matri Domini non tribuemus? Affer-
 tum hoc, ut tanto majori efficacia
 fulciatur, testem appello S. Ansel-
 mum à Joanne de Dun: Scoti libr.
 3 distinc. 3. q. unica relatum, & di-
 centem: *Nonne castaneæ molli DE-*
US confert, ut inter spinas, & à spi-
nis alatur, & formetur? Non-
ne hoc potuit facere Matri sue?
Planè potuit. Quod si potuit, & vo-
luit: si voluit, & fecit. Quare Spon-
sus ille cælestis cant. 2. l. laudat
Sponsam suam: Sicut lilyum inter
spinias, sic amica mea inter filias.

4. Nemo quoquè dixerit sen-
 tentiæ huic tam sanctæ Sanctorum
 Docto-

Doctorum oracula esse inimica,
 imò in tantùm favent, quòd illam
 luce meridiana reddant clariorem.
 Nonnè S. Ambr. l. i. hexam. c. 8.
 negat in lumine vitæ tenebras mor-
 tis debere inquire; cum nequeat
 quidquam adinveniri splendidius
 illâ, quam splendor elegit! Nonnè
 S. Aug serm. 20 ad FF. in Erem.
 sive 10. de Nat. Chr. palam coram
 toto mundo fatetur dicens: *Sicut in*
cœlo, qualis Pater, talis & Filius;
sic & in terra, secundum carnem,
qualis est Mater, talis & Filius.
 Nonne S. Germanus Archiepisc.
 Confl. serm. de dorm. Virg. ma-
 jorem dolorem animæ astruit hâc
 immaculatâ privari, quâm corpori
 ultimum dicere vale. Nonnè Iude-
 phonius l. de parturit. Virg. con-
 stanter asseverat constare eam ab
 omni

omni peccato originali fuisse immunem, per quam non tantum maledictio matris Euæ soluta est, verum quoquæ & benedictio singulis condonatur. Carnem verò Virginis ex Adam assumptam maculas Adæ nequaquam admisisse, sed in candorem lucis æternæ conversam esse testatur Petrus Damiani serm. de Assumpt.

5. Certe ad hoc DEI Filius decrevit ex muliere nasci, ut destrueret opera diaboli, & maximè peccatum mundi, quod ejus malitia, dum Evam decepit, introduxitum est. Si ergo Criflus rem mulieris, per mulierem Matrem suā contritus erat caput serpentis, quod est peccatum originale, reliquorum peccatorum caput; æquum erat, ut mulier ista benedicta illâ macu-

maculâ non contaminaretur. Et si
ædes Rahab DEUS ab incendij
conflagratione defendit Jos. 6. 25.
quomodo Sanctissimam Matrem ab
originali peccato non præservâisset?
Si stabant aquæ Jordanis impetum
continentes, cum transiret arca Do-
mini Jos. 3. 16. quasi venerando nè
contingerent fluxu: & non cessisset
culpæ originalis inundatio reveren-
tialiter parcendo Virgini Matri, quæ
vera arca DEI est; nè in concepti-
onis transitu naufragium pateretur?
Si fuerunt Jonas, & Daniël à mor-
te illæsi præter ordinem naturæ;
unus in ventre ceti, alter in lacu le-
onum: an non servârit DEUS Ma-
trem illæsam in utero Annæ à mor-
te spirituali, & à monstro terribili o-
riginalis peccati? O mi DEUS! vas
in quo

in quo locandum erat manna cæli-
cum ex auro purissimo Moyses ex
præcepto tuo fabrefecit: & Virgo
præclarissima, in qua collocandus
erat panis vivus, qui de cælo de-
scendit, non sine immunditia origi-
nalis culpæ fuit conceptus.

6. Hanc doctrinam pientissi-
mam approbat Sancta Ecclesia Ro-
mana, enimverò in Concilio Basili-
ensi sess. 39. determinatum & statu-
tum est publicō decretō, quòd do-
ctrina asserens Virginem Mariam
nunquam subjacuisse peccato origi-
nali, tamquam pia, & consona cul-
tui Ecclesiastico, Fidei Catholicæ,
rectæ rationi, & Sacræ Scripturæ
ab omnibus Catholicis est appro-
banda, tenenda, & amplexanda,
nulli q̄ licitum fore definit ibidem
sancta Synodus contrarium prædi-
care, seu docere.

7. Ea-

7. Eapropter nemo vestrum
 Dilectissimi imposterum animō hæ-
 sitet aut suspendatur de intaminata
 Conceptione Virginis Mariæ Ma-
 tris DEI, ast, ut honor Matris in
 Filium refundatur, singuli eam pu-
 ram, ac sanctam, expertemquè à la-
 be originali prædicemus. Filij ejus
 omnes sumus, eam ob causam fer-
 venti zelo ejus honorem tutemur,
 defendamus, promoteamus, con-
 servemus quantum vires patiuntur
 est necesse. Ad quod præstandum
 ipsa utiq; nos invitat, incitatvè dum
 apud Domini Sapientem Eccli. 24.
 31. continuò inclamat: *Qui elucidant
 me vitam æternam habebunt.*

Quam conferat nobis il-
le, qui vivit, & regnat
per omnes æternita-
tes. Amen.

Sermo

Sermo II pro éadem
Vigilia.

*In transmigratione Babylonis, &
post transmigrationem Babylonis.
Matth. I. II. 12.*

TAmetsi primus generis humani Parens Adamus præcepitum à DEO acceperit, nè de ligno in medio paradisi plantato vesceretur; benevolo attamen, & tenero in conjugem suam amore ductus, & vixit divinum mandatum est prævaricatus. Unde & ipse, & conjux, & nos quotquot sumus mortales è paradiſo deliciarum horto ejecti, & in orbis exilium pulsi, & relegati sumus. Eapropter, quòd defacto infinitis, ut ita loquar, præmamur, & opprimamur malis; quòd statutum

tum sit hominibus semel mori Hebr.
 9. 27. quod tot crudelia, & exotica
 bella in orbe sint excitata; quod ur-
 bes usurarijs, sylvæ, & saltus præ-
 donibus, domus furibus, mare py-
 ratis, tribunalia iniquis judicibus
 plena sint; quod omnis scientiæ bo-
 nō vacui, adeoq; rudes nascamur;
 quod proni sint lensus nostri ad ma-
 lum ab adolescentia sua, & cārō
 spiritui contradicat; quod nondum
 lucis usurâ donati candidâ innocen-
 tiæ spoliemur veste; quod prodea-
 mus in hunc mundum filij iræ, &
 vindictæ; quod tanta pars hominū
 cæcō modō ruat in tartara laci semi-
 piterni; quod ira, & odium, & o-
 mnis mala voluntas in orbe terra-
 rum dominetur, augeaturvè dies in
 dies. Ista, aliaquæ id genus innume-
 ra, pænæ sunt, & suplicia, quibus

Adæ culpam unicam, pômi morsû
 DEUS justissime castigat. Ex hoc
 namquè draconis foco tantæ vipe-
 ræ prodivere. O infelix morsus! in-
 felix suggestio serpentis! *Eritis*
sicut dij. Gen. 3. 5. Ah quam longâ,
 & arctam pænitentiam egerunt pri-
 mi Parentes de hac prævaricatione,
 minimè tamen pro illa satisfacere
 potuerunt cùm in nos omnes per na-
 turalem propagationem diffundatur
 exenta Virgine Beatissima Maria.
 Patebit hoc ex dicendis. A. M.
 D. G.

2. Cant. 4. 8. Magnis enco-
 miorum laudibus celebrat Sponsus
 cœlestis Sponsam suam dilectissimâ
 pulchritudinem ei, & venustatem
 omni ex parte, attribuens quâ vulne-
 raverat cor ejus in uno oculorum.
 Tota pulchra es amica mea, *O ma-*
cula

cūla non est in te. Res, quæ dicitur
 pulchra, ex eo dicitur esse talis,
 quod quaquà versùs talis habeatur;
 & plus quam talis: sitq; pulchra,
 quæ eodem modō semper se habet;
 ita, ut nec oriatur, nec intereat, ne-
 què augeatur, nequè minuatur ne-
 què partim pulchra, partim turpis
 sit; nequè hoc tempore pulchra sit,
 alio verò non item niteat. Atque
 adeò taliter explicata pulchritudo
 ubi quæretur si non in concavo lunæ
 Maria Virgine excepta: quodlibet e-
 nim, cui natura parens indidit, aut so-
 lertia humana excogitavit quempiā
 decorem, labente temporis cursu
 necesse est in eodem statu haud
 permanere. Sic aurum rodit rubi-
 go; pannum tinea depascit; acupi-
 turæ subjacent vetustati; prata ve-
 re oculos delectant amænitate, hy-

eme nivibus sepeliuntur; flores modò
oriuntur, modò marcescunt, modò
moriuntur, seu in nihilum redigun-
tur. Adeoquè res omnis quantum
habet de mutatione, tantum quo-
què habet de ipso non esse, hæc
què mutabilitas nihil aliud est, quam
mors quædam, quæ dum rem quam-
libet in aliam immutat, quasi occi-
dit, quod fuerat; ut incipiat esse
quod non erat. Floret juvenis ma-
nè rubescitquè, ut rosa, meridie ni-
gescit, vespere vultu palescit. Ubi
decor, ubi pulchritudo? Tempus
absumpsit, tempus consumpsit.

3. Pulcherrima pulchritudo o-
mnium pulchrorum Beatissima Vir-
go Maria, imò pulchrorum omnium
summum decus, & ornamentum,
cui Divinum illud elogium sugge-
stum

stum ab æterno Verbo Salomonis:
Tota pulchra es haud conveniret, ut
 advertit Oliva tom. 2. conc. 2. in
 Festo Immac. Conc. si in concepti-
 one immaculata non fuisset: ideo-
 què si Matri DEI id non conveni-
 ret ob contagium originalis noxæ;
 nè inanè, & fabulosum foret; debe-
 ret mundus expectare à cælo mul-
 erem Mariam majorem, quæ ex luto
 Evæ compacta non esset, cui jure
 dici posset: *Tota pulchra es, Et ma-*
culta non est in te. Eapropter Idiota
 contempl. &c. c. 3. optimè, & do-
 ctissimè subinfert concludendo di-
 cens: *Tota pulchra es Virgo glori-*
osissima: non in parte, sed in toto: Et
macula peccati, sive mortalis, sive ve-
nialis, sive originalis, non est in te;
nec unquam fuit, nec erit.

4. Revera res admiratione
 non

non mediocri, & notatu diligentius dignissima est, quod nec perfidus, atque impurissimus Mahomes purissimæ Virgini Mariæ hanc prærogativam, quod duntaxat absque labore peccati originalis fuerit concepta neget uti legere est in Mezlin, & Albacori Alcorani ejusdem; cum plurimi Christiani hanc ei ultroneè per fas, nefasvè per negaverint. Utinam ejusmodi sapient, velim, & illud memoriam non postremum, quod in Chronicis Fratrum Seraphici Patris 3 p. I. c. 47. evenisse annotatur, alta retineant mente. Enimvero cum Doctor quidam in sacra Theologia Rector Universitatis Tholosæ publicè populo persuadere vellet gloriosissimam Virginem Mariam DEI Matrem in originali culpa fuisse conceptam, maximam furiam, & totius

totius concursu populi ab ipsa urbe
expulsus fuit: qui postea Romam
petens apud Summum Pontificem
Martinum quintum de injuria sibi
illata conquestus est. At cum Sum-
mus Pontifex auditō, & intellectō
meritō causæ discussionis disputati-
onisvè diem assignaret, & plurimi,
ijquè gravissimi Magistri ad hoc
negotium pacificandum conveni-
rent: cumquè Doctor ille ad dispu-
tationem non venerit, nec in loco
designato comparuerit, eum vocari
jusserunt, & quæsitum in cellula e-
jus mortuum invenerunt, quod ma-
ximam admirationem, magnumq;
terrorem incussit omnibus, qui il-
lius partes agebant, ipsiusq; opinio-
nem tuebantur. Revera horrendus
casus, ast jucundiorem audite:

5. 1496. Annō Scotus in dispu-
tatio-

tatione, quam habuit cum Discipulis Alberti, cognomen Subtilis accepit. Cum idem Doctor ad defendendam Beatissimæ Virginis Mariæ Immaculatam Conceptionem (uti notat Lacor. Chrysog. S. J. Mundi Mariani part. 2. disc. 5) contra illius adversarios descenderet in arenam, brevemquè illam precatiunculam: *Dignare me laudare te Virgo Sacrata, da mihi virtutem contra hostes tuos*, præmisisset ante ejus Simulacrum; ipsa Mater benignissime se se illi inclinare non est designata: & in hodiernum diem inclinato capite conspicitur perseverare.

6. En! Vidimus jam (quamvis brevibus) Beatissimam Virginem Mariam sinè originalis culpæ noxa conceptam: modo superest, ut nos peccatorum sordibus totos inquinam-

quinatos ad purissimæ hujus Virgi-
nis pedes prosternamus, & per eam
culparum nostrarum omnium veni-
am obtestemur, precemur vè, ut o-
pe misericordiæ ejus à peccato simus
semper liberi, & à peccandi peri-
culis securi. Quod, ut eveniat, can-
dido exopto corde. Amen.

Sermo III. pro eadem Vigilia.

*De qua natus est JESUS, qui voca-
tur Christus. Matth. i. 16.*

i. **P**ostquam primus ille generis
humani Parens Adamus sto-
lam justitiæ per prævaricationem di-
vini mandati mortu pomi de ligno
vetito amisisset; futurum erat, ut is
una nobiscum omnibus sub tartarea
potestate æternū gemuisset. Ve-
rūm

rūm misericordissimus DEUS, cui
proprium misereri semper, & parce-
re, cogitavit super nos cogitationes
pacis, & non afflictionis uti inquit
Dominus Propheta Jer. 29. ii. Cogi-
tavit, & decrevit Unigenitum suum
mundo Redemptorem dare. Unde
S. Joannes admirabundus exclamat:
*Sic DEUS dilexit mundum, ut Fili-
um suum unigenitum daret.* Joann.
3. 16. Tam sanctam Sobolem, sancta
nonnisi viscera suscipere debent. E-
quidem si agnum jugulare non sunt
ausi Machabæi in ara, quam hostiæ
gentium profanarunt: & DEI Ag-
nus potuitnè concipi, ubi Levia-
than lusit, & scelus illusit! Si Judas
Machabæus (i Machab. 4. 44.)
indecens judicavit, ut altare illud
DEO deferviret, quod falsis dijs

con-

consecratum erat: quô pactô fieri
 potuit, ut ille uterus, qui aliquando
 mancipium fuerat orci, concepisset,
 genuissetque illum, qui est castissi-
 mus Sponsus animarum sanctorum,
 & cuius pulchritudinem sol, & luna
 mirantur. Maria circumdedit Vi-
 rum; Maria castis visceribus conce-
 pit, & peperit Salvatorem mundi,
 utpote ipsa sine originalis culpæ no-
 xa concepta, & mundo data, uti
 patebit ex dicendis. A. M. D. G.

2. Certum, & indubitatum est
 voluisse Omnipotentissimum DE-
 UM, Sanctissimam Matrem suam
 eripere ab opprobrio, & infamia illa,
 quod duntaxat non haberetur, ut
 adultera, propter hocque constitu-
 isse, ut priusquam conciperet de
 Spiritu S. Josepho fuisset desponta-
 ta; ne dicere auderent profligatae
 fæcis

fæcis Hebræi, eam ex adulterio concepisse. Satiùs enim verò putari permisit Dominus (ut rectè advertit Præsul Mediolanensis D. Ambrosius homil. super Matth.) de suo ortu, quàm de Virginis pudore dubitari, & potius voluit, ut Judæi cogitarent, ipsum esse filium Joseph fabri lignarij, uti defactò supposuerunt, cùm ei convitiij loco id improverabant dicentes: *Nonnè hic est faber filius Mariæ* Marc. 6. 3 quàm, ut existimarent, & crederent, purissimam Matrem suam adulteram fuisse. Nec putavit (ait memoratus Doctor) ortus sui fidem Matris iurijs astruendam.

3. Ast majus oprobrium, & magis contra honorem Sanctissimæ Virginis Mariæ fuisset, si ipsi quoquo tempore peccatum originale prædomina-

minatum fuisset, & orci princeps in
 illam potestatem quamquam habu-
 isset, fuissetque filia iræ, & vindictæ,
 ac condemnationis æternæ, quæ o-
 mnia plus erant, quam falsis He-
 bræorum testimonijis injustè, falso-
 que infamari. Atque adeò si DEUS
 propter honorem maternitatis eam
 præservavit ab opprobrio, & falsa
 calumnia adulterij; quis eam dicet
 tali speciali privilegio non præser-
 vatam ab originali peccato fuisse.
 Hinc Doctus Nierembergius de am.
 erga B. V. c. 9, egregiè admodum,
 & sapienter: *Juxta communem Pa-
 trum sententiam, (inquit) primus
 Adam Christum Dominum præfigura-
 vit; Eva verò B. Virginem. Sicut
 ergo terra, ex qua productus erat A-
 dam, nulli unquam maledictioni ob-
 noxia fuerat: ita & B. Virgo, ex
 qua*

qua secundus Adam prodijt, nulli origini peccati maledicto subiacuerat.

4. Quod si verò Sancta Mater Ecclesia profiteatur, DEUM honoris gratiâ intuitu maternitatis præservâsse ejus corpus à vermium corruptione, longè profectò majus opobrium fore animam culpa infici originali, quām corpus corruptione oneris involvi unicus non agnoscit cæcus. Eatenus Regius Paraphrastes Psal. 45. 6. *Adiuuabit eam* (inquit) *DEUS manè diluculo.* Ubi alia versio habet: *Adiuuabit eam DEUS in ortu auroræ*, per quod significare vult Beatissimam Virginem Mariam nec mortaliter, nec venialiter, nec originaliter peccâsse, sed, ut purissimam auroram conceptam in mundum prodisse, in mundo vixisse.

5. Et verò: Non enim uno modo so-

dō solent Medici curare Regem,
& hominem plebeum, sed alio Re-
gem, & alio populum communem.
Regi enim priusquam olfaciat infir-
mitatem farmaca præservativa adhi-
bere solent, nē nimis infirmetur,
ast populum communem nuspiam
curant antequam ægrotet, & ple-
rumquè in octavo gradu. Omnes,
& singulos filios, & filias Adæ misé-
ricordissimus DEUS curavit, post-
quam in peccati ægritudinem pro-
labsi fuerunt: Sacratissimam verò
Virginem, quippe, cùm eam crea-
verit, ut Regina cæli suaquè fieret
Mater, ipsam curavit suis divinis,
& locupletissimis gratijs præservan-
do Ad hunc sensum loquens Spir-
itus Sanctus cum Ecclesia inquit: Si-
cut turris David collum tuum, que
edificata est cum propugnaculis Cant.

4. 4. Atque adeo collum Ecclesiae
est purissima Virgo Maria; quidē
quemadmodum in corpore humano
est collum post caput, quod altiore
sibi vendicat locum: pari modo lo-
quendo in Sancta Ecclesia post ca-
put, quod est Christus Salvator no-
ster Sanctissima Virgo altius præ sin-
gulis eminet creaturis: & quemad-
modum collum est via veluti, per
quam influentia capitis in corpus
fluunt, & humores corporis in ca-
put ascendunt; ita pientissima hæc
Regina, & Mater misericordiæ est
mediatrix, & advocata per quam
orationes Ecclesiae ascendunt ad
cælestè caput, quod est Christus, &
per eam divini favores velut ros in
terram descendunt, & sparguntur.
Istud autem collum est admodum
turris illius Davidis, quæ ædificata
fuit

fuit propugnaculis vallata: etenim Sanctissima Virgo in sua sacratissima conceptione ædificata est cum gratijs, & divinis, atquè altissimis donis, atquè ita fuit præservata ab illa labe originali. Quare ad nostrum propositum rectè Rupertus l. 2. de vict. DEI c. 16. Stetit (inquit) quidem draco ante mulierem; serpens namquè insidiabatur, nè fieret, quod proposuerat DEUS. At DEUS propositi sui victoriam in potestate habens, mysteriò à seculis abscondito Immaculatam iam sibi Matrem delegat. Cui adstipulatur Richardus à S. Victore l. 1. in Cant. dicens: *Virgo tenebrarum principibus semper fuit terribilis; ut ad eam accedere non præsumperint.*

6. O! mi DEUS si impius filius haberetur qui potestate habita

condendi gravissimam lègem, matrem annumeraret vulgo. Si in Ægypto sola terra Sacerdotalis (Gen. 47.) fuit immunis ab omni tributo. Si (inquam) indecens judicavit DEUS in tabulis (Ex. 34. 1.) licet summô artificiô reparatis legis præcepta, & verba sua scribere, quomodo in Maria Verbum suum scripsisset, si prius nevum habuisset! Cujus patrociniô, ut à vinculis peccatorum nostrorum quantocytus eximamur, & perfecta filiorum DEL libertate donemur, jam nunc eandem per immaculatæ conceptionis prærogativam devotissimè obtestemur, repetamusquè: *Sancta Maria succurre miseris, iuva pusillanimes, refove flebiles, seantiant tuum iuvamen, quicunque celebrant tuam sanctam conceptionem.* Amen.

Sermo

Sermo I. pro Vigilia Purificationis Beatissimæ Mariæ Virginis.

Postquam impleti sunt dies purgationis Mariæ secundum legem Moysi, tulerunt JESUM in Jerusalem, ut sifferent eum Domino. Luc. 2. 22.

I. **Q**uanta Beatissima Virgo Maria per quadraginta dies in stabulo illo Bethleemi degens, quæque materna erga parvulum, illumquæ primò genitnm DEI Filium Jesulum exhibuerit officia, nullus effari scit, & valet. **Q**uod verò tantæ Majestati inserviendi nacta sit felicitatem, tantò perfusa fuerat animi solatiò, ut rerum mundanarum prorsus obliata, quadraginta dies, duxerit prou-

no. His effluxis vadit Jerosolymam;
sistit Neo-Natum Domino; offert
pro illo par columbarum, munus
duntaxat pauperculis statutum, &
ut Sacerdos pro sui oret emundati-
one, enixè precatur. O Virgo a-
mantissima quorsum hæc! Utiquè tu
totius mundi es Advocata! Utiquè
per te accessus nobis panditur ad o-
mnes promerendas, & recipiendas
gratias! Utiquè tu es tota pulchra, O
macula non est in te! Cant. 4. 7. U-
tiquè tu es pura opere, sermone, co-
gitatione, purificationis legi mini-
mè subjecta! Utquid ergo Sacerdo-
tum prece, quid purificatine tibi opus
est! (quærit Bernardus serm. 3 de
Purif.) Vere, ò Beata Virgo, vere
non habes causam, nec tibi opus est
purificatione, sed nonquid filio tuo
opus erat circumcisione! Esto inter-
muli-

mulieres tamquam una earum, nam
O filius tuus sic est in numero peccatorum. Maria Regina cæli, Mater
 DEI humilimè semper de se sentiebat, & Religiosus, magnus apud
 homines gestiet apparere? Non, si
 ea altius menti, & cordi impresserit,
 quæ subsequò adducam discursu.
 A. M. D. G.

2. Omnium nostrum (ut bene supponitur) qui qui genus vitæ
 Religiosæ amplexi sumus non alia
 fuit intentio in primordijs conversi-
 onis, quā, velle nos ababus (ut ajunt)
 amplecti ulnis, quæ mundus novit ha-
 bere exosa; fugere verò quibus ille
 potissimum laudes suas texere con-
 sivevit: atque adeò velle nos semper
 parvos, & nunquam magnos coram
 alijs corde, & opere reputare. Et
 cur non & defacto? Utique sumus
 disci-

discipuli illius, qui adeò semetipsum
exinanivit, ut omnibus, & in omni-
bus, volo dicere, omni hominum
sorti sinè delectu, & omnibus inju-
rijs, calumnijs, tormentis, & cruci-
atibus se subjecerit absquè ulla ex-
ceptione, exemplumquè dedit no-
bis, ut quemadmodum ille fecit, ita
& nos facere debemus.

3. Et verò: utiquè appropin-
quante jam jam illius sacratissima
Passione nullum penè genus homi-
num fuit, quod augendis ejus cru-
ciatibus, calumnijs & tormentis
quampliam operam non subministrâ-
set. Mos, & consuetudo legem po-
suere, quod in capitali illa animad-
versione uni duntaxat alterivè admi-
nistro permitatur reo manus infer-
re; ast quis non videt in Christi
Passione quemlibet pro libitu, &
arbi-

arbitrio illum posse affligere? Sit Dux an miles; sit Judæus, sit gentilis; sit sacerdos, sit laicus; sit Dominus, sit servus; sit dives, sit pauper; sit juvenis, sit senex; sit vir, sit fæmina, nîl officit: omnis aditum liberum habet, singuli habent potestatem, ut suum crucient conditoris: quod ipsum testatus est Salvator cohorti illi ex omni hominum sorte conflatae, quæ ad capiendum illum confluxit: *Hæc est (inquiens) hora vestra, & potestas tenebrarum.* Luc. 22. 53. Tamquam diceret: Illa est hæcce hora, quæ indultum est terræ, & inferni abyssō, hominibus, & dæmonibus, ut confluant, conjurentq; in perniciem, & mortem meam.

4. Porro in singulis omnibus quæ se subjecit: nullum enim vero
ad in-

ad inventum est pænarum, dolorū,
acerbitatum, & tormentorum genus,
cui se Salvator noster non subje-
cisset. Subjecit se namquè dolori-
bus internis, tristitia, tædij, timoris,
& agoniæ tam acerbæ, ut hæc illi
sanguineum planè expresserit sudore.
Subjecit se doloribus exter-
nis in corpore, nulla, nè minima qui-
dem parte à singulari suo cruciatu
immuni, quorum acerbitas ex cir-
cumstantijs maximum sumpsit in-
crementum: & quidem primò ob
delicatam ipsius complexionem,
quæ, quemadmodum fuerat Spiritus
S. operâ ex Virginis intaminatae san-
guine peroptimè efformata, ita quo-
què ad singulos perquam erat tene-
ra doloris sensus. Secundò ob con-
tinuitatem tormentorum: cùm
nè momentum quidem quietis
ipsi

ipſi fuerit relictum ab exordio paſſionis uſquè ad finem. Tertiò ob multitudinem, & diuerſitatem tormentorum: ingeniosa enim, & induſtriosa lictorum crudelitas ſemper nova excogitavit, quæ inter fuerat ſpinea illa corona, aut ordinaria recen- ti exasperavit furore: adeò, ut niſi amantissimus hic Salvator noſter Divina virtute fuifet confor- tatus ad trabale illud lignum bajulandū, vel ſoli verberum tempeſtati ceſſiſ- ſet, adeoquè ſub illa animam exha- läſſet.

5. Subjecit ſe demum illis, quæm in fama fuit perpeſſus cū ſceleratis reputatus Isa. 53. 12. Utiquè fuit ſeductor populi, potator vini, impoſtor, & blaſphemus ſceleratorum judiciō declaratus, Barabæ ſedicioſo mitiſſimus Agnus poſtpoſitus, la- troni.

tronibus comparatus. Subjecit se,
quæ concernunt honorem mille o-
probrijs, ludibrijs subsanationibus,
& execrationibus impetus: à via
enimverò contemptus ejus adversa-
rij ad horrorem, & execrationem
usquè profilierunt: hinc optimè de
illo vaticinatus est Domini Pro-
pheta Thren. 3. 30. *Saturabitur
opprobrijs.*

6. Subjecit se tandem quan-
tum ad animam miserrimo illi sta-
tui derelictionis, in quo non solum
à singulis hominibus etiam charissi-
mis discipulis, quorum alij in disper-
sionem acti sunt, alij prodiderunt,
alij negaverunt, & nesciisse se ho-
minem etiam juramento affirmave-
runt; ast quoquè in extremis crude-
lissimæ mortis angustijs dolorum
inter cruciatus, & opprobria ab ipso
suo

suo Patre Cælesti in amarissima desolatione fuit derelictus. Hinc in sequentia prorumpit lamenta: *DEUS meus, DEUS meus, utquid dereliquisti me!* Matth. 27. 46.

7. Amplectamur proin Dilectissimi exemplō Salvatoris nostri, Matrisquē ejus Sanctissimæ humilitatem verè virtutum omnium, & omnigenæ felicitatis fundamentum. *Magnus esse vis! à minimo incipe,* inquit Orator Hyponensis, cui stipulatur Præsul Constantinopolitanus D. Chrysostomus orat. de humilit. tom. 5. dicens: *Nisi hanc (humilitatem intelligit) prius fundamenti vice ieceris, omnia abs te frustra superstruuntur, nihil est enim in nostris recte factis, quod sine ea stare possit.* Notat Pierius 27. hieroglyph. purpuram pisciculum, qui ascendit ad re-

ad regium ornamentum, in imo quæ-
ri pelagi debere, ubi unicè reperi-
tur. Pulchra sanè humilitas, & præ
purpuris pretiosa de qua S. Ludovi-
cus Episcopus Tolosanus ita habet:
Nihil tam gratum DEO, quam si
vitæ meritô magni, humilitate simus
infimi. Cùm tantò quis DEO sit pre-
tiösior, quantò propter eum sibi est
vilior. Laudat quoquè Sponsus Cæ-
lestis Cant. 7. 1. Sponsam à gressibus
inquiens: Quàm pulchri sunt gressus
tui in calceamentis filia principis, tam-
quam nihil aliud pulchrum adinve-
niretur præ pedibus humilitatis. His
in pedibus consistimus securè, gradimur
& ascendimus feliciter, & illius
possessionem hæreditatis, ac gloriæ
fortunatissimè adimus æviternæ.
Quod, ut eveniat, candido exopto
corde. Amen.

Sermo

Sermo II. pro eadem Vigilia.

*Ut darent hostiam secundum quod
dictum est in lege Domini, par tur-
turum, aut duos pullos columba-
rum. Luc. 2. 24.*

i. **A**dmirandam Virginis Beatissi-
mæ paupertatem nullus est,
qui prædicet sufficienter; quia in
tam nobili Virgine, & Matre DEI
maxima fuit, uti advertere licet jam
ex sponso ejus fabro, jam ex præan-
gusta ejus domuncula hæreditaria
successione sibi obventa, jam ex sta-
bulo Bethléemico. Modicum id,
quod habuit, amore sui Filij mox
reliquit domunculam duntaxat pau-
perculam unà cum supellecili, quan-
do ei

do ei de noctesurgendum fuit, &
repentè migrandum in Ægyptum.
Nullas etiam opes concupivit, quas
cùm a filij potentia mille modis im-
petrare, & mille etiam titulis habe-
re posset, respuit, contempsit. No-
vit perbellè eum ex aqua posse fa-
cere vinum, & quidem excellentis-
simum; copiam piscium capere in-
gentem; thesauros incomparabiles
comparare, nihil attamen uspiam ta-
le poposcit. Dona trium Regum
magnifica vel non admisit integrè,
sed delibavit tantum ob mysterium;
vel admissa mox pauperibus distri-
buit, ut vult Cherub Marianus D.
Joannes Bonaventura in vita Christi.
In Ægypto inter, ignotos, hostiles,
& gentiles quantam, putatis, passa
est paupertatem per annos septem,
cùm nihil in eam attulerit secum.

In

In purificatione pro filio, non phaleras aureas plenas coronatis, ast munus pauperum, pullos duos turturū offert. O nostra tempora deploranda! Quis est, qui in tanto amore habeat paupertatem? Mittamus interim alios, nobis, utpote olim voto solemnī jurata, apprimē cordi erit vel ex illis, quæ ulteriori adducam discursu. A. M. D. G.

2. Paupertas, quam profitemur Religiosi, non ab hominibus est ex cogitata, sed illata mundo simul cum Evangelio salutis. Etverò: Joannes Præcursor Domini, & primus prædicator Evangelij, ipse dimissis omnibus, factus est incola deserti, contentus locustis, & melle silvestri pro cibo, & ciliciō de pilis camelorum pro vestimento prædicans regnum DEI, & sucllamans: *Qui habet*

habet duas tunicas, det non habenti:
 & qui habet escas similiter faciat.
 Luc. 3. 11. Post dictum venit in ter-
 ras Filius DEI, non, ut delicijs per-
 fruatur, sed, ut paupertatem seete-
 tur; fatetur enim de illo alias Do-
 mini Evangelista dicens: *Vulpes fo-*
veas habent; & volucres cœli nidos:
filius autem hominis non habet, ubi
caput reclinet, Matth. 8. 20. illequæ
 prædicans, quæ, & quanta sint illa
 gaudia æternæ felicitatis subjunxit:
Qui non renunciat omnibus, que
possidet, non potest meus esse discipu-
lus. Luc. 14. 33. Post ascensionem
 hujus in cœlum missus est Spiritus S.
 visibiliter in specie flamarum, &
 adeò accedit corda credentium, ut
 testetur Pagina sacra Acto. 2. 44.
 omnes fuissent pariter, & habuisse o-
 mnia pro usu communi, possessiones,
 & sub-

& substantias vendidisse, & divisisse
illas prout cuiq; opus erat. Ad hæc
duces illi satoresquè fidei intonant
constanter, & sinè vel modica inter-
polatione: *Ecce nos reliquimus omnia,*
& secuti sumus te. Matth. 19. 27.

3. Nequè verò audeat quispiam
supponere hoc genus vitæ in San-
ctam Ecclesiam, sinè certa illaque
cumulatissima sponsione Divinæ il-
lius Nemesis introductum: equidem
Magister ille Cælestis interrogatus
ab Apostolis quam mercedem re-
cepturi forent pro eo, quod omni-
bus renunciassent, illico respondebat:
*Amen dico vobis: nemo est, qui reli-
querit domum, aut fratres, aut soro-
res, aut patrem, aut matrem, aut filios,
aut agros, propter me, & propter E-
vangelium, qui non accipiat centies
tantum nunc in tempore hoc, domos,*

L

& fra-

E fratres, **E** sorores, **E** matres, **E** filios, **E** agros, - - **E** in sæculo futu-
ro vitam æternam. Marc. 10. 30.

4. Atque adeò qui suis amore Christi nuncium remittunt; possi-
debunt hæc singula ad usum, non
ad opes, aut quandam proprietatem
possessionis; Ast, ut his debitè utan-
tur, abundantissimè per flumen illius
charitatis; ita Spiritu S. ordinante,
qui unus omnium corda tangit, re-
git, manifestat ad unum quodque
membrum corporis mystici instru-
untur non aliter, imò & longè per-
fectius, ac unus spiritus vitalis singu-
lorum membrorum vires, opes, offi-
cia convertit in usum, partium reli-
quarum corporis ejusdem quantum
unaquæq; earum sibi vendicat, &
neq; plus quidquam requirit adsci-
tarum.

5. Non

s. Non est quidem hic sensus
ille, tamquam deberent accipere
centum domos pro una, aut verò
centum agros pro uno, vel centum
matres pro una; hoc enim veritas il-
la æterna minimè dicit, ast asseverat
centies tantum domos, agros, fra-
tres scilicet accipiunt, id est, centies
tantum emolumenti, utilitatis, ac
beneficij derivat in illos ex domibus,
& agris alienis, ex fratribus, ex soro-
ribus, matribusquè non suis, quantū
ex suis trahere potuissent. Singu-
larum namquè domorum januæ eis
patent, omnium eis agri afferunt
fructus, singuliquè piam sectantes
vitam officijs suis longè plus quam
paternis, aut maternis, aut fraternis,
ijs nupsiam desunt. His accedit,
quòd habeant cunctos fidei compar-
ticipes pro fratribus acsi eadem vi-

scera eos foras fudissent, quemadmodum sunt per una viscera unius JESU Christi, ejusdemque Spiritus S. nova creatura in DEO. Nacti sunt præterea omnes, qui regendi, instruendiq; in Ecclesia munia obeunt, tum pro venerandis, colendisquè patribus tamquam illis vitam dedissent, quemadmodum & dederunt, intelligendo, quâ dei formes efficiuntur, Evangelicam vitam. Etenus Doctor ille Gentium Paulus sinè rubore Epist. I. ad Corinthios cap. 4. v. 15. intonat dicens: Si de cem millia paedagogorum habeatis in Christo, sed non multos patres. Nam in Christo JESU per Evangelium ego vos genui. Singuli denique qui buscunquè illi quodpiam augmentum gratiæ Evangelicæ contulerunt, veluti proprios filios complectuntur,

prout

prout patet ex illo, ubi memoratus
Doctor Gentium Epist. 4. v. 19 Ga-
latis scribit: *Filioli mei, quos iterum
parturio, donec formetur Christus in
vobis.*

6. Amemus igitur Dilectissimi
professam olim paupertatem, diligi-
mus eam tamquam matrem nostram
locupletissimam, & fiet quod illâ
ditati, thesauros nobis comparabi-
mus æviternos. Amen.

Sermo III. pro eadem Vigilia.

Secundum quod dictum est in lege.

Lucæ 2. 24.

1. **P**Er quadraginta annos, quibus
populus DEI ambulavit per
desertum, non fuerunt ruptæ, nequè
attri-

attrita vestes eorum. Ita nos quamdiu in hac vita fuerimus commorati, vestes animæ, virtutes duntaxat, sanas, integras, ac mundas conservare debemus. Hæ animæ vestes sunt contrariæ corporis vestimentis. Enimverò vestimenta corporis quantum magis usui sunt, & quò magis portantur, eò magis consumuntur, & conteruntur; & si per humum trahuntur, omnino destruuntur. Ast vestes animæ, quanto magis usui sunt, tanto apparent illustriores. Hæ vestes in quo splendidiores uspiam fere, si non in illa, quam sibi splendor æternus in Matrem elegit ab æterno. Et quamvis splendidissimè fuerit illis ornata; allaboravit attamen nihilo minus per omnimodam legis Divinæ observantiam, tanto magis dies, in dies clarere. Minime indigebat

puri-

purificatione, ut tamen satisfaciat legi, cui subjecta non erat, sistitur in templo tamquam re ipsa purificanda. Atque adeò quicunque nostrum cupit, & desiderat tali animæ apparatu splendere, minimum iota legis professæ observet est necesse. Ad quod antidotô succurratam dicendis.

A. M. D. G.

2. Lex professâ cùm totum Religionis respiciat corpus, æquè caput, ac totam membrorum compaginem sustentat, ita, ut sine unanimi, & ordinata ejus observantia, dissipari totum necesse sit. Super quo extat S. Concilij Trid. oraculum sic sonans sess. 25. cap. i. *Sacra Synodus præcipit, ut omnes Regulares ad Regule, quam professi sunt, præscriptum, vitam instituant, & componant, atque in primis que ad suæ perfectionis, seu*

pro-

professionis perfectionem, aut obedientiae, paupertatis, & castitatis, ac si que alia sunt alicuius Regule, & Ordinis particularia vota, & præcepta ad eorum respectivè essentiam, necnon ad communem vitam, victimum, & vestitum, conservanda pertinentia, fideliter obseruent.

3. Revera magna impietatis nota, ac periculi prorsus plena, licentiare se in illis quæ DEO sunt olim jure jurando litata, equidem super hoc timendum horrendum illud: *Impius, cum in profundum venerit contemnet.* Minima à dissipato spiritu nonnulla censentur, sed audiatur de minimis loquens Magnus Pater Augustinus: *In minimis esse fidelem magnum est.* Utique etiam pro paleis in jure Canonico habentur additio-
nes ad

nes ad decretum Gratiani, & tamen
merentur sui observantiam, pari mo-
do quæ putantur paleæ observatio-
nes, Gratiani, seu liberi sub gratia
constituti custodire nitantur, ut u-
nusquisque audire mereatur: *Quia*
in modico fuisti fidelis, supra multa te
constituam.

4. Nequè verò natura (Pli-
nio teste) magis, quam in minimis
tota est. Artium item magnificentia
nusquam gloriosior apparet, quam
in parvis operibus remonstrata, ita
quoquè Regularis vitæ structura, eò
perfectior apparebit, si illa etiam,
quæ deformitatem peccati non por-
tant, ait ornamento ejus serviunt,
& perfectioni, ad eandem quoquè
studiosè, coaptentur. Sinè dubio
addent candorem structuræ vitæ Re-
gularis, ac observantem cælo can-
dida-

didabunt. Jejunia indispensabiliter
observata addent splendorem, prae-
servabitq; eam à ruinis diligens sen-
suum portaria, modestia duntaxat
in incessu, statu, & habitu deportata.
Avertent tempestates hujus struc-
tæ vitæ Regularis nocivas silentia
exactè custodita, divitem reddent
cura boni communis, disciplinæ,
cellæ solitudo, inclinationes, aliæ-
quæ ordinariæ, & extraordinariæ
mortificationes fideliter adimpletæ:
sine his autem informem, ruinosam,
squalidam, oculis externorum exo-
sam, ac planè miseram fore dictam
strukturam, ita, ut illius supremus
Architectus lamentari cogatur cum
Propheta: *Confregisti iugum meum,*
dirupisti vincula, dixisti non serviam.
Jerem. 2. 20.

5. Certè ferventes mundi ser-
vi ad


vi ad apicem legem illius observant
adèò quidem, quòd in minimis quo-
què eidem studeant complacere;
servi etiam DEI modica spernentes
paulatim decident. Quod ipsum
D. Legislator Augustinus dolenter
commemorans subinfert: *Testis est*
DEUS super animam meam, ex quo
DEO servire cœpi, quomodo difficile
expertus sum meliora in ijs, qui in
Monasterijs spernendo modica cecide-
runt. Quod quantò Religioni, imò
Ecclesiæ insipidum sit, notat Baro-
nius sequentibus verbis: *Nihil infe-*
stius in suis membris Ecclesia patitur,
quam Religiosos à paternis institutis
deficientes: Eatenus Cassiani admi-
niculo fultus sentio expedire pluri-
mum juxta propositum, qnod liberè
quidem electum est, summô studiô,
& diligentia ad operis perfectionem
perve-

pervenire arrepti festinare, & nequaquam à fine olim gutturi svavi discedere perfectionis.

6. Proinde colligenda fragmen-
ta etiarn (quæ nempe forte dicun-
tur quandoquè non obligare) nè
pereant. Utiquè minuta auri haud
permittit pessumire à sua, artifex li-
ma! Et quis jam hæc quibus æterna
promereri possunt negligentia da-
bit! Nullus hoc cum D. Chrysosto-
mo approbat. Enimverò quemad-
modum opes corporis accumulan-
tur, cùm compertum sit illarum, nè
minimum quidem negligere, amato-
res; perinde de spiritualibus divitijs
sentiendum. Nequè stipulatam da-
bit, dicere: hoc non esse præcepti
stricti; illud neutiquam obligare; ali-
ud non esse in usu. Etenim de his
cum Domino disputare, dedecet

Christianum, quidni Religiosos.

7. Tenenda est quoquè firmâ memoriâ & illa D. Legislatoris cautio: Nè per oblivionem aliquid negligatis. Adeoquè quidquid textus canonis, seu Regulæ habet; quidquid est præceptorum DEI; statutorum Majorum, exactè, & inviolabiliter observandum. Et ut verbis Principis Apostolorum (2. Petr. 3. 17. & 18.) loquar, præsentique dictioni finem imponam: *Vos igitur Fratres hæc præscientes custodite: nè insipientium more traducti excidatis à propria firmitate: crescite verò in gratia, & in cognitione Domini nostri, & Salvatoris JESU Christi. Ipsi gloria & nunc, & in diem æternitatis. Amen.*



174

Sermo I. pro Vigilia A- nunciationis Beatissi- mæ Mariæ Virginis.

Missus est Angelus Gabrieł à DEO.
Luc. i. 26.

I. **Q**uorsum hæc legatio cælestis! quorsum fortitudo DEI Gabrieł Angelus mittitur! quid annunciare debet! ad quem mittitur!
Missus est Angelus Gabrieł à DEO. Mittitur de cælo à DEO in terrigenarum lachrymabilem vallem, in civitatem David, Filij DEI Incarnationem; hominis è compedibus peccatorum liberationem, nunciatus. O solatium! O gaudium! quia peccatum suum jam tandem aliquando accipiet finem. *Missus est.* Mittitur hicce Genius cælestis ad Virginem.

nem illam, quæ fuit Virgo corpore,
 & mente; moribus, & verecundia;
 oraculo, & mysterio; ab originali
 labe præservata; ab æterno sinè di-
 spendio claustræ virginalis in Matrem
 DEI electa; ex progenie David
 prognata; Maria nuncupata. Et ne-
 què hicce Nuncius divinus suo mu-
 nere frustratur. Ut enim reponit so-
 boles hæc sanctissima: *Ecce ancilla*
Domini, fiat mihi secundum verbum
tuum, illicò gratiâ repleta Spiritus
S. fætu Divino gravidatur. Exultet
modò Sanctus (ait Leo Papa in Na-
 tali Domini) *quia propinguat ad*
palmam; gaudeat peccator, quia invi-
tatur ad veniam: animetur Gentilis,
quia vocatur ad vitam. DEI namquæ
Filius, secundum plenitudinem tem-
poris, quam divini consilij inscrutabi-
lis altitudo disposuit, reconciliandam

Autho-

*Authoris suo, naturam generis assum-
psit humani, ut inventor mortis dia-
bolus, per ipsam, quam vicerat, vin-
ceretur. Omors, ero mors tua! mor-
sus tuus ero inferne! Non erit, in-
quam, talis mors, quæ non vincere-
tur vitâ æternâ, vitâ, inquam illâ,
quæ de se dicit apud Evangelistam
Joann. II. 25. Ego sum vita: infernus,
cujus fores non reserarentur clavi
David, quæ aperit, & nemo claudit;
claudit, & nemo aperit: Verbum e-
nim æternum Sanctam fæcundat Pa-
rentem. Fiat mihi secundum verbum
tuum.*

2. Pectora in Christo Dilectissima! consensus Mariæ legationi Ga-
briëlis, facit Mariam DEI Matrē,
& inde felix unà nobiscum; felicio-
ribus: etenim si inspirationes divi-
nas, quæ sunt nuncij ad nos cælitùs
missi,

missi, secundūm omnem earum virtutis plenitudinem, & extensionem recipere mus, magnos profectō in perfectione profectus faceremus. Inspirationes namquē divinæ faciunt possessores virtutum, quod plurimū a Religiosis desideratur, uti patebit ex dicendis. A. M. D. G.

3. Non sufficere Virum Religiosum uno, alterovè virtutis splendore eminere, ast omnibus virtutibus debere esse ornatum S. Chrysostomus hom. 10. in Matth. affirmat. Et rectè: Anima enim verò Religiosa est illa sponsa, cui assistendum est Christo Sponso, circumdata varietate Psal. 44. 10. hoc est: non solo debet esse nitida vestita charitatis fulgore; non solo niveo castitatis candore; non solo pulleo paupertatis colore; non solo obedientiæ virore,

M sed,

sed, ut vult D. Amadæus hom. 2.
omni virtutum lapide pretioso, ita,
ut nulla virtutis, nulla meriti gem-
ma, nulla prorsus eximia perfectio-
nis margarita desit ejus ornamento.

4. Atque adeò, ut ex commu-
ni ad particulare faciamus digressum,
operimentum obedientiæ, aliæquæ
qualitates Religiosos, milites dun-
taxat Christi ornantes adsint opor-
tet: præfata enim obedientiæ virtus
D. Legislatore Augustino asseveran-
te sola tenet palmam, quemadmo-
dum sola inobedientia adinvenit o-
lim pænam: securus est obediens de
palma, si gradus à Lacteo Doctore
D. Bernardo præscriptos tenuerit,
videlicet: si libenter, simpliciter,
hilariter, velociter, viriliter, humi-
liter, indefinenter viam mandatorū

DEI

DEI incedit. Fidelis obediens (sensus est laudati Bernardi) ignorat singulas moras, crastinum habet excusum , nescit tarditatem prævenit mandantem, accommodat aures auditui, linguam voci, manus operi, pedes itineri, & sic se totum intra coligit, ut mandato satisfaciat imperantis. Eatenus fugienda omnis resistentia, seu quælibet obedientiæ renitentia. Pestiferum malum, nullus est, quem lateat, illud fore scaturiginem omnium malorum. Adhuc namquæ in Paradiso commissam inobedientiam, omnis generis misericordiarum humano generi impendentium causam fuisse eorum lugemus. Prætereo silentiō particularia inobedientium, aliunde nota, exempla horrenda, ast recommendo timendam esse in Paradiso Religionis, quæ Paradi-

sum amisit cælestem ; atque adeo quemadmodum meritoriam obedientiam ambabus, ut ajunt, ulnis amplectendam, ita perniciosa inobedientiam cane pejus, & angue in gemino fugiendam.

5. Porro ad desideratum culmen perfectionis venit commendandum humilitatis decus. Certè sinè hac vix aliqua virtus sanctitatis documenta præfert, hancquè ad perfectionem Religiosam ita fore necessariam indicavit Magister Christus, ut primus ejusdem Author, Professor, & Doctor esse non erubuerit: dicit enim apud suum Evangelistam Matt. II. 29. *Discite à me quia mitis sum, & humilis corde,* il lamquè ut fundamentum reliquarum virtutum posuit teste D. Chrysostomo hom. 15. super Christi hæc verba

scri-

scribente: Quasi fundamentum quod-dam forte, atquè munitum hanc pri-mam collocavit, siquidem unusquis-que humilitate supposita tutissimè cuncta superponit ædificans: hæc subducta etiamsi ad ipsum usquè cælum conver-sationis sublimitate pervenias, simul omnia subtrahuntur, atquè in finem pessimum relabuntur; nam sive ora-tionem, sive ieunia, sive misericordi-am, sive pudicitiam, sive aliud quid bonorum absq; humilitate congreges, statim cuncta diffluunt. Nihil est in nostris rectefactis, quod absquè ea consistere possit, sed sive temperan-tiam dixeris, sive virginitatem, sive pecuniarum contemptum, sive quid vis tandem, omnia impura, detestan-da, & execranda sunt si animi humi-litas desit, qui verò hoc fundamentum rectè iecerit, in quantum voluerit,

alti-

altitudinem structuræ excitabit. Humilitas enim (addit S. Bonaventura) est omnis nostræ virtutis, & operationis fortificativa, & omnis spiritualis roboris augmentativa, quia ponit omnes virtutes nostras, ac operationes super solidum fundamentum. Ad hanc nos cohortans S. Bernardus in sequentia prorumpit: Dilectissimi perseverate in disciplina, quam suscepistis. & per humilitatem ad sublimitatem ascendatis, quia haec est via, & non alia præter ipsam; qui aliter vadit, cadit potius, quam ascendit, quia sola est humilitas, quæ exaltat, sola, quæ dicit ad vitam.

6. Nequè verò prætermittenda est modestia, sed exteriori quoquè apparentia remonstranda: haec equidem humili cordi stipulatam quemadmodum semel dedit, ita ei sem-

semper assistit; in oculis demissis, in depressis supercilijs, in sermone moderato, in manibus compositis, in incessu simplici, toto demum corpore ad modestiæ leges composito, ita, ut species corporis sit simulacrum mentis, figuraquè probitatis.

7. Adimplenda quoquè venit conditio, nè sicut servi dutaxat sub lege, ut meminit S. Augustinus in Regula, sed sicut liberi sub gratia constituti jurata olim exequamur; adimpleamus. Proin libertas, seu voluntas bona, & obsequi nata, adhibenda; quia hæc valorem, premium, & æstimationem actibus nostris inserit: eatenus contra prudentiam (sensus est Senecæ) agit, qui obsequium, & officium externa solùm facie peragit; etenim DEUS de cordibus non de manibus facta metit,

acce-

acceptatquè cordata vècordia sper-
nens.

8. Revera liberam, & propen-
sam voluntatem in actibus exigit à
nobis Christus, quemadmodum què
illam habuit promptam, dum nos
vocavit, & invitavit, ita illæsam,
quamvis sit absolutus ejusdem Do-
minus conservat, arbitrioquè nostro
relinquit, ut si perfecti esse velimus,
liberè professa promissa adimple-
mus. Hinc evidens signum, & insi-
gnis erit effectus devotionis nostræ,
si liberè, id est, non quia adstricti
mandatis; adacti Regulâ; ligati Con-
stitutionibus, sed promptis animis
servaverimus juratâ legê, custodive-
rimus statuta, æmulatquè fuerimus
charismata meliora, ac si in cumulan-
da perfectione Religiosa adimpleve-
rimus id, quod in construendo tēplo-

Salo-

Salomonis adimpletum fuit. Utique
nulla ibi fuit violentia, imò cautum,
nè malleus, securis, & omne ferra-
mentum audiretur. 3. Reg. 6. 7.
Nulla fuit necessitas brachiorum
robustorum, aut violentiæ fabrilis;
nulla machinarum attractio; nulla
scalprorum incisio, vel tonsio, aut
stridula politio, ast teste Theodore-
to speciali providentia DEI dispo-
situm fuit, quòd reperti fuerint lapi-
des suapte nati, qui absquè ferro, &
sinè omni arte aptè inter se conjun-
gebantur: sic in Religiosa arte ad
construendam vitæ spiritualis fabri-
cam, errigendumyè in nobis tem-
plum vivum DEI viventis conferre
vires nostras debemus, ut absquè
renitentia; repugnantia; contentio-
ne; murmuratione, aliaquè quacun-
què

què demum violentia; ast liberrima expeditaque voluntate singula nostri status; nostræ professionis, nostræque spiritualitatis operemur; per agamus. Quod, ut eveniat, det nobis gratiam ille, qui vivit in æternum. Amen.

Sermo II pro eadem Vigilia.

*Et ingressus Angelus ad eam dixit:
Ave gratia plena Dominus tecum:
Benedicta tu in mulieribus. Luc.
1. 28.*

I. **D**um faustissimum Virginis Mariæ cum Angelo colloquium exhilarat mentem; erigendæ quoque aures ad illam infaustam virginis Evæ cum callido serpente sermoci-

mocinationem. Et verò: uterq; enim
habet quandam similitudinem con-
gressus; ast totô cælō, totô infernō
disparem. Et hīc, & ibi concursus,
utrobiquè discursus inter se discre-
pantes; quia iste generat perditio-
nem, hic gignit salutem. Eva cir-
cumforanea in paradiſo collocata
vix de viro sumpta jam circumcur-
sat: Maria solitaria in templo DEI
posita, desponsata viro, sed non co-
habitans ei, nequè cognoscens vi-
rum, sola in penctrabilibus sedet;
verbum DEI & audit, & custodit.
Et Eva mulier, & Maria mulier, sed
ista rebellis DEO, incurrit maledi-
ctionem, hæc mandatis optempe-
rans supernis non solùm nuncupari,
sed & re ipsa inter mulieres meruit
esse benedicta. Eva in paradiſo vo-
luptatis fructum omnigenum feren-
te po-

te posita marcida; Maria in Domo Nazareth paupercula, florida situata. Eva compita oberrans publici platearum vagabunda depræhensa in plateis civitatatis palliō spoliatur, Maria in secreto reclusa benedictionibus cumulatur. O felix solitudo, quem non beas! O infelix publicum, quem non perdis! O felix solitudo, quomodò non amanda! O infelix publicum qua ratione non vitandū! Vitaberis à nobis Religiosis vel ex illis motivis, quæ subsequo adducam discursu. A. M. D. G.

2. Plurimum vitæ Religiosæ candori detrimenti, & in via perfectionis impedimenti adferre, negotijs publici, ac mundi, qui totus est in maligno positus, Religiosos se immiscere, abundè tum sacrorum voluminum, tum Sanctorum PP.

pagi-

paginae indicant rei hujus momentum. Enimvero quemadmodū Prædictor veritatis, & Doctor Gentium Paulus 2. Timoth. 2. 4. affimat: *Nemo militans DEO implicat se negotijs sacerularibus: ut ei placeat, cui se probavit.* Et teste D. Jacobo cap. I. v. 27. *Religio munda, & immaculata apud DEUM, & Patrem haec est - - - immaculatum se custodire ab hoc seculo.*

3. Revera impossibile dixerimus nos ad perfectionis aditum, nè dicam culmen pertingere, animumquè nostrum illi plenè conjungere, in quo princeps hujus mundi non habet quidquam, quamdiu mundi negotijs, & publici sacerularis desiderijs animi nostri penetralia patuerint vel per rimas quidem. **Quantumcunque enim Religiosus observans sit,**

fit, si attamen negotijs sacerdotalibus, conversationibusque se dedat, & saeculi consuetudinibus irretiatur, in via disciplinæ Regularis, ac monasticæ observantiæ retardabitur, & tepeficit adeò, ut amore cultus Divini, exercitationumque spiritualium extincto, instar frænō carentis ad nihilum aliud, nisi ad excursus, & discursus anhelet.

4. O nostri temporis corruptelam! frequentantur urbes, arces, & castella pro consuetudine; perædes forensium discurritur pro libitu; familiaris, & quotidiana cum exteris conversatio in præmialem urbanitatem exaltata est, negotiorum sacerdotalium tractandorum quæpiam peritia invirtutes monasticas est elevata: dumq; hæc singula titulô, & colore virtutum aguntur, Religiosa solitu-

solitudo patitur; vera sanctitas è cordibus nostris propagatur, Regularis observantia enervatur, ut minimum non sit, cur vestitus vanitas; morum sacerdotalis; verborum proclacitas; mentalium orationum, aliorumque divinorum nausea; votorum juratorum naufragium plerosque corripuere.

5. Neque verò ad rem affluitur, quod à nonnullis amatoribus sacerdotalis publici in medium adferatur, alia duntaxat nunc tempora fore, longeque dissita diversavè ab illis, quæ Religionis nascentis initio floruerè, consequenter accommodativè nunc opus esse, quâ per frequentem cum sacerdoto familiaritatem amicos nobis devincamus, ac in temporalibus proficiamus: non, inquam,

quam, hæc ad rem assruuntur; etenim Dalmata ille purpuratus D. Hieronymus in cap 5 Matth. luculententer inquit: *In promissis veritatis nemo dubitet, sit homo, qui esse debet,* & mox addentur ei omnia, propter quem facta sunt omnia. Et Psalmographus Psal 36. 25 fatetur dicens: *Non vidi iustum décrelictum, nec semen eius querens panem.*

6. Atque adeò hæc non sunt dicta pro primævis illis tantummodo temporibus, ast pro præsentibus quoq; & futuris usquè ad consumationem sæculorum.

7. Quod si verò tam necessarium sit nobis cum sæculo vinculum sodalitatis, quare, amabo, laudatus Paulus Rom. 12. 2. acclamat: *Nolite conformari huic sæculo:* quare Jacobus cap. 4. v. 4. inquit: *Amicicia huius*

buius mundi, inimica est DEI. quare
 ipsa æterna veritas, Doctor, Ductor,
 & Magister noster Christus JESUS
 tam severè comminatur his, qui
 consolationes suas in publico mundi
 venantur, apud suum Evangelistam
 Luc. cap. 6. v. 24. *Væ vobis diviti-
 bus, quia habetis consolationem ve-
 stram.* Ubi alia versio habet: *Væ vo-
 bis, qui habetis consolationem ve-
 stram in hoc mundo.* Dicat quiscul-
 què demum, si fas est, hæc superio-
 ribus solummodo temporibus dicta
 fuisse, & non præsentibus; nisi forte
 dicere velit, sæcula illa prisca ma-
 ligniora modernis fuisse, eorumquæ
 conversationem Religiose Professio-
 ni, seu perfectioni nocivam magis
 fuisse, quam modernorum.

8. Eapropter Dilectissimi à te-
 poralium, & sæcularis publici desi-

N deri-

deriorum societate abstracti delectatione cælestium in interiora rapiamur. Simus imitatores Patrum nostrorum, qui contemptis sæcularibus dies, noctesque in precibus ducebant deprimentes seipso, ut à DEO exaltari mererentur. Tumultus mundi relinquamus, qui mundo mortui per vitæ Monasticæ Professionem cæpimus vivere Christo. Abstrahamus nos à sæculo, & elongemus; fugiamus egressum è Monasterio absque necessitate: sinamus conversari hos, quibus ex officio, vel potius necessitate agere cum sæculo incumbit; nos verò jugibus apud DEUM precibus in penetralibus solitudinis instantes eosdem fulciamus, nè, cum in turbine versari, nostriquè causâ periculum subi-

re co-

re coguntur, corruant. Quod aver-
tat ille, qui suos optimè novit cu-
stodire. Amen.

Sermo III. pro eadem Vigilia.

*Ecce concipies in utero, & paries fi-
lium, & vocabis nomen eius. JE-
SUM. Luc. i. 31.*

i. **Q**uod olim vaticinia Prophetarum prædixerunt; quod Sancti Patres à sæculis exoptaverunt, modò Mysterium Incarnationis Filij DEI jām executioni datur, Beataissima Maria Virgo Verbi Theandrici; Verbi Divini Mater renonciatur; declaratur. *Ecce concipies, &c.* Pater illæ æternus solus in suo sinu Filium suum è propria substantia
N^o 2 gene-

generat in æternitate : atque adeo
Verbum Patrem habet absq[ue] ma-
tre ; Maria sola eundem Filium in
gremio suo ē sua propria substantia
in tempore concipit; sicq[ue] Verbum
in generatione temporali Matrem
habet sinē patre. Pater æternus so-
lus illum ita generat, ut nemo hu-
jus gloriæ habeat partem; ast &
Maria sola illum in modum Filium
suum concipit, ut sponsum habeat
Spiritum Sanctum, qui operam su-
am ad hujus Filij conceptionem
contulit, quin attamen ejus fieret
pater. Pater æternus perfectiones
suas infinitas intuendo generat Fi-
lium suum, & propterea generat
infinitè perfectum, sicut ipse est,
sibique in omnibus æqualem: ē con-
trario, quia Maria hunc ipsum Filiū
in tempore concipit vilitatem, &

nihil.

nihilum suum intuendo: Quia
respexit humilitatem ancillæ sue: Luc.
1. 48. eapropter DEUM concipit
humilem; DEUM omnibus suis ex-
cellentijs limitatum. O DEUS in-
finitæ Majestatis, & bonitatis, quo
tuus erga nos processit amor, ut
saccō mortalitatis nostræ circum-
dareris! O quantum solarium inde
haurimus, cùm te videamus nostræ
substantiæ assumere formam; nostræ
miseriæ socium, & amatorem! Verè
igitur dignum, & justum est, ut nos
quoquè pro possibilitate nostra te
amemus, prouti stimulô erunt di-
cenda. A. M. D. G.

2. Nihil nobis magis inculcare
satagit Sanctus Legislator noster
Augustinus, quam DEI amorem, &
vel ideo suam Regulam ab hoc,
tamquam basi, & fundamento omnis
perfe-

perfectionis orditur dicens: *Ante omnia fratres charissimi diligatur DEUS.* Ante omnia; quia hoc est primum, & maximum mandatum. Matth. 22. 38. Ante omnia; quoniam ipse prior dilexit nos. I. Joann. 4. 19. Ante omnia; quia *DEUS charitas est, & qui manet in charitate in DEO manet.* ibid. v. 16. Cum enimvero juxta Doctoris Angelici doctrinam 22. qu. 184. ar. 1. in Corp. perfectio principaliter consistat in amore DEI, idcirco ad zelum verum primò, & ante omnia; ac ad DEI amorem nos commoneri, stimulari que, ac perpetuo in eo sollicitos redi oportebat.

3 Amare porro DEUM, est velle illi, & procurare omne bonum, quia dignus est propter bonitatem suam infinitam. Quod ipsum experimur in amore amici, quem diligimus:

mus: huic enim non solum per affe-
ctum optamus omne bonum, verum
actu ipso, & effectu etiam quod bo-
ni possumus facimus, & præstamus
secundum illud tritum: probatio di-
lectionis exhibitio est operis.

4. Bonum autem DEI est du-
plex, internum duntaxat, quod DE-
US in se habet, & quô in seipso be-
atus est, omnes videlicet ejus in-
trinsicæ perfectiones. Aliud bonum
est externum, & continet omnia,
quæ ad gloriam DEI promovendā
spectant. Bona, quæ in se ipso DE-
US habet, illi procurare haud vale-
mus, illis enim essentialiter carere
nequit, solum proinde de illis gau-
demus, & actibus complacentiæ in
illis delectamur, qui alioquin amor
affectionis a schola Ascetologiae
appellari consuevit. Et quamvis in
se per-

se perfectior videatur, plusquæ quietis utpote à tumultu remotior, in se contineat, plus tamen congruit statui Beatorum, quam viatorum.

5. Amor itaque viatorum proprius, & ad quem nos adhortatur S. Pater Augustinus, est ille, quod DEO bonum externæ gloriæ procurare velimus, & in eo consistit, ut ex amore priori, quod DEUM diligimus in se ipso, & propter se ipsum, velimus, & moveamur effectivè, & efficaciter ad procurandam ejus gloriam, quatenus bonum quoddam ejus est.

6. Posuit in eo exemplū Christus DEI Filius, qui esto nuspiam à DEI cogitatione, & contemplatione cessaret, indefessò tamen simul divinæ Patris gloriæ studiò ferebatur, hancque verbis, & factis præcura.

curabat. Ego, inquit, honorifico Patrem meum. Joann. 8. 49. & ad id cunctos exhortatur dicens: Sic luceat lux vestra coram hominibus, ut videant opera vestra bona, & glorificant Patrem vestrum, qui in cælis est. Matth. 5. 16.

7. Atque adeò bonum externum, & gloriam ejusdem procurat charitas, & dilectio DEI, in qua perfectio nostra consistit, dum procuramus, ut mandata ejus observentur. *Qui habet mandata mea, & servat ea, ille est, qui diligenter me.* Joann. 14. 21. Quæ verba altius contemplans S. Legislator Augustinus illa ita ad nostrū propositum tr. 75. in Joann. exponit: *Qui habet mandata mea in memoria, & servat ea in vita; qui habet in sermonibus, & servat in operibus; qui habet audiendo, & ser-*
vat

vat faciendo; qui habet faciendo, C
servat perseverando, ipse est, qui di-
ligit me, opere enim est demonstranda
dilectio, nè sit infructuosa nominis ap-
pellatio. Et vero:

8. O quanti illi sunt, qui toties
repetunt: *diligo DEUM*, præcepta
attamen illius minimè curant: non
est hic amor DEI verus, quia cor ta-
lium longè est à DEO. Nos si ve-
rè diligimus DEUM, non diligamus
verbō, nequè lingua, sed opere, C
veritate, i. Joann. 3. 18. maximè cùm
amor DEI viam mandatorum ejus
reddat homini facilem, allevietquè
jugum Christi. Nihil in amore a-
sperum, nihil durum, nihil laborio-
sum ait laudatus Augustinus. Cui
adstipulatur Abbas Claravallensis S.
Bernardus dicens: *Ubi est amor non
est labor, sed sapor in eo, quod ama-*
tur;

tur; aut non laboratur, aut labor a-
matur.

9. Tunc igitur gloria DEI
externa dilatatur, & procuratur,
dum procuramus, ut mandata ejus
observentur, & hæc est Charitas
DEI, ut mandata eius custodiamus.

i. Joann. 5. 3. In hac charitate quan-
tò plus progredimur, seu quo magis
mandata ejus custodimus, ejus-
què placitum in omnibus implemus,
tantò amplius bonum DEI externū
procuramus in nobis, tantoquè plus
perfecti reddimur: qui enim servat
verbum eius, verè in hoc charitas
DEI perfecta est. i. Joann. 2. 5.

O Domine! da ut amor noster
erga te ita ferveat hic temporaliter,
quod etiam non refrigeraret
æviternè. Amen.

Sermo

Sermo I. pro Vigilia Vi-
sitationis Beatissimæ
Virginis Mariæ.

*Exurgens Maria abiit in montana
cum festinatione. Luc. i. 39.*

I. Posteaquam cælestis illa Ange-
lorum Regina montana pe-
tijset cum festinatione, & suum ho-
magium Elisabeth reddidisset, audi-
vissetque ab ore ejus inaudita laudū
præconia, illicò humillima, & gra-
tissima Virgo in laudes DEI pro-
rupit dicens: *Magnificat anima mea
Dominum.* Luc. i. 47. Magnus ille
agnoscitur Citharædus suâ citharâ
dulciter canens, & dæmones pro-
fligans harmoniaca virtute: nota
quidem singulis edifferitur figura,

Davi-

Davide in cithara personante, Sau-
lis obfessum animum princeps tene-
brarum deferebat. Procertò mira-
res, Zabulus musicâ fugatur, & qui
secundùm Husæum Vatem Job. 41.
18. sagitas habet admodum paleas,
& lapides fundæ tamquam stipulas
spernit. Ad citharae sonitum tremen-
factus recedit, & qui nulli vî cedit,
harmoniâ colligatur. Claudit pro-
certò cithara illa symbolum. Figura
illa erat, hic veritate redundat: hic
completur, impletur vè, quod ibi si-
gurabatur. Isto canticô expellitur
dæmon, Præcursor sanctificatur, pu-
er exultat, mater prophetat. Isto,
isto canticô modò cum devotè ca-
nitur crediderim meritò dæmones
pessimos effugari. Hinc meritò à
cunctis fidelibus hoc canticum ma-
xime celebratur, & summa recoli-
tur

tur devotione. Eatenus Dilectissimi
mi! exurgamus & nos cum Maria,
& ascendamus in montana cum fe-
stinatione, ut digni inveniamur occi-
nere melos, quemadmodum illa
cantavit. Ast quæ anima jacet in
cæno vitiorum quomodò festinabit
quibus quidem eradicandis quoniam
plurimum obssistat non recta ordina-
tio propensionum naturalium, hinc
porrigam methodum illarum bene
regendarum, & moderandarum di-
cendi. A. M. D. G.

2. Propensiones naturales ex
temperamento procedentes qualita-
tum non quidem eradicari, atta-
men regi, bene dirigi, & ad bonum
applicari possunt, & debent; eapro-
pter minus prudenter quispiam alle-
garet, haud posse contra, talem se
habere naturam, ejusmodi præditum
se tem-

se temperamentō, quod suas quoquē patiatur verucas. Enimverò quamvis absquē propria nota hujuscemodi naturam, talequē temperamentum sortitus sit, haud tamen laudabile censetur, imò culparum omnium causa à schola Ascetarum asseritur, naturæ habenas laxare, propensiones, in fræno non tenere, & ad obsequendum rationi, & gratiæ non adigere; equidem temperamentum indifferenter se habet tam ad bonū, quam ad malum, hinc ad virtutem non ad vitium dirigendum, soliquē, & unicæ nostræ perversitati adscribendum, dum illud concredimus malo.

3. Quod si verò sciri desideratur quod pactō unusquisquē temperamentō suō (cujuscunquē demum illud generis sit) ad bonum uti, &
ad vir-

ad virtutem qualiter illud debeat applicare, accommodarevè sit obli-
gatus! aperio, quod sentio, arcanum pando. Et quidem; præprimis, ut temperamentum, seu propensio ex temperamento originem ducens ad illam virtutem inclinetur, & aplice-
tur, quæ huic temperamento maxi-
mè consentanea, conveniens, & ac-
commodata est: deinde, ut tempe-
ramentum ejusquè propensio violen-
ter abstrahatur ab illo vitio, in quod immediate propendet, & inclinat.
Atque adeò melancholicus, & atraz-
bilis haud studere debet, ut sua
melancholiæ frangat penitus vires,
hoc namquè foret corvum lavare,
sed, ut illam ab illo vitio abstrahat,
in quod propendet, & ad virtutem applicet, quæ melancholiæ maximè
conveniens esse censetur. Inde est,
quod

quod plurimum sibi caveat oportet,
nè minus ordinata quapiam sacerdotali,
seu mundana tristitia animo dejecta-
tur, aut aliqua pusillanimitate obru-
atur; in ejusmodi siquidem vitium
atrabilis vel maximè propendet a se
necessè, internæ animi recollectioni,
& compunctioni satius studeat, re-
rumque cœlestium meditationibus
vacet, quia huic virtutum exercita-
tioni melancholicum temperamen-
tum adeò consonat, & deservit, ut
non alteri magis.

4. Pari modo Cholericus at-
tendere debet, ut retrahat, cohibe-
atque se ab omni effervescentia ad-
versus proximum suum, in quam
cholera vitiosè tendit, immò potius
calore suo feratur zelo gloriæ divinæ
promovendæ, divinisque obsequijs,
ut illa debito cum fervore, ardore

Oobeat,

cbeat, & alacritate, huic namquæ virtuti ignis cholerae per optimè famulatur.

5. Sanguineus illas, velim, observet leges, quibus necesse habet omni cura, & industria evitare dissolutionem, suè in res vanas diffusionem, quâ sua complexio fertur, quin imò totum suum contentum, gaudium, & solatium in DEO, qui est lætitia ineffabilis, rebusquè cælestibus, quæ omnem exuperant sensum, collocet, & reponat.

6. Phlegmaticus item omnis, & conatu allaboret, ut otium, & accediam fugiat, quâ maximè impugnatur, seque patientiâ, humili de se sentire, cui apprimè phlegmaticus humor consonat, muniat, & armet.

7. Gnavi quoquè, & vivacis genij,

amque
mè fa-
m, ob-
habet
are dis-
as dis-
fertur,
entum,
O, qui
uè cæ-
nt sen-
omni
otium,
mè im-
humili
gmati-
& ar-
iyacis
nij,

genij, utatur hōc suō geniō non qui-
dem ad vanitatem, & crepundia
mundana, ast ad operum virtuosos-
rum executionem. Ille verò, qui
facilis, & flexibilis est complexionis,
caveat nè se malorum ingerat soci-
etati, quorum principijs ad illa, quæ
vetant præcepta divina, perduca-
tur, sed illorum, qui probatæ cen-
sentur esse virtutis utatur familia-
ritate, eorum què placita arripiat,
ijsquè obsecundet, utpote ad virtu-
tis exercitium aptis, & natis. Ani-
mo autem duriori, vellem, duritis
uteretur ad perseverantium in pro-
positis constantem, neutiquam au-
tem ad obfirmandam in malo obsti-
nationem. Idem de reliquis formari
potest discursus; equidem nullum
phlegma datur, quō ad aliquid ad-
minus virtutis exercitium uti haud

O 2 que-

queamus, dummodo illud à vitio,
in quod propendet cohibeatur, fræ-
netur.

8. Assumamus igitur Dilectissimi
velut galeam omnimodam no-
strorum ipsorum dissidentiam, ut amur
admodum gladij assidua, & serven-
te oratione, sicquè his armis præ-
muniti animo generoso aggrediamur
propensiones, quas ex nostro tem-
peramento habemus in vitium no-
bis familiare, & mediante examine
particulari sedule, & constanter pro-
lequendo, sensim, & sensim abstine-
amus, & subducamus nos ab actibus
vitiosis, in quos, & quales præfatae
propendent propensiones, paulatim
que, & gradatim aspergimus exerci-
tationi illius virtutis, cui respondent
dictæ propensiones; fidem unicuique
facio, si in hoc examine servens, &

con-

constans fuerit, breve post tempus
propensionem suam in ordine ad vi-
tium adeò confringeret, & suæ subju-
gabit potestari, quod in futurum ad
nutum virtutis in linea sit famulam
adepturus. Quod, ut eveniat, ani-
mitus exopto. Amen.

Sermo II. pro eadem Vigilia.

Abiit in montana. Luc. i. 39.

UT primùm conceptam semper
in virtutibus exurgentem, &
ad culmina gratiarum abeuntem,
montes ingentium conscendentem
meritorum fuisse Beatissimam DEI
Genitricem, qui rectè credit, nullus
hucusquè dubitavit. Nunc attamen
specialiter exurgit, montana conscen-
dit

dit charitatis proximi motivō stimu-
lata. Charitas fecit illam exurgere,
charitas impulit ad ambulandum;
charitas deduxit in civitatem Juda-
ad domum Zachariæ; charitas vo-
cem salutationis in aures Elizabeth
expressit, & infantem in utero fecit
exultare Joannem. Zelus divina
gloriæ, quæ ex sanctificatione Joan-
nis debebat provenire effecit, ut
nulli parceret labori, imò cum festi-
natione quasi curreret ad opus cha-
ritatis Joanni per peccatum origi-
nale gravato exhibendum. Succu-
rit Joanni, affert recens pistum pa-
nem, panem vitæ calidum, panem
vitæ, & intellectus. Quo pane Jo-
anni venit vita gratiæ, ut à morte
peccati originalis absolutus signa vi-
tæ ederet lœtando, innovaret natu-
ram propter eum, qui est innovatur
rus ea,

rus ea, quæ sunt super naturam. Intellectus quoquè venit ei teste S. Ambrosio in c. i. Luc. *Habebat intelligendi sensum, qui exultandi habebat affectum.* Atque adeò Mater Sanctissima Verbi Patris æterni, Johanni suam non negavit charitatem, quô pactô ostendit, ut & nos illam proximo nostro non negemus. Non negabimus, si vel illa altius perpendimus, quæ adducam dicendis.
A. M. D. G.

2. In persona proximi nostri Christum debemus intueri. Dicit enim ille apud suum Evangelistam Matth. 25 42. *Quamdiu fecistis uni ex fratribus meis minimis, mihi fecistis.* Is latet in hoc paupere, in hoc misero, in hoc inimico, qui tam atrocis cordi inflxit vulnus; qui toties derisit, subsanavit, calumniavit, im-

prope-

properavit, ad iracundiam provo-
cavit. In his non minus verè est,
quamquam modò penitus diversò,
quàm in Sanctissima Eucharistia;
cùm utrumquè verbô DEI æqualiter
nitatur. Si vilitas, si miseria hujus
illiusvè pauperis; si minus culti, ur-
banique hujus, illiusvè fratris mores
pariunt quandam averositatem, Ma-
jestas Christi, quæ hos incolit, re-
verentiam imprimat, & charita-
tem inspiret, oportet. Si injustitia,
& crudelitas hujus inimici excitat
bilem, benignitas, & mansuetudo
Christi, qui in hoc inimico degit,
iracundiam comprimat, animum
mitiget. Nè putetis (inquit Sanctus
Augustinus trac. super Psalmos)
gratis esse malos in hoc mundo, **O**n-
ihil boni de illis agere DEUM. Omnis
malus

malus aut ideo vivit, ut corrigatur,
aut ideo vivit, ut bonus per illum e-
xerceatur.

3. Et pergit ulterius S. Legis-
lator dicens: Utinā ergo qui nos modò
exercent, convertantur, & nobiscum
exerceantur: tamen quam diu ita
sunt, ut exerceant non eos oderimus:
quia in eo, quod malus est quis eorum
utrum usquè in finem perseveraturus
sit, ignoramus. Et plerumque cùm
tibi videris odiſſe iniſicū, fratrem
odisti, & nescis. Diabolus, & angeli
eius in ſcripturis ſanctis manifestati
ſunt nobis, quòd ad ignem aeternum
ſint destinati. Iſorum tantum deſpe-
randa eſt correclio, contra quos habe-
mus occultam luctam, ad quam nos lu-
ctam armat. Apostolus dicens: Non
eſt nobis collectatio aduersus carnem,
& ſanguinem: id eſt, non aduersus
homini-

homines, quos videtis, sed adversus principes, & potestates, & rectores mundi, tenebrarum harum.

4. Revera qui proximum, qui fratrem offendit DEUM ipsum offendisse sciat, necesse. Etenim, ait apud suum Prophetam (Zachar. 2. 8.) *Qui tangit vos, tangit pupillam oculi mei.* Itaque supremæ Majestati illi neutiquam sufficit afferere ab eo, qui fratrem egit in offensam, dicere: DEO ipsi injuriam irrogavi, ast superaddit in ipsa quoquè oculi læsi pupilla, hoc est, in tenerrima parte, & impatientissima doloris. Revera non mediocre vulnus est, quod oculi infligitur pupillæ; quodlibet vulnus maximum, nec levis momenti illi assert dolorem. Ita amor ille quò Christus in suos ducitur fratres, facit, ut quodvis malum, quò tan-

gun-

guntur, non ut malum duntaxat, ast,
ut maximum consideret malum, quô
magis moveri videatur, quam eô,
quod sibimetipsi obtingit.

5. O si in persona proximi no-
stri ipse Christus quampiam gratiam
à nobis postularet, si obsequium quod-
dam exigeret sibi exhiberi! utique
nullus foret, qui id ei denegaret, imò
se nimis honoratum, & felicem re-
putaret, omniumquè gratiarum ma-
ximam censeret, habere occasionē,
& commoditatēm gratū quid Chri-
sto præstandi! Jam autem, si obsequi-
um quodpiam proximo nostro Chri-
sti amore præstamus tam securi su-
mus nos id obsequij Christo præ-
stare, ac esse possumus, si id ipsius
Christi præstemus personæ. Soli
sensus nostri, qui fallere nos possunt,
in hocce rerum statu hujus nos red-
derent

derent securos: fides verò, quæ imponere nobis non potest, id nobis pollicetur in occasionibus, quæ nobis quotidie suppetunt abundè, charitatem erga proximum nostrum exercendi. Fateatur igitur modò quilibet, charitatem sibi minimè esse, nisi quia fidem non habet. Heu! cui fides deest, & charitas, quis nisl ethnicus, & reprobus est!

6. Quapropter Dilectissimi assyescamus sequi consilium Apostoli, vel potius præceptum Servatoris, quod mandat Christum intueni in proximo nostro; tum difficile nobis non accidet ei facere bene, sed longè diffcilius ei malum inferre. Quam gratiam det nobis, qui etiam pro inimicis oravit: *Pater ignoscere illis. Amen.*

Sermo

Sermo III. pro eadem Vigilia.

*Exurgens Maria abiit in montana cù
festinatione. Luc. 1. 39.*

HAUD dubiè instinctum habuit Sanctissima DEI Parens, & Verbi in se incarnati, & Spiritus Sancti, qui in eam supervenerat, montana descendere, Elizabetham visitare, Joannem salutare. Huic inspirationi promptissimâ obedientiâ morem gessit, nequè dignitatem maternitatis Divinæ in se respiciens submissa humilitate ad inferiores se progressa est. Haud valebat ferre humiliis Filij DEI præsentiam, humiliis Matris DEI, ancillæ Domini vocem superbus hostis possessor Joannis; haud quiverat ille, qui effutivit:

vit: *Ascendam*, Isai. 14. 14. descentum
 Deiparæ ad hancce demissam
 visitationem, & salutationem suffer-
 re, ast è vestigio, ut facta est vox
 salutationis Mariæ in auribus Matris
 infantis Joannis, illicò evasit, ex-
 cessit, foras erupit inimicus: unde
 Joannes mox exultavit pondere pec-
 cati, & compedibus sathanæ libera-
 tus. Atque adeò Maria DEI Mater,
 Regina cæli, Domina mundi, humiliat
 se ad matrem hominis, ad ancil-
 lam, servam, & subditum, nobis
 præbens exemplum, ut nostram su-
 perbiā humilitatis virtute vincā-
 mus, frangamus, supprimamus vel
 illis, quæ subsequō adducam discur-
 su. A. M. D. G.

2. DEUM fore omnia, & nos
 non esse nisi purum nihil; DEUM
 possidere omnia, & nos nihil habere

præter

præter miseriam, & paupertatem;
 DEUM posse omnia, & nos posse
 nihil excepto peccare, nosquè per-
 dere, luce meridiana clariùs patet.
 Nos nihil sumus de nobis ipsis, ast
 per humilitatem nos deprimendo e-
 levamus nos ad DEUM, unimus
 nos DEO, & inde evadimus magni.
 Fateri cogimur nihil nos possidere
 ex nobis ipsis, ast per humilitatem
 unimus nos DEO, ipsequè se nobis
 impertit & omnium bonorum nos
 participes reddit, sicquè ditescimus,
 & omnia possidemus. Nos nihil pos-
 sumus à nobis ipsis, ast humilitas,
 quâ nos elevamus ad DEUM, Di-
 vinæ potentiae participes nos facit,
 ut potentes evadamus, & omnia pos-
 sumus juxta illud Doctoris Gentiū
 Philipp. 4. 13. effatum: *Omnia pos-
 sum in eo, qui me confortat.* O nihi-
 lum

lum glorioſum! O dives paupertas!
 O felix impotentia, quam in nobis
 humilitas gignit, quæ cunctarum ne-
 cessitatium nostrarum ſuplet deſſectū,
 & cum qua omnia nobis pariter ve-
 niunt bona, & innumerabilis hone-
 ſtas per manus illius nobis accerſi-
 tur.

3. Fateor: cum humilitate vi-
 tia, & peccata ceſſant eſſe pernicio-
 ſa, aſt ſine humilitate virtutes, &
 bona opera evadunt periculosa, imo
 & perniciosa fieri poſſunt. En! vide-
 amus: Publicanus miſer eſt, & ma-
 gnus peccator, aſt humiliſ eſt adeò,
 ut oculos in cælum levare, & ad
 altare accedere reformidet, atque
 cauſam ob illam ſanctus evadit, &
 ipſiusmet DEI elogio dignatur. Pha-
 risaeus virtutes ſuas effert ad aſtra,
 cuncta ſua bona opera publicam

pro-

protrahit in lucem: si prius justus
 fuerat, ubi superbit, peccator eva-
 dit, dumquè sibi applaudit, à DEO
 judece æquissimo reprobatur, da-
 mnatur. Quanta non est humilitatis
 potentia! E scelerato efficit sanctū.
 Quantum non est veneni superbiæ!
 Ex justo magnum in momento effi-
 cit peccatorem. *Duo homines ascen-*
derunt in templum, ut orarent: unus
Phariseus, & alter publicanus. Pha-
riseus stans, hæc apud se orabat: DE-
US gratias ago tibi, quia non sum
sicut ceteri hominum: raptiores, iniu-
sti, adulteri: velut etiam hic publica-
nus. Jejuno bis in Sabatho, decimas
do omnium, quæ possideo. Et publi-
canus à longè stans nolebat nec ocu-
los ad cælum levare: sed percutiebat
pectus suum dicens: DEUS propitius
esto mihi peccatori. Dico vobis de-

scendit hic iustificatus in domum suā
ab illo: quia omnis, qui se humiliat
exaltabitur, & qui se exaltat humili-
abitur. Luc. 18. 10. & sequ.

4. O si penitulatiū inspicere
vellemus! O si diligentiū nobis in
memoriam revocaremus! Certe in-
veniremus nos magnopere DÉO
obstrictos fore, vel ex eo, quod sa-
lutem nostram ex humilitate nostra
pendere voluerit, & non ē nostra e-
xaltatione. Et quemadmodum non
omnes ascendere, sequē evehere
possunt, ita nemo est, qui descendere,
& se deprimere non posset. Non o-
mnes grandia pro DÉO præstare,
nec grande quid ad ejus gloriam
audere valent, ast nullus est, qui se
deprimere haud possit. O quām co-
piosus est numerus eorum, qui emi-
nens quodpiam orationis donum
habe.

habere haud valent! Sed nullus est,
 qui se in oratione demittere, & hoc
 pactō multūm præstare non possit,
 quamquam in oratione nihil præsta-
 re, exhiberequè censeatur, & vide-
 atur. Nemo semper potest omnia
 bona, quæ vult, agere, ast proficuū
 sibi reddere potest statum suum, &
 ob eundem coram supraem illa Ma-
 jestate submissē se gerendo, bonum
 illud, quod non agit, supplere. Non
 potest semper orare, semper jejuna-
 re, semper plorare, continuas vigi-
 lias, vel saltēm frequentes ducere,
 ast humiliare se semper potest, &
 valet. O humilitatis virtus inæsti-
 mabilis margarita! via brevis, facilis,
 secura attamen, & tuta, modico
 sumptu ad magnam sanctitatis, &
 perfectionis felicitatem perveniendi,
 pertingendivè.

5. Eatenuis Dilectissimi! quandoquidem humilitas via brevis est,
 & lecra ad sanctitatem perveniendo, statuamus ab hinc eam ingredi,
 & petamus à DEO, cùm ipsemet
 in ea præcesserit, ut nobis gratias, ex
 suo inexhausto thesauro largiatur,
 quibus nobis opus est ad illum se-
 quendum. Amen.

Sermo I. pro Vigilia Assumptionis Beatissimæ Mariæ Virginis.

Porro unum est necessariorum. Maria optimam partem elegit, quæ non auferetur ab ea. Luc. 10. 42.

I. **A**ssumptionem Virginis Sacra-
 tissimæ Mariæ in illa supernæ
 Jeru-

Jerusalem tabernacula, consummati-
onem fore illius sanctitatis merito
dixerim. Et verò: utique cælestis
Genius illam à tempore Mysterij
Annunciationis nominat, vocatque
gratiâ plenam! Quanta igitur fuit
plenitudo hujus gratiæ in momento
mortis ipsius! Maria à primo con-
ceptionis momento sublimior in grâ-
tia, ardenter in charitate fuit, quam
Seraphini, quanta ergo fuit gratia,
quanta charitas in ultimo ipsius pun-
cto! DEUS ipse, qui tot gratijs e-
am cumulabat, earum optimè scit
mensuram. Enim yero qualia fuere
incrementa hujus gratiæ per totum
eius vitæ tractum, qui ad duos, &
septuaginta, ut aliqui volunt, se ex-
tendit annos! ad quem charitatis
cumulum in morte non pertigit illa,
quæ gratiæ, tanta fidelitate respon-
dit,

dit, quantâ pura alia creatura haud capax est respondendo! adeò, ut singulis momentis gratiâ non solum cresceret, sed etiam geminaretur. Charitatem hujus cælestis Reginæ dicere audeo tam perfectam in mortis articulo fuisse, ut omnium Sanctorum conjunctim supergressa sit charitatem, eamquè non tam mortuam fuisse ob naturæ defectionem, quam ob vim amoris. Justi moriuntur in amore DEI, Martyres pro amore DEI, ad Mariam pertinet mori vehementiæ amoris DEI ergo. Verè præclarum exemplum! Quôfulti, ut nos accuratiùs exerceamus in eodem, adminiculô erunt dicenda. A. M. D. G.

2. Amor non tantum amantiū corda unire, in unum conflare; ast unum quodammodo alterum se efficiere

cere conservavit: amans enim verò vult, ut in amatum transformetur.
Si terram amaveris (inquit D. Legislator noster Augustinus In canon. Joann.) *fies terra; si dilexeris cælum, cælum eris; si DEUM, audeo dicere, DEUS quoquè fies.* Imò id ipsum Domini Propheta Ose. 9 10. insinuavit dicens: *Facti sunt abominabiles, sicut ea, quæ dilexerunt: tamquam vellet dicere: quòd mutetur amans in objectum amoris.* Hanc ob causam Aristoteli, amicus dicitur alter ego. Marsilius Ficinus in comment. ad Platon. dicit, amorem fore speculum amici, in quo sui imaginem, atquè veram effigiem queat speculari: & si amor reciprocus sit, reciprocum quoquè ejus effectum. Videndum igitur in quem scopum
cordis

cordis nostri desideria tendant; si enim ea in DEUM ferantur, DEO conjungemur, & Divinæ efficiemur participes naturæ. Quô sanè nihil dignius, nihil excellentius excogitari potest. Quantæ, quæso, nobilitatis, quantæ dignitatis est, DEO uniri! Qui autem adhæret Domino unus spiritus est. 1. Cor. 6. 17.

3. Nequè verò unio hæc ac transformatio, est naturalis, ast supernaturalis; non enim mutatur natura unius rei in aliam, sed mutantur corda, affectus, desideria, & tota vita. Ita mater (teste Lud. Gran. de perfectione amoris DEI c. 1.) quæ impensè filium diligit, sui quodammodo oblita, id agit, quod noverit utile filio suo; flet cum flente, arridet ridenti, infirmo confirmatur, omnisquè ejus cura, & cogitatio in illo,

illo, & pro illo est: adeò quidem, ut quemadmodum umbra corporis imitatur omne id, quod facit corpus, & sequitur ejus motus, atque figuræ; sic quoquè si videre nobis fas daretur duo illa corda, cerneremus quale unum est, tale alterum quoquè fore, accidentiaq; & motus, quæ in uno mutantur, in altero etiam mutari. Anima ergo, quæ taliter in DEUM amore fertur, transformatur in illum, ita, ut quidquid ille vult, & ipsa velit; & quidquid displicet DEO, animæ quoquè displiceat: quidquid ille amat, vel odit, idem & illa amet, & oderit; nec rationem habet sui, ast solius DEI, ejusdemquè gloriæ promovendæ. Atque adeò in omnibus, & per omnia, est ipsi, DEO

Velle duobus idem, nolle duobus idē.

4. Mutata porro voluntate propria in voluntatem DEI, illico mutatur & vita, singulaquæ opera, quæ ab illa procedunt. Ut namquæ cùm resecatur ab arbore ramus, & surculus illi inseritur, fructus, qui in illo surculo nascuntur, non jam amplius sunt naturæ illius resecati rami, ast surculi inserti: ita abscissa voluntate hominis, & illâ DEI insertâ, fructus verborum, operum, & cogitationum, quæ ab illa derivantur, non sapiunt jam ultra voluntatem hominis antiquam, ast DEI recentem, novamvè. Atque adeò quisquis avet cognoscere an cor suum unitum cordi Dilecti, cuius deliciæ sunt, esse cùm filijs hominum, videat an amore in ea feratur, in quæ ille fertur; oderit, quæ illi sunt adversæ; & in singulis ejus consentiat voluntati.

5. Quia

5. Quia verò unio esse haud possit præterquam inter res, quæ habent quamdam adinvicem similitudinem (ut bene observat Lud. Gran. de perfect. amoris DEI c. 10) (nequè etenim aqua potest uniri igni, aut oleo, nequè ferrum cretæ, eò, quòd hæc dissimilia sint) hinc cor DEO uniendum habeat quampiam similitudinem illius necesse, quæ quo major erit, eò etiam perfectior conjunctio erit cum DEO.

6. Trinam autem proprietatē in DEO observat Plotinus Philosophus, quas homo habere debet, si uniri desiderat DEO. Enim verò DEUS est unus, & summus, & bonus. Adeoque, inquit, qui uniri vult bono, eique similis effici, debet abstinere ab omnibus malis; qui summo, ab omnibus inferioribus;

qui

qui uni, à multis. Quō locō paucis
verbis tres gradus tradit ad dictam
necessarios unionem. Primus, & sum-
mè necessarius est, abstinere ab o-
mnibus rebus malis: hoc est, ab o-
mnibus peccatis. Secundus, & per-
fectior est, abstinere ab omnibus re-
bus inferioribus, vilibus, & abjectis,
tamen si malæ non sint: ut vacare
negotijs sacerdotalibus, contractibus,
commercijsquè &c. quamvis enim
hæc illicita non sint, tamen exerci-
tium horum vile, & abjectum, &
servo DEI indignum, nisi forte aut
obedientia, aut charitas aliud postu-
lent. Tertius est perfectissimus ab-
stinere à multitudine occupationum,
quamvis nec malæ sint, nec viles;
sed bonæ, dummodò sunt superflua,.
hoc est, quando occupationes plu-
res sunt, & graviores, quàm ut de-
bili-

bilitas corporis nostri valeat ferre.

7. Eatenus Dilectissimi! Velimus DEO uniri bonoſ declinemus à malo. Velimus conjungi summoſ quæ ſurſum fūt quæramus, ſapia-
mus, non quæ ſuper terram. Veli-
mus adhærre unicoſ nolimus erga
plurima turbari neq; in multis ſint
actus nostri, aſt unum petamus, unū
requiramus, uni intendamus, qui no-
bis intendit unicus Dilectus cordis
noſtri, ut illi unusquisque noſtrum
cum Sponsa illa cæleſti Cant. 2. 10.
dicere poſſit: *Dilectus meus mibi,*
& ego illi. Et rurſus: *Ego Da do*
meo (ibid. 7. 10.) *& ad me conver-*
fio eius. Quod, ut eveniat, cordi-
citus opto. Amen.



Sermo

Sermo II pro eadem Vigilia.

Maria optimam partem elegit. Luc.

io. 42.

Nullus intellectus concipere,
nulla lingua edicere valet,
quantò gaudiō perfusa sit Mater il-
la Divina primo intuitu inaccessi-
bilis claritatis divinæ, in qua velut
in speculo lucidissimo cognovit æ-
ternum DЕI erga seipsum amorem,
æternamquè sui in Matrem Verbi
electionem. O quantum illud gau-
dium fuit, quod habuit ex dulcissi-
ma salutatione Filij sui! ex prædulci
osculo SS. Trinitatis! ex plenitu-
dine amoris, quô, inquantum possi-
ble est creaturæ capere, anima ejus
impleta, corquè liquefactum in tan-
tum

tum, ut Sanctorum multitudo ex
ejus ardore, novo quodam incandu-
erit fervore! ex splendore divino
totum corpus ejus penetrante, &
illustrante, ita, ut cælum à gloria
ejus illustraretur, & illustretur! Glo-
ria Mariæ respondit, respondetquè
ipsius humilitati. Decebat, ut ea
supra omnes creaturas eveharetur,
quæ humillima erat inter omnes.
Hæc æquè, ac Filius suus dici potest
ad tam sublimem gloriam ascendis-
se, quia in tantam se demiserat pro-
funditatem. O profunditas quantæ
sublimitatis es fundamentum! O de-
missio in quam sublime fastigium e-
vehis te diligentes. O despicientia
sui, quantum mereris exaltari! Utí-
nam possideas corda, & intelligen-
tias nostras, ut te toto corde adame-
mus vel hâc methodô, quam ulte-
riori

riori adducam discursu. A.M.D.G.

2. Qui gloriæ cupiditate flagrat, solidam, veramquè gloriā quærat est necesse. Ast ubinam veram, & solidam inveniet, nisi in despiciētia sui, contemptu, & depressione. Nequè vero majus quid inveniri potest ac gloria DEI, cùm sit bonum infinitum quodammodo; bonum divinum: & quemadmodum hoc, ita majus quid, nobisquè gloriōsius haud potest excogitari, quam eam promovere. Exemplum Servatoris nostri id nobis ostendit, humilitate, suique contemptu, & despiciētia haud fore medium efficacius ad illam comparandam. Et vero: Nonnè ille Patris sui gloriā tunc vel maximè manifestavit, quū fuit contemptus, & despectus, tunc duntaxat, dum cælestes illi genij

cho-

choros, melosquè duxere: *Gloria in altissimis DEO.* Luc. 2. 14. Tunc, cum Pater æternus ostendit Filium suum, æternæ scopum fore oblectationis. *Hic est Filius meus dilectus, in quo mihi complacui.* Matth. 3. 17.

3. Nec dicat quis, velim, unquam nos sublimiores, & gloriofiores, ac tunc, dum proprius accedimus ad originem gloriæ, & sublimitatis. Ergo nè Christus Homo-DEUS veræ gloriæ, & sublimitatis non est origo, fons, & scaturigo! An igitur unquam sublimiores, & gloriofiores sumus, quam ubi proprius accedimus ad ipsum! Atque adeò propiores ad ipsum haud quampiam vice accedimus, quam ubi humiles, & humilitatis gratiâ nostri despicientiam amamus.

4. Quòd si verò perfecti, uti

Q status

Status nostræ Professionis, & Vocationis id à nobis postulat, si sanctitatis, & innocentiae stollâ superinduit exoptamus, humiles simus, oportet & tunc sanè nostri contemptum, & despiciētiā adeò dilexerimus, quod melius unquam. Jam verò sanctitas, & perfectio nostra in similitudine cum Christo, & in cordis, animique cum ipso conformatiōne consistit. Hinc simul & Christiani, minus Religiosi esse valemus, & hac de re dubio quōpiam teneri. Nequè hanc cum ipso conformatiōnem possimus habere, si non amamus, si non æstimamus, si non magnificimus, si non amplectimur, quod ille amavit, æstimavit, magnificit, & amplexus est, nempe humiliationem, despiciētiā, & contemptum. Utique illius tota quanta vita non fuit, præterquam perpe-

perpetuum exercitium humilitatis;
 præterquam continua series depressionis. An ergo ei similes, perfecti-
 què esse possumus, si eum hac in li-
 nea non imitamur? Etenim si nostri
 despiciēntia perfectionis nostræ est
 basis, & fundamentum, tunc amor
 Christi meritò est culmen ejusdem.
 Et nequè melius amorem nostrum
 ei valemus testificari, quām si ejus
 amore, reclamante quamvis naturæ
 genio singulos, qui nobis obveniunt,
 patienter sufferamus contemptus,
 convitia, improperia, contumelias,
 subsanationes.

5. Fateor, quod sentio, vitam
 nostram, nihil præter pacem, redde-
 re beatam: pacem verò nullò tu-
 tiùs, quām depressionum, despicien-
 tiarumvè posse conciliari amore.
 Anima enim, cui apprimè est despi-

Q2 cien-

cientia sui ipsius, mira semper perfruitur tranquillitate. Et nequè est aliud quidpiam, quod nostram perturbet pacē, quām aestimatio, quām alij de nobis præferunt, parva. Quòd si verò nostri despicientiam amamus haudquaquam valemus cōmoveri, turbari què, dum habemus, quod prolequimur amore. Revera id, quod non rarò nobis molestiam parere consuevit, est contemptus. Ast dum nobis respecti sumus, occasiōni haud parcimus, ut contemptorem non inveniamus, quo cum rixemur.

6. Quare Dilectissimi! peramus à Christo Domino per ipsius humilitatem, & contemptum, ut gratias nobis largiatur ad se sequendum, & imitandum, & nostri despicientiam saltem cum patientia toleran-

lerandam; si tantum animi non habemus, ut eam amemus. Attamen allaboremus quoquè, ut eam super aurum, & topazion diligamus, & merebimur respici æviternè. Amen.

Sermo III. pro eadem Vigilia.

Maria optimam partem elegit. Luc.

10. 42.

I. **Q**uòd Mater DEI Beatissima Maria Virgo hodie cælum ascendit, quòd ad dexteram Filij sui sit collocata, ut hominum in se susciperet patrocinium, factum fore ambiguitate caret. Verebaris (sensus est Bernardi) ad Patrem accedere: dedit tibi Filium suum mediatorē; sed forsitan etiam Filij Majestas,

jestas, quia DEUS est, te terret,
dedit Matrem suam post Filium,
mediatrixem: accede igitur con-
denter ad hunc gratiae, & miseri-
cordiae Thronum: subinde citius au-
dieris, dum Matrem accedis, quam
si illicò accedas Filium; non, quod
ea plus, quam ipse potestatis habeat,
& misericordiae; siquidem quidquid
illa habet, ab illo habet: ast quod
Filius, tametsi misericors, simul quo-
què justus, tametsi Servator noster
est, tamen Judex quoquè sit. Si pri-
mum nobis inspirat confidentiae sen-
sum, alterum nobis imprimet timo-
ris. Ast in Maria nihil est, nisi miser-
icordia, nihil, nisi tenerimus amor.
Itaque quantumcunque miseri, &
peccatores sumus, accedamus ad
Mariam non tantum sine timore,
sed etiam cum confidentia certum
habe-

habentes nos intercessione ejus fore felices, uti patebit ex dicendis.

A. M. D. G.

2. Efficacissima ac magni valoris, cælestis, & purissimæ Virginis Mariæ, pro parte miserorum peccatorum, coram divino conspectu intercessio, omni dubio caret, si vel exemplum, quod nobis Romanorū subministrant fasti, accuratiū expendatur. Et vero: cùm enim Romulus Romanæ Urbis fundator, urbem illam inclytam, & opulentissimam sinè sodalitate mulierum cæpisset ædificare, decrevit populis finitimiis Sabinis duntaxat, conviviu fraudulentum celebrando præparare. Cùmquè singuli mediæ accumberent mensæ: Hem! Romani vim, & violentiam attentantes, virgines Sabiniorum agressi, Romam introeuntes

cum

ipsis matrimonium contraxerunt, ex illisquè filios susceperunt. Quà injuriā Sabini perculsi, & lacesiti, dies post paucos manu armata contra Romanos assurexerunt, qui singuli ad invicem crudelissimum, & sanguinolentum prælium inierunt.

3. Cùm igitur tantus conflitus attentatus fuisset, & mulieres Sabinæ ex muris Civitatis contemplatæ fuissent sat magnam occisorū fragem, accipientes, portantesvè in ulnis parvulos suos ipsa Urbe exierunt, ac in medio utriusquè exercitus collocatæ facies ad Sabinos vertentes eis dicebat: O Sabini! cesset obsecramus prælium hoc cruentum. Enimverò si Romanos interficitis, profectò generos vestros, & filiarū vestrarum viros, & parentes interficitis nepotum vestrorum. Rursum
ad Ro-

ad Romanos orationem suam convertentes, ipsos hunc in modum alloquebantur: Extinguatur, obsecramus, O Romani, incendium iræ vestræ; si enimvero interficitis Sabinos, avos filiorum vestrorum, & parentes interemitis uxorum vestrum.

4. Dictæ tantam efficaciam habueræ rationes, ut projectis armis parte ab utraquè, sese ad invicem amplexati sunt sibi paulò contravenientes. Quō fædere inito, ex populis Sabinorum, & Romanorum factus est populus unus, hoc duntaxat discriminé interveniente, quod uterquè eorum signa, & stemmata observare volebat.

5. Stemma Romanorum erant quædam aquilæ in campo ceruleo: stemma vero Sabinorum erant quatuor

tuor illæ literæ: S. P. Q. R. Quidā autem ex Romanis prudens, ac dīfertissimus vir, de hac re in Senatu verba faciens dixit: Ne propter hoc ulla habeatur dissensio, aut differētia: nam si Sabini per illas quatuor literas rem unam significare volunt, Romani aliam per easdem quatuor literas longè diversam significabunt. Sabini per illas quatuor literas stemma quoddam magnum, ac superbū significare volunt: dūtaxat, Sabini populis quis resistet! Romani verò per easdem met̄ respondebunt: Senatus, populusquè Romanus.

6. Hæc singula divino successui DEUM inter & homines possumus applicare. Enimverò bella erant perpetua creatorem inter, & creaturas: homines namquè DEUM adversus suum vitijs, ac sceleribus prælia-
bantur

bantur; ast DEUS ipse de hominibus vindictam sumebat illos sæverè, ac cum maximo puniens rigore. Videlis autem hoc Sacratissima Virgo Maria, sese inter Patrem æternum, & homines cum puerò JESU in ultnis posuit gestatò dicens: Placetur, obsecro, & mitigetur æterne DEUS ira tua: etenim si homines interfici, parentes meos quidem, sed & unigeniti tui Filij, interfici temporales. Et vos, o peccatores! nè ultra progrediamini cum superbia vestra, arma projicite culparum vestrarum, nec amplius bellum DEO vestro, & Sponso inferatis. Hæ rationes hujus cælestis Reginæ tantam efficaciam habent, ut omnia placent, & ad pacem, atquè concordiam redigant cuncta.

7. Quòd si DEUS per illas
qua-

quatuor literas vult significare: Sanctus, potens, qui regnat: nos per eas literas dicemus (siquidem tu, o Domine! habes officium Salvatoris) Salva populum tuum (per Mariam) quem redemisti. Atque adeò id, quod DEUS per illas literas significat, nos invitat ad hoc, ut ipsum diligamus, & reverentiali timore veneramur, atquè ei maxima promptitudine obediamus. Quod autem nos per illas significamus, DEUM (si ita dici potest) obligat, ut nobis remedium adhibeat, favorem præstet, atquè in cunctis necessitatibus auxilietur per Mariam.

8. En modo! quisquis te intelligis (verba sunt Bernardi hom. 2. super Missus est) in huius sæculi profluvio magis inter procellas, & tempestates fluctuare, quam per terram ambula-

bulare: nè avertas oculos à fulgore hu-
ius, si non vis obrui procellis. Si in-
surgent venti temptationum, si incur-
ras scopulos tribulationum, respice
stellam, voca Mariam. Si iactaris
superbiæ undis, si detractionis, si æmu-
lationis, respice stellam, voca Mariam.
Si iracundia, aut avaritia, aut carnis
illecebra naviculam concusserit men-
tis, respice ad Mariam. Si criminum
immanitate turbatus, conscientiæ fæ-
ditate confusus, iudicij horrore perter-
ritus, barathrō incipias absorberi iu-
sticie; desperationis abyssō, cogita
Mariam. In periculis, in angustijs, in
rebus dubijs Mariam cogita, Mari-
am invoca. Non recedat ab ore, non
recedat à corde, Q[uod] ut impetres eius o-
rationis suffragium, non deserhas con-
versationis exemplum.

O ergo!

O ergo! Sancta Maria succurre miseris, juva pusillanimes, refove flebiles, ora pro populo, interveni pro Clero, intercede pro tuis clientibus, sentiant tuum juvamen, qui tu am celebrant solemnissimam Assumptionem. Amen.

Sermo I. pro Vigilia Nativitatis Beatissimæ Mariæ Virginis.

Liber generationis JESU Christi.
Matth 1. 1.

I. **N**on origo quidē Mariæ (hanc enim ipsi quoquè Evangelistæ silentio prætereunt) sed nostra renascentia in Natalitio Mariæ nobis pensanda venit magna cum animi lætitia, gaudio, & hilaritate. Et vero: pro-

rō: prodit in mundum ē costa viri
 formata Eva, & mox ad primam il-
 lius comparitionem prope fit regnū
 Asmodæi, ad Mariæ primam conce-
 ptionem, primumquè ingressum, &
 ortum in mundum, prope fit, imò
 adest regnum DEI. Propter Evam
 peccatum, propter Mariam gratia
 regnavit in genere humano. Per E-
 vam vae mundo à scandalis, per Ma-
 riam Ave mundo à gratijs. Illa vae
 attulit homini, hæc ab homine abstu-
 lit vae. Eva luctus mundi, Maria
 gaudium universi. Eva mater mortis,
 perditrix gratiæ, perditionis incen-
 trix; Maria genitrix vitæ, inventrix
 gratiæ, salutis reparatrix. Atque adeò
 nascente hac Sacratissima Sobole
 cælesti Virgine Maria, omnes cum
 illa nati sumus DEO, & cælo. Pa-
 tebit hoc vel ex illis, quæ ulteriori
 addu-

adducam discursu. A. M. D. G.

2. Quamvis iniquitas nata sit ex matre Eva, non habuit tamen patrem Adamum, sed potius principem laci inferioris asmodæum: hinc qui volebat hanc prolem superare, & devincere, necesse fuit ipsius patris prius confringere phalanges. Non habuit attamen mundus per tanta millia annorum hominem tales, qui pectus tam crudeli opprimitisset tyranno, eumquè vicisset, Omnes enim in Adam peccaverunt. Usquè ordinatione Divina appromittente adhuc in paradiſo, quæpiā Soboles huic superbo iniquitatis parenti debuit, habuitquè conterere caput fastuolum. *Ipsa conteret caput tuum.* Hæc Soboles prædeterminata, ut in caput contereret iniquitatem. Et quod olim fuit tantum ap-

pro-

promissum, hoc ipsum effectus mon-
 stravit Annō 738. post ruinam Ro-
 manæ Urbis Olimpiadæ ejuscē tem-
 pore Consulum Romanorum Furnij,
 & Junij Sylvani, Imperij Cæsaris
 Augusti, in Civitate Galilææ Nazar-
 et, ubi hæc pretiosissima Soboles
 Sanctissima Maria Virgo per Ange-
 los Parentibus Joachim, & Annæ
 nunciata cælitùs, nata est. Hæc e-
 nimvero quia sine peccato concepta,
 & nata est, contrivit caput patris
 iniquitatis, quō ipsō nos morti tra-
 ditos, renasci fecit DEO, & cælo.
 Quemadmodum enim fortis ante
 adventum in mundum Mariæ, fuerat
 iniquitas, nosquè omnes tradidit
 morti per peccatum primorum pa-
 rentum, ita post illius nativitatem,
 hanc penitùs amisit, & nos mortui
 cælo, iterum renati sumus cælo; ha-

R be-

bemus enim, dummodò velimus,
illud obtinendi, defactò libertatem:
atque adeò nativitas Virginis Mariae
est nostra renascentia DEO, & cælo.

3. quæ quidem veritas quam-
vis sit seipsâ patens, cùm sit articu-
lus fidei, attamen fulcitur quoquè
testimoniò SS. PP. Ex quibus pri-
mus occurit D. Legislator noster
Augustinus, qui serm. 10. de Sanctis
ita habet: *Hæc est flos campi, de qua*
ortum est lilyum convallium pretiosum,
per cuius partum mutatur natura pro-
toplastorum, deletur & culpa. Mater
generis nostri pænam intulit mundo,
Genitrix Domini nostri salutem intu-
lit mundo. Auctrix peccati Eva, au-
ctrix meriti Maria. Eva occidendo
obfuit, Maria vivificando profuit.
Illa percussit, ista sanavit. Hac sola
ratione S. Epiphanius Hereticis o-
culos

culos pungebat, dum identidem asserebat: verè à Maria vitam mundi genitam, ut viventem gigneret, & fieret viventum Mater. Hanc quoquè propugnat veritatem & S. Cyrilus hom. contra Nestorium, & hoc quod scripsit ipso proprio sanguine cum vita conjuncto subscriptis: *Per te Sancta DEI Mater, homo ipse ad cælum revocatur.*

4. Asserti partes tuentur non modò SS. Doctores, ast ipsa quoquè nomina Mariæ, & Evæ defendunt. Annunciando namquè Sanctissimæ Virgini Gabrìèl Archangelus Filij DEI Incarnationem talern ad illam legationis cælestis orditur salutationem: *Ave Maria.* Quod verbum: *Ave* retrogradè lectum, significat: *Eva.* Ecce edocuit nos hicce SS. Trinitatis Emissarius Ma-

riam contrariam Evæ. Significabat
 Maria Evam, sed modō contrariō:
 ergo & qualitates, ac proprietates
 Mariæ fuisse necessum irī proprietati-
 bus, & qualitatibus contrarias Evæ.
 Et quia *oppositorum*, *opposita ratio*
habenda: sequitur: si Eva nos occidit
 in anima DEO, & cælo; Maria nos
 vivificavit, & penes Nativitatem
 suam, renascere nos fecit DEO, &
 cælo. Et hoc sæpè practicatur: *Con-*
veniunt rebus, nomina sæpè suis. Quē-
 admodum magnum malum Evæ no-
 men notatur. *Eva, Ah vœ.* Vœ to-
 ti progeniei Adæ; perditio nostra!
 Maria verò significat: Dominam,
 libertate plenam; ab hoc omni malo,
 prout illi penes legationem Ange-
 lus nunciando Mysterium Incarna-
 tionis uberrimè explicavit, immu-
 nem: *Ave gratiâ plena.*

5. Quod

abat
ariō:
ates
tati-
Evæ.
ratio
cidit
nos
tem
, &
Con-
Quē-
e no-
e to-
stra!
am,
alo,
nge-
urna-
mu-

5. Quod si verò status gratiæ principium suum acceperit ab Authore gratiæ Christo, ergo & ab illicius Sanctissima Matre Virgine Maria; etenim quod est *causa causæ*, est quoquè *causa causati*. Si autem status gratiæ cœpit cum Maria, nullus dubito gratiam nobis natam cum illa. Si gratia nata est nobis cum Maria; ergo cum Maria nati sumus DEO, & cælo.

O salve itaquè nobis serenissima proles! gaudemus vehementer de tua Nativitate rogantes, ut quē admodum te mediante nati sumus DEO, & cælo, ita te quoquè interveniente illi vivamus & temporaliter, & æviternè. Amen.



Sermo

Sermo II. pro eadem Vigilia.

*Jacob autem genuit Joseph virum
Mariæ, de qua natus est JESUS,
qui vocatur Christus. Matth. i. 26.*

1. **Q**uemadmodum Patriarchæ illi
Jacobo de Josephi generatio-
ne, Josepho de conjugio Mariæ, ita
nos nobis gratulari oportet in nata-
litio ejusdem. Jacobo aggratulandū
est, quia genuit filium, qui meruit
esse Sponsus Mariæ; Josepho, quia
præ mille alijs electus est castissimi
conubij custos; nobis denique, quia
nobis nascitur vita. Revera vita est
Maria, quia quos amat, non patitur
perire: Vita est, quia contraria Evæ,
quæ mortem nobis in mortu pomi in-
corporavit: Vita est, quia JESUM
nobis

nobis genuit omnis vitæ authorem:
 Vita est, quia pluribus mortuis redi-
 tum obtinuit ad temporalis lucis u-
 suram, & nè æternum perirent, spa-
 tium pænitentiæ impetravit: JESUM
 nobis ex austero mitem, ex severo
 misericordem, ex aspero reddidit
 lenem. Atque adeò quām obligati-
 simus Mariæ, quod per illam JE-
 SUM habeamus misericordem, pa-
 tebit vel ex illis, quæ ulteriori addu-
 cam discursu. A. M. D. G.

2. JESUM fore Nazarenum,
 hoc est, floridum, imò ipsum florē,
 per optimè notum. Si autem quærat
 quis undenam suam habeat dulcedi-
 nem, & odorem suavissimum! re-
 spondeo: à virga, & radice. Audia-
 mus Domini Prophetam de JESU,
 & Maria vaticinantem: *Egredietur
 virga de radice Jesse, & flos de radice
 eius*

eius ascendet. Isa. ii. 1. Ubi per vir-
 gam Mariam, per florem filium Ma-
 riæ intellexit. Ast cur tantam Regi-
 nam comparat? quare non potius
 Palmam, vel Cedrum, aut Olivam
 appellat. Magis hic nostrum sola-
 tium attendit, ac spectat Virginis
 honorem: imò Virginis ampliat ma-
 jestetem. Nonne virga sine difficultate
 flectitur, & inclinatur: Palmam
 vero, Cedrum, & Olivam citius
 franges, ac flectes. Virga sic flecti-
 tur, & inclinatur, ut simul inclinet
 & fructum. Cui asserto pulchre, ut
 assolet, alludit Cherub Marianus D.
 Bonaventura in spec. c. 13. dicens:
*Si hunc florem habere desideras, vir-
 gam floris precibus flectas: si flos est
 nimis altus divinitate; virga tamen
 est flexibilis pietate.*

3. Placet hic meminisse virgæ
 illius,

illius, quæ de petra mel, & oleum
 elicuit de saxo, uti innuit canticum
 Ductoris Isräelis Moysis Deut. 32.
 12. Hacce de petra, tamquam ubere
 mellis non postremum quid apud
 Doctorem Gentium reperitur, vel
 rarius apud Rabbinos, quorum me-
 minit Haymo in c. 10. 1. Cor. Apo-
 stolus Paulus ibi v. 4. inquit: *Bibe-*
bant autem de spiritali, consequente
eos, petra. Syrus legit: *Bibebant de*
petra, quæ cum ipsis veniebat. Hinc
 bino in loco Tertullianus de bapti-
 smo c. 9. & adversus Marcionem I.
 3. c. 5. S. quoquè Ambrosius in Psal.
 38. & l. 5. c. 1. de Sacramentis: sub-
 infert dicens: *Non immobilis petrā,*
quæ Christum sequebatur. Ast pa-
 ctō quō, & cur sequebatur? Rabbini
 reponunt, Mariam sororem Moysi,
 petram

petram ad pectus suum tamquam
monile appensum gestasse. Placet
Rabbinorum assertum.

4. Petra Christus est, quem-
admodum loc. cit. Apostolus inquit,
ex qua profluunt aquæ cælum, &
terram irrigantes; hanc autem petrā
Maria Christi Mater ad pectus su-
um gestavit, juxta quod habetur
Cant. I. 12. *Inter ubera mea commo-
rabitur*, sicquè emollivit, ut nulla
durities remaneret, effectaque sit o-
leo mollior, & dulcior melle.

5. O Pectora Religiosa! si sitim
pati non vultis, si misericordiam cu-
pitis experiri, Mariam honorate,
Mariam invocate, nec DEUM pe-
træ instar rigidum vobis fore existi-
mate. Qualis Mater, talis Filius:
uterquè oleo levior, dulcior melle.
Quod ipsum quoquè sentit peculia-
ris Ma-

ris Mariæ cultor S. Bernardus, dū
serm. 10. de Nativit. Domini in hæc
verba prorumpit: *Dulcis Dominus,*
dulcis Domina ; quia ille Dominus
meus, misericordia mea: hæc Domina
mea misericordiæ porta. Felix terquè,
quaterquè fortunata, & optata porta,
quæ pandit ingressum non minus ju-
stis, quam peccatoribus detestan-
tibus peccata.

6. Nequè verò ausos fuisse in-
trare stabulum Bethlehemi tres illos
Reges possum dicere, nisi ibi fuisse
cum divino punctione etiam Mater.
Et hic est sensus Lactei Doctoris,
qui serm. 2. de B. V. ita habet: *Ma-*
gi non sinè Maria, Matre eius, puerū
invenierunt, ausim dicere, nec inven-
turos. Quod prudenter potest ex il-
lo devotæ animæ suspirio conjectu-
rari, quæ Cant. 8. 1. inquit: *Quis*
michi

mibi det te fratrem meum fugentem
ubera matris meæ, ut inveniam te fo-
ris, & deosculer te, & iam me nemo
despiciat! Foris extra tribunal, extra
thronum, extra regiam, in brachijs,
in sinu, ad ubera Matris, cuius lac
magis te mansuetum facit, ac dulcorat,
quam Pauli decollati lactifluus cru-
or in carnificis tunicam incidens il-
lum mansuetum fecerit, & dulcorabit.
Audiamus Chrysostomum apud Me-
taphraustum dicentem: *Animam illius
barbari supra modum dulciorum red-
dens, fidelem effecit.*

7. Eapropter Dilectissimi non
abeamus à Matre, quæ nobis Filiū
tam mansuetum, tamquæ lenem ef-
fecit, ast sanctissimis pedibus ejus
advoluti cum Mellifluo Bernardo
serm 2. de Adventu Domi. clame-
mus: *Copiosa caritas tua nostrorum
coope-*

cooperiat multitudinem peccatorum,
 & fecunditas gloria fecunditatem
 nobis conferat meritorum. Quod, ut
 eveniat, candido exopto corde. Am.

Sermo III. pro eadem Vigilia.

Liber generationis JESU Christi.

Matth. I. 1.

I N nativitate Principum vehementer gaudere solemus; ast immerito: hi etenim prouti alij, nascuntur peccatores, ita æquè ac cæteri ad miserias condemnantur. Imò lachrymis suis, quas non minus, quam alij homines fundunt, lætitia, quam eorum natalis honoratur dies, detestari videntur. Procul est ab hac infelicitate Nativitas Mariæ, cum

Ma-

Maria, ut sit misera, non nascatur,
 quia ex eo, quo nascitur, tempore,
 non tantum sancta, sed & omnium
 sanctissima est creaturarum Gloriosa
dicta sunt de te civitas DEI. Psal.
 86. Hoc est: divina Maria. Funda-
 menta eius in montibus sanctis. Id est,
 ut D. Gregorius explanat: *Tu gra-*
tiâ sublimiorem te invenis sub vitæ
tuae initium, quâm sublimissimi Sera-
phini, quâm Sanctorum præcipui in
apice sanctitatis, & gloriae suæ. Hæc
 Virgo est ille mons, quem Propheta
 Domini vidit in altissimorum mon-
 tium positum summittate. *Et erit*
mons Domus Domini in vertice mon-
tium. Isa 2. 2. Quanto hoc tibi ho-
 nori est Sanctissima Virgo! sed &
 nobis quanta solatiij causa! Merito
 revera Ecclesia canit: *Nativitas tua*
DEI genitrix Virgo gaudium annun-

cavit

ciavit universo mundo. Id, quod patetibit ex dicendis A. M. D. G.

2. Nativitas Virginis Beatissimæ gaudium primò annunciatum sanctis ejus Parentibus Joachimo, & Annæ, quia tanta filia nata est eis, quam nimirum didicerunt Genij cælestis nunciō futuram Messiæ Matrem. Eatenus si Abraham in Iesu natali, si Anna in Samuëlis, Zachariasq; in ortu Joannis gaudiō sunt repleti, eò quod intellexerint fore eos coram Domino magnos, tanto magis Mariæ Parentes in ortu filiæ tantæ! O! quomodo non lætaretur paupercula quædam mater, quæ pareret prolem, quam nōisset futuram Episcopum, vel Cardinalē, vel Regem, aut Reginam! quæ quidem ad dignitatem Matris DEI minimè valent comparari.

3. Se-

3. Secundò: Natalis Virginis
 Beatissimæ gaudiô fuit Patribus in
 limbo detentis, quia hâc natâ nun-
 ciatus est eis dies secura jam jam,
 liberationis post tam longam nocte,
 juxta illud, quod habetur Isa. 9. 2.
Populus, qui ambulabat intenebris,
vidit lucem magnam: habitantibus in
regione umbræ mortis lux orta est eis.
 O! quantô nos gaudiô perfundere-
 mur si post longam aliquam noctem
 v. g. 30. aut 100. annorum alicubi
 moras trahente sole reverteretur ad
 nos lux, & aurora, quos plausus, &
 jubila ederemus! Ast multò longior
 fuit nox illorum Patrum: atque adeò
 nemo, velim, dubitet, quin hanc diē
 lètissimis vocibus, & plausibus ex-
 ceperint.

4. Tertio: Natalis Virginis
 Beatissimæ gaudium attulit Angelis
 in cæ-

in cælo, quia nata est eis Mater Domini illorum per quem acceperunt innumerabilia charismatum bona, illuminationem reliqua inter, perfectionem, & beatificationem; ac per quem restaurandæ erant ruinæ perfidorum angelorum. Nonnè exultavit in utero matris Joannes ad præsentiam, & adventum Matris Domini sui! quis dubitet exultasse & in cælo Angelos ad ortum Matris Domini sui! Quod si verò lætantur Ægyptij visō altè increscere Nilō, quia nōrunt hac ratione agros fæcundari, magnamquè sibi proventuram messem! tanto potiori jure lætantur Genij cælestes luce hodierna, quia vident nasci Virginem, quæ paritura erat illis Dominum suum, à quo maximis ipsi bonis partim affetti, partim afficiendi, & ordines eo-

rum redintegrandi cælumquè totum
beatis replendum erat. Quòd si ve-
rò Domino apud Lucam cap. 15. 7.
attestante gaudium sit Angelis DEI
super uno peccatore pænitentiam a-
gentes quanto magis super ortu Ma-
riae, cuius ope, & beneficio omnes
peccatores erant pænitentiam acturi,
quotquot erant acturi.

5. Quarto: Natalis Virginis
Beatissimæ gaudiō fuit ipsi DEO,
quia perfecit opus præstantissimum,
& dignum Filio suo habitaculum
extruxit. Ita enim verò lœtatur arti-
fex cum consumavit opus quodpiam
præclarum & Cedrō dignum. Atquè
eatenus DEUS, cum perfecisset sin-
gula opera initio creationis, vidis-
setquè cuncta, quæ fecerat esse valde
bona, requievit ab omni opere, e-
gitq; diem Sabathi festum. Atta-

men-

men eo tempore terreno solum Adamo servo suo præparaverat habitaculum præsentem videlicet mundū. Quanto magis ergo credimus lætatum cùm præparaverit Filio suo habitaculum animatum, Virginem duntaxat Mariam: Spiritus item Sanctus lætatus est in ortu Mariæ, quia invenit domū, & templum perpetuò sibi dicatum. Quemadmodum gaudet Dux occupato quopiam inexpugnabili castello. Cæteri mortalium singuli contristant subinde Spiritum Sanctum, cùm vel in peccato nascantur, vel in peccatis vivant.

6. Denique Natalis Virginis Beatissimæ gaudium affert universo mundo, equidem hodie illuxit ei aurora, post ignorantiae, & gentilismi tenebras longiores adducens solem Justitiae Christum JESUM. Eapro-

pter quemadmodum aurora ægris levamen, jactatis in mari tranquillitatem, hominibus, & animalibus omnibus diem amantibus gaudiō est, ita & Nativitas Virginis Mariæ omnibus hominibus, justis, & peccatoribus solatium, & fiduciam parit. Audiamus Salomonem Cant. 6. 9. sic de Maria modulantem: *Quæ est ista, quæ progeries quasi aurora consurgens.* Unde Rupertus libro 6. in Cant. *Quando nata es (inquit) ô Virgo Beata, tunc vera nobis aurora surrexit, aurora prænuncia diei sempiterni;* quia sicut aurora finis est præteritæ noctis, & diei sequentis initium, *sic nativitas tua finis dolorum, & consolationis fuit initium, finis tristitiae, & lætitiae nobis extitit principium.* Et quemadmodum in aurora prodeunt aviculæ ad cantum, ita post or-

tum

tum Mariæ cœpit ad DEI cultum
genus mortalium exhilarari.

7. Eapropter Dilectissimi! gau-
deamus & nos luce hodierna, & ne-
què gaudeamus tantummodo, ast
gaudij quoquè hujus amplectamur
fructus. Si nobis aurora illuxit, sva-
su Apostoli Rom. 13 13. & 14 Abii-
ciamus ergo opera tenebrarum, & in-
duamur arma lucis, sicut in die honeste
ambulemus, non in commessionibus,
& ebrietatibus, non in cubilibus, &
impudicitijs, non in contentione, &
æmulatione, sed superinduamus Do-
minum JESUM Christum, sicquè
induti constanter incedamus donec
vitæ nostræ felicissimus advenerit.

F I N I S.



INDEX

INDEX

Rerum Præcipuarū quæ
in hoc Opusculo conti-
nentur. Litera F. deno-
tat Foliū: Litera N. Nu-
merum.

A.

Adami peccatum quorum causa f.
128. n. i hoc in nos omnes per
naturalem propagationem dif-
funditur f. 137. n. i.

Amicitia inter Jonatham & Davidē.
f. 29. n. 6.

Amor DEI erga homines. f. 138. n. 1.
hujus conservandi media. f. 230.
n. 2. & sequ. hominis erga
DEUM. f. 197. n. 2. & sequ. re-
quirit observantiam mandato-
rum DEI. f. 202 n. 8. & 9.

Antiquitatis convivium. f. 98. n. 6.

Arca

Arca dum introducta fuit Jerosolymam, qualis solemnitas! f. 76.
n. 1.

Artis opera in eodem statu non permanent semper. f. 131. n. 2.

Asveri convivium. f. 98. n. 5.

C.

Charitas erga proximum. f. 215. n. 2.
& sequ.

Christus est exvinculator noster. f.
3. n. 2. Fidejussor. f. 6. n. 3. Medicus. f. 9. n. 4. Alitor, & Pater familias f. 12. n. 5. Servator. f. 15. n. 6. in præsepi jacens quæ nos docet! f. 38. n. 7. cur pauper natus? f. 20. n. 2. & sequ. humilitatis exemplum. f. 149. n. 2. & sequ.

Cithara Davidis Dæmonem fugat.
f. 204. n. 1.

Constantia in bono, syadetur à Ber.
nar-

nardo. f. 44. n. 4.
Convivium Alveri Regis. f. 98. n. 5.

D.

Despicientia sui amanda. f. 240. n.
2. & sequ.

DEUS per Filium suum misertus est
nostr. f. 4. n. 2.

Doctor quidam in Sacra Theologia
asserens Virginem Beatissimam
culpæ originali sub jacuisse, mor-
te repentina punitur. f. 134. n. 4.

E.

Eucharistia Cæna magna. f. 78. n. 2.
in hac velat se Christus Domi-
nus speciebus panis. f. eod. n. 2.
pulcherrimus in hac. f. 80. n. 4.
cur post Cænam instituta! f. 89.
n. 1. cur Cæna magnâ. f. 91. n.
1. ad sanitatem animæ subtilissi-
mus cibus. f. 93. n. 2. confert
vitam

vitam æternam. f. & n eod. ac
sequ. accedit in DEUM cha-
ritatem. f. 97. n. 4. in hac à
Christo sanctissimum conviviu-
præparatum. f. 98. n. 5. ad hanc
non accedat peccator, nisi pa-
nitentiâ præmissâ. f. 107. n. 2.
& sequ.

Eva colloquium cum serpente disper-
colloquio Mariæ cum Angelo.
f. 186. n. 1. hæc contraria Ma-
riæ. f. 187. n. 1.

F.

Filij DEI amor erga homines. f. 29.
n. 6.

G.

Gaudium Mariæ in introitu ad Cæ-
lum. f. 238 n. 1.

Generatio Christi. f. 195. n. 1.

Gloria Mariæ respondet ejus humi-
litati. f. 239. n. 1.

Grati-

Gratitudinis exemplum David. f. 52.

n. 1.

H.

Hadriani Imperatoris liberalitas. f. 8.

n. 3.

Hebræorum servitus dura extitit. f. 3.

n. 2.

Humilitas Mariæ super alias creaturas gloriam promeruit in cælo.
f. 239. n. 1. amplectenda. f. 180.
n. 5. f. 223. n. 2. & sequ. f. 149.
n. 2. & sequ. hujus exemplum
Beatissima f. 147. n. 1. Christus
Dominus. f. 149. n. 2. & sequ.

I.

Impatientia nostra. f. 37. n. 6.

Incarnatio Christi. f. 195. n. 1.

Inspiraciones Divinæ sequendæ. f.

221. n. 1.

L.

Lex professa custodienda. f. 167. n.

2. f. 173. n. 7.

Li.

52.
8.
3.
tu.
o.
30.
9.
m
us
qu.

f.

n.

Liber qualis exponitur ab Evangelista! f. 117. n. 1.

M.

Magi singuli singula obtulerunt munera f. 41 n. 1.

Mariæ colloquium cum Angelo disper colloquio Evæ cum serpente. f. 186. n. 1. hæc confregit caput diaboli. f. 256. n. 2. hâc natâ, nati sumus DEO, & cælo. f. 257. n. 2. & sequ. hæc vita nostra. f. 262. n. 1. per hanc JESUM habemus misericordem. f. 263. n. 1 & sequ. hæc contraria Evæ. f. 187. n. 1. hujus gaudiū in introitu ad cælum. f. 238. n. 1. ejus gloria respondet humilitati illius. f. 239. n. 1. illius humilitas f. 47. n. 1. præmiatur. f. 175. n. 1. hanc inter, & Evā discrimen. f. 254. n. 1. hæc in virtu-

virtutibus exurgens. f. 206. n. 1.
hæc Mediatrix nostra. f. 245. n.
1. & sequ. hujus natalis verum
gaudiū parit. f. 269. n. 1. hujus
paupertas. f. 157. n. 1. huic pec-
catum actuale, etiam veniale
imputare, foret scelus impijissi-
mum. f. 120. n. 2. huic potuit
DEUS conferre privilegium,
quod æquivaluisset justitiæ ori-
ginali. f. 121. n. 3. hæc ab origi-
nali peccato præservata. f. 120.
n. 1. & sequ. non subjacuerat
peccato Adami. f. 130. n. 1. &
sequ. f. 138. n. 1. sinè peccato o-
riginali concepta. f. 139. n. 2. &
sequ. hujus natalis gaudium an-
nunciavit ejus Parentibus. f.
271. n. 2. Patribus in limbo. f.
272. n. 3. Angelis. f. eod. n. 4.
DEO. f. 274. n. 5. universo
mundo. f. 275. n. 6.

Me-

Medici diversō modō curant suos
patientes. f. 142. n. 5.

Methodus bene regendi, & ordi-
nandi propensiones naturales.
f. 206. n. 2. & sequ.

Minima curanda. f. 67. n. 2. & sequ.
observanda. f. 168. n. 3. & sequ.

Modestia custodienda. f. 182. n. 6.

Mundus contemnendus. f. 26. n. 5.

N.

Nativitas Christi lētitiam parit. f. 1.
n. 1. quos fontes lētitiæ aperit.
f. 3. n. 2. & sequ. Mariæ verum
nobis gaudium parit. f. 269. n.
1. gaudium annunciat ejus
Parentibus. f. 271. n. 2. Patribus
in limbo. f. 272. n. 3. Angelis.
f. eod. n. 4. DEO. f. 274. n. 5.
universo mundo. f. 275. n. 6.

O.

Obedientia tenenda. f. 178. n. 4.

Obe-

Obedientis veri gradus. f. 178. n. 4.

P.

Pauperes à DEO curantur. f. 20. n. 2.
Paupertatem odio habent homines
mundani. f. 23. n. 3.

Paupertatis Religiosæ origo. f. 159.
n. 2. hæc non infructuosa. f. 161.
n. 3. & sequ.

Perseverantia quid! f. 44. n. 3. sva-
detur. f. 45. n. 5. & sequ.

Principum natalis immeritum gau-
dium parit. f. 269. n. 1.

R.

Religioso quæ DEUS contulit! f. 55.
n. 4. f. 57. n. 5. omnibus virtu-
tibus debet esse ornatus. f. 177.
n. 3. & sequ. hi conformem vo-
cationi vitam agant. f. 63. n. 1.
publicum fugiant. f. 188. n. 2.
& sequ.

Reno-

Renovatio votorum, cur intra O
ctavam Epiphaniæ à nobis sit?
f. 42. n. 2.

S.

Scoti oratio Virgini Beatissimæ pla-
cens. f. 135 n. 5.

Servitiū DEI gustuolum. f. 147. n. 1.
V.

Verbum DEI caro factum est. f. 31.
n. 1. cur abbreviatum. f. 33. n. 2.


hoc Infans JESUS quomodò
nobis loquitur? f. 34. n. 4 & sequ.


Virtus sectanda f. 26. n. 5. hæ custo-
diendæ. f. 166. n. 1. sine humili-
tate periculosa. f. 224. n. 3.

Visio Danièlis. f. 18. n. 1.

Voluntas bona adhibenda in obser-
vantia Regulari. f. 184. n. 8.







Biblioteka Jagiellońska



stdr0024985

FRENNIUS
MENSURA
SEU
CEREMONIA